


320.


N^o 41


22.



Q. 2.
Clinton, A.







Det er Accur Over
My Maldiva See

Solomon Secchellazum, Labill.
Ann. de l'Inst. V. Hist. nat. Paris 9. 1804
Revue Britannique 1810
Octobre 1852 p 1173 sub
titre l'Arbre de Solomon.


Parcia el Morlo, Aromatiz.
et Ant. 1574. p 112. Locum
de Maldiva. Editio 1579 p 106

See de ceteris Op. q. of Sij
Kuntt. Unum plant. 3 p. 225.

AVGERII CLVTII M. D.

Opuscula duo singularia.

I. DE NUCE MEDICA.



II. de HEMEROBIO five EPHEMERO

Insecto, & Majali Verme.




AMSTERODAMI, Typis Jacobi Charpentier. ANNO 1634.

AVGUSTI CLETTI M.D.


Opusculum duo continens

DE NUCE MEDICA.



ET DE HEMERISMO sine EPHEMERO


Lib. 1. et 2. M. J. V. 1. 1. 1.



Amsterdam Typ. Jacobi Chouette Anno 1714

AVGERII CLVTII
DE
COCCO MALDIVENSI.

I. Opusculum.



In quo
MEDICI, PHYSICI, HISTORICI,
POLITICI, CRITICI,
exercitium suum invenient.

PROSOPOEIA
COCCI MEDICI.

De Ampliffⁱⁿ. D.D. quibus Opusculum I. inscribitur
benemeritis.

S C A Z O N.

Quis expedit CLUTIO meum sensum,
Præstantiam, Jubar, decusque primorem
Inter medentium gregem, imperans Fato?
Quis expedit CLUTIO meas vires,
Opusculorum CLUTIO fabro, & limæ?
Qui me volumine, & fruges meas longis
Debat ob meritum fuisse pandectis.
Ut ut brevis præclara signa progressus
Mei daturus CLUTIUS, meus scriptor.
Medicaminum qui simplices & immistas
Vires, modumque mistionis enarrat.
REALIUS primum attulisse cæmentum,
Solersque materiem aptam SPECCIUS structor,
Favoniumque blandè afflare CONRADUS
Dignatus est, ut Apollini sacer fiam.
Trium-viris porrò his dicatus exhibo.
Coccus triumphans jamjam triplici umbone.
Fulsere verè candidi mihi soles!
Factum ô bonum, jam consulatur ægrotis
Majore curâ, & prosperiore successu.

Autor P.

In laudem Opusculi
D. A V G E R I I C L V T I I .

D. JOSEPHUS BUOENO LUSITANUS.

Peritissimorum Virorum est abditas rerum causas, earumque virtutes eximias speculari. Quamvis autem de jam inventis veterum discursus auctoritatesque multi faciendas censeamus, veluti Platonem de se benemeritum Præceptorem Aristoteles extollebat, nosque Aristotelem celebri cultu veneramur, ob mirabilia ipsius scripta & de divinâ auscultatione exquisitum opusculum, novissimo tamen hoc tempore navigationes novæ, nova experimenta, novi (si diccre licet) orbes suis delitiis & utilitatibus mundum exornant, & humanæ Naturæ languoribus medentur. Ut sero parta eodem jure donanda videantur, quo antiquitus inventa. Orientalis India grandia pandit, & ferè miracula ostendit. Animalia nimirum fortissima, Rhinocerotes superbos, prudentesque Elephantes, Bezaarticos lapides mirabiles, caprarum virtutes, Smaragdorum margaritarumque copiosam multitudinem, Hystricis sudoriferos lapides, summi emolumenti in pestilentibus & malignis febribus; Rubicundorum Rubinorum sobolem, umbrante luculo tectam. Hic Adamantorum progenies, & serenissimis roridi cæli guttulis margaritæ proveniunt. Quelibet minima sylva Pomiferos habet ramos, qui levi Zephyro adolescentes augentur. Sed quid ad unguem persequi laboro? Impossibile fore existimo herbarum, plantarumque varietates referre, postquam ita parens Natura lascivire visa est in earum virtute & coloribus; ut rectè sacro Carmine canamus. Perfecta opera Domini, non possumus eis quicquam addere nec auferre. Omnia hæc imperante cælo ex ejusdem fecunditate, aërisque & aquæ amœnitate provenire certò scimus. Harundines hîc in magnam crescere altitudinem experimur, hominesque ferè nullas pati ægritudines, nunquam dentium dolores, quorum superfluos humores solis radii absument, longævæ vitæ homines sunt. Si enim fide dignissimis Lusitanorum historiis credimus, devastatâ

*Civitate DIU, fuit ad Proregem delatus homo trecentorum annorum ætate, qui omnia ipsius patriæ abdita, præsentia & præterita Proregi denunciavit. Et ut summatim dicam, miracula prodit hic Divinus Opifex, & ne relictis fontibus rivos insectari videar, confirmat sententiam meam sacra Pagina, Gen. cap. 2. Plantavit quoque Dominus Deus hortum in Eden ab Orienti: hinc odoriferum Cinnamomum, fragrans Moscus, Calamus aromaticus, lignum Aloës ex Taprobanâ de quo scripsit Regius Vates Psalmo 44. Dilexisti Iustitiam & odisti iniquitatem, propterea unxit te Deus oleo lætitiæ præ consortibus, Myrrham, lignum Aloës, & Cassiam redolent vestimenta tua. (non Aloes ut male aliqui vertunt. Nam Aloës succus herbæ est non lignum) Parvi rivuli, qui in regione nostra sordidi & fætidii sunt, ob cæli clementiam & benignitatem delectabiles hinc reperiuntur, in quibus redolens capitur unguis, quam summus opifex in odorem suavissimum sibi elegit, ut constat Exodi cap. 30. versu 34. Et facies ipsum suffimentum aromatum &c. qua propter in admiratione rapimur, ubi Nucis nostræ Medicæ seu Cocci Maldivensis Magnalia procreantur, cujus virtutes eximie sunt, eaque de causa ab omnibus Hispaniæ Lusitaniæque Principibus desideratæ magnifico pretio venundantur. Medullæ albæ istius Nucis elapsis jam plus minus quinquaginta annis egomet ipse in Aula nobilium periculum feci. Omnium verò longè in similium rerum arcanis sapientissimo D. Augerio Clutio credimus, ejus veram Historiam virtutesque consequemur, quibus possimus morbis mederi. Maneat Lucubrationum istarum perennis Fama, gratum omnium applausu, delectabileque opusculum; & generosa Germanorum cohors tibi gratias agat. Invidorum colluviem ne timeas, sitiant & delitescant in umbra, & veluti scripsit Poëta Seneca, stet lusus vacuo gutture Tantalus. Accipiat verò Patria hæc magna quæ magna offert celebris Clarissimusque Doctor, & perennis artis nostræ honor. Te decus atque suum dicet Germania clarum,
 Nam majestatis summæ penetrabilia rimans,
 Abdita, Germanis patefacta industrius offers.*



E P I G R A M M A,

In Librum

Clarissimi atque Excellentissimi MEDICI
D. AVGERII CLVTII Botanici
insigniter experti.

U Sibus humanis ut res est quælibet apta
Conueniens pretium ponitur inde rei.
Ex Nuce Maldiva quas dotes terra refundat
Eximiâ CLVTII dirigit arte liber.
Hæc erit in pretio, Pindique augebit honorem,
Inter Apollineas dum numeratur opes.
Ad Stygias idem iubet ablegari undas
Infausto celebrem nomine Hemerobium,
Quippe venenatis effectibus insidiosus
Pestifer humanis usibus esse solet.
Quantus honos debetur ei, damnosa probatis
Distent invictâ qui ratione docet.

Amicitie causâ fecit

NICOLAUS FONTANUS, Med.

Ad AVGERII CLVTII Nucem Medicam.

EPIGRAMMA.

EX auro Chymicus, Divinis ex Nuce morbis
Invenit Antidotum CLUTIIUS, ergo pares.
Promittit Chymicus, sed præstat CLUTIIUS: impar
Hinc laus, hinc vobis convenit impar honos.

IOH. ANTONIDES vander LINDEN, Med.

AD AVTOREM.

ABdita quæ latuit Batavis Nucis intima virtus
Arguitur CLUTII dexteritate tuâ.
Multa de HEMEROBIO prisci dubiosa dedere,
Ambiguum scriptis tollitur omne tuis.
Ut varios ægris possis expellere morbos
Sudasti, tibi laus, hinc tibi fama redit.

In Orphea primi & Charonta secundi Opusculi.

IAM Coccum Medicum, melicum Orphea jure probabo,
Qui ægrorum revocat millia ab interitu.
At vos detester, quæis tanto in honore Charontis
Majale insectum, nomine Hemerobii.

Observantiæ ergo colendo suo Patrono P.

I. a G R O L, Med. D.

Ad Cl. & Doctissim. Virum

D. AUGERIUM CLUTIIUM, avunculum colendum.

Fertilis illorum seges est qui plurima fundunt,
Sed qui ritè queat scribere, rarus adest.
Vnus es in paucis, cui ne trivialia pandas,
Ipse suum lætus cessit APOLLO melos.

MATHEUS SPRANGER.

INDEX



INDEX CAPITVM

Et Memorabilium.

Opusculi I.

DE NVCE MEDICA.

CAPUT I.

P Harmaçorum inventio immensum beneficium Dei.
Post animæ salutem, corporis sanitas primum locum occupat.
Machine enee ad hominum perniciem inventæ sunt.
Typographia conservandis literarum monumentis idonea, ineptias quoque literatorum fovet.
Fulvum metallum Chalybe nocentius.
Argonante Europæ novum orbem, maris claustra, & innumeras insulas patefecerunt.
Pharmaca exotica à Nautis nostro orbi illata sunt. & Nucis Medicæ primatus.

CAPUT II.

Situs Insularum apud quas reperitur Nux Medica. Earum latitudo, seu altitudo Poli.
Insule duodecies mille, in Provincias tredecim distinctæ; forma earum; aliæ fertiles, aliæ steriles.
Maldivenses Insulæ ad usum & luxum omnia suppeditant.
Fruges & animalia Europe in insulis Maldivensibus nulla.
Nux Medica in littore tantum reperitur maris æstu allata.
Nux M. tanquam Ambarum fuscum in littus eycitur.
Nemo non nisi ad Regem delaturus N. Med. tollit.
Nux M. Ambaro præponitur.
Qui dives repente factus Tavarcare invenisse dicitur quod nomen in Insulis N. Med. habet.
Insularum Reges non nisi Magnis donare soliti Nucem Medicam.

I N D E X.

C A P U T. III.

Nucis Medicæ origo variè jactatur.

Insula Palloys producere nucem Medicam à potioribus creditur.

Matura Nux Med. æstu maris in oras Maldive nsium eiicitur.

Insula Palloys omnium terrarum beatissima humano aspectui à Cacadæmone subtrahitur, nonnunquam ignavis se offert videndam.

Insulam Palloys nemo sine procellus suo legit. inventam nemo sine Cacadæmonum specie & cruciatu frequentat.

Ex Insulâ Palloys N. Med. in Vniversum orbem defertur.

C A P U T. IV.

N. Med. gemina semper, ovali figurâ, & dividi nequit propter vincula.

Medulla N. Med. tegit interiora utriusque Putaminis, ejus Forma rotunda seu sabacea.

Nucleum N. Med. tunica quadam tutantur.

Totus Nucleus non excernitur, ubi scyphus inde fabricatur, pars relicta in duritiem ipsius Cocci vertitur.

N. Med. adaperata exprimit cymbia duo, & usui interno & externo applicatur, medulla ex catenulâ aureâ appenditur.

Dividendæ Medicæ nucis ratio.

Poculi gemini ex nucis Medicæ extremitates nisi auro conjungantur, ad usum inhabiles: Pyxidis vicem aliquando supplet.

Scyphus ex N. Med. Remedia plurima contra morbos habet.

Nucis expolitæ putamen naturali cœlaturâ dotatum, color ejus ex nigro saturatus.

Magnitudo à melonum majorum specie, & magnitudine non recedit.

Modus poliendæ Nucis, oleum in poliendâ nucis noxium.

C A P U T. V.

Catagraphus Nucis Medicæ.

Archithalassus Wolfardus N. Med. Clermontio, cui affinis sublegavit.

Imperator Rudolphus II. quatuor millibus Florenorum, N. medicam redimere, sed frustra, conatus est.

Modus quo Wolfardo Nucis copia facta est atque Historia.

Lusitani à Wolfardo compulsi obsidionem urbis Bantam deseruerunt.

Wolfardus in præmium liberationis N. Medicam à Rege acc. pit.

Batavis Libertas data qualibet coemendi & colligendi in Bantam.

Summa facies fructus impudicè lascivientis, quare à Rege ablata, constat.

Facies N. M. extrema pudendum muliebri & podicem refert, non impare magnitudine.

Varia

I N D E X.

Varia forma N. Medicæ, tam Integræ, quam in partes geminas divise.
Spiracula Nucis obducuntur introrsum medullæ portiunculis. Causa.
Apud quos reperitur in patriâ nostrâ, & extra.
Contemplatio varia plantarum, & fructuum in terrâ & supra eam, quæ a Natura ipsa describi videntur.

C A P V T VI.

Cl. D. Realius Aphorismis N. Medicam enodavit.
Nux Indica vulgaris omnia ad vitam necessaria, Maldivensis sanitatis remedia profert.
Vulgaris Palma coccigera omni tempore fertilis est.
Coccus Maldivensis verè Orpheus dicendus, vel Panacæa.
Commoda vulgaris Nucis in quibus Authoribus reperiantur.
Vulgaris cultro dividitur facile, hinc humor clarus & potui aptus eliquatur.
Serum caseatione facta in centro locatur.
Conjectura tantum est, humorem nucis medicæ in solidam massam coagulari.
An Cocci Mald. origo ex Palma arbore in Maris profundo? natalis idem qui fruticum & plantarum marinorum est.
Vita & Nutricatus plantarum.
Caseationis exemplum à Cl. Realio adductum &c.
Cocci vulg. cortex induratus ferro aperitur.
Quæ in aperto vulgari Cocco animadvertenda veniant.
Medulla vulg. Cocci nucleo avellane nostratis assimilatur; ad lac, & emulsiones, nec non coquina necessaria ob teneritatem utilis.
Maldivensis natura ex parte incognita est quod ex maris profundo exeat.
Cocco vulgari & Areccæ involucria multa circumposita sunt ad tutelam, tanquam fructui in utero.
Sepulveda error à Garçia observatus.
Varia Coccorum Indolēs pro locis Variis.
Insula maragnana quatuor Palmarum species exhibet.
Thesaurus exoticorum Autois.
D. Bontii P. M. Plantarum Indiæ descriptiones.
Usus Medullæ vulgaris vitam sustentat, Maldivensis Medicæ sanitatem conservat.
Medulla utriusque Nucis est potior pars.
De Varia germinis aut Gemmæ figura.
Germe in conservationem speciei adolescit, veluti aliorum quoque fructuum nuclei.
Folia Palmarum non seruntur.
Gemma Margaritarum æmula raræ inventionis.
Gemma in partibus internis spiritibus atque alimento communi fruitur.
Gemma ad justam magnitudinem perlata, naturæ decreto in cavitatem nucis separatur.
Gemma separata suis se igniculis sustentat.
Gemma in duritiem nativam Naturæ consilio efformatur.

I N D E X.

- Sanguis extra venas vel coagulatur, vel putrescit.*
Gemma ut ut dura germinationi apta.
An Germen primitivæ arboris speciem edere queat dubitatur.
Gemma præ laxitate apertura in siccis & neglectis nucibus aliquando intro rediguntur.
Gemmarum numerum aliquem Autor habet ; & lapilli apud eundem singularis descriptio.
Lapillus transparentia unionis dotatus, in quo foliorum Idea visitur primitivorum.
Foliorum divisio quomodo afolescat ; Fabæ, Phaseoli, stirpes grandiores Indicæ, ex Wingandacouw, Cola alba, rubraque exemplum præbent.
Coagulaturn velut pomulum in N. Vulg. leve & spongiosum mascula Palmæ proprium, cui aptum.
F. Pyrard liquorem tantum in germen verti & medullam in germinationis fomentum illi additum ait.
Idem malè censet maturam & siccam nucem terræ mandanda n.
Generales Indiæ decem mille nuceæ cumularunt ad plantationem, quarum quæ germen absolutum habent terræ committi debent.
Omnis gemma solita iam in terram deprimatur, radicum fibræ tantum, non materias crear.
Thobæ Roelsii Epistola ad C. Clusium : qua de germinatione autopsos plurima notatu digna aperit.
Germen ex nucum foramine tertio exit, & perforat villosum corticem.
Cl. Realius ascribit maribus germinationem esse propriam.
Palmæ perditese amant.
Spiraculorum usus, & situs : Spir. sunt foramina.
Quare Germen N. vulg. & Med. in gemmam seu lapillum verti possit.
Gemma aut Germen à Nucleo desertum vestigia tantum foraminum præterdit : intra se claudit quo substantiam & specimen trahit.
Non omnes fructus nucleo ad propagandum opus habent.
Lapilli ex germinibus nati vim medicamentosam habent, quare Indi eos annulis includunt.
Idiotarum gratia non explodenda sunt, quæ de occultis naturæ viribus, à majoribus & neotericis traduntur.
In teræ visceribus mira efformantur quorum causa ignoratur.

C A P U T VII.

- Cl. D. Speccius Epistolâ divulgat insignia N. Medicæ & virtutes admirandas.*
Idem quadringentis ad facultatem pertinentibus, quæ nundum usu comperta, orbem ditaturus.
Autor Thesaurum hunc in ordinem digerere pollicetur.
Legitimus d. Maldiva Coccus in aulis Indorum principum miro honore afficitur.
Coccus de M. peculiaris arboris soboles est, & sui generis.
In litore Indico anno 1608 navigium Coccis vulgaribus plenū interceptū à Batavis.
Armamenta, mercimonia, cibis, porus constant ex ligno, foliis, fructibus, cortice cocci arboris.

I N D E X.

Maldivenses vestium atque aliorum necessariorum versura Cocos commutant.
C. de Mald. in paucis insulis, & numero contraſto repertus à preceribus ufucapitur
& diligenter custoditur.
Anno 1614. Speccius & præſes Coenius Pangororum Bantamensibus imperan-
tem conveniunt.
Rex occupatus circa C. Mald. torno & miniſtris.
C. Mald. regius magnitudinis rare, subtilis ſubſtantie teſtam habet & atram.
Coccus in fruſta diſſectus, ſtudio an caſu.
Rex æque minutas particulas quam magnas cuſtodivit, minora fragmenta caliculis,
ſcyphulis, cochlearibus & alijs formis appropriavit.
Condiacti Mercatores Parenti ſuo magni muneris inſtar Coccum obtulerunt, unde
Regi copia facta eſt.
Apud javanenſes, Malayenſes, Malabares atque alios Indiæ populos Medicinæ lau-
de cenſetur ad Toxicum, morbos divinos, febres, ab ijs uſurpatur.
Coenius à Rege eluſus quod fruſtula quædam petierit in uſum.
Regis ſententia, ſatis ſalutatis eſt Coccum oculis uſurpare, & apud Reges & Prin-
cipes diverti debere, non autem apud minorum Gentium Generales.
Rex ad Coenium & Speccium redit ſepoſitis fruſtis.
Speccius novitate rei impuſus minutulum Coccum Maldivenſem conquiſivit, ſed
à noſtrâ differentem.
Specciani Cocci ovi anſerini magni teſta ſcabra, craſſa, color ſaturatus, odor fragrans,
ſapor amaricanſ, offe aduritiæ.
Speccius proprio ſatu Plantarium vulgarium Coccorum adornavit.

C A P U T. VIII.

Res Botanica humani ſtuporis vitio diu neglecta.
Seplaſiarii & Monachi Herbariam rem funditus everterunt.
Ad quem pertineat fundi Medici calamitatem nitori ſolito reddere.
Autor ſalutarem ſcientiam à perniciæ ſervare ſpondet.
Idem adminicula ſe habere fatetur à noſtro & antiquorum ſeculo.
Diligentiæ merita laudanda.
Theſaurus exoticorum aliquando in lucem edetur.
Medicæ nucis quinque tabellæ.
Ex libris ſolis nemo Botanicus aut Anatomicus inſignis efficitur.
Oculus exterior internam mentiæ aciem illuſtrat.
Species niſi in ſenſibus recipiuntur, otioſa earum oſtentatio eſt, autore Scaligero.

C A P U T IX.

Facies diverſæ ad vivum delineare tabellis offeruntur cum pauculis notatu neceſ-
fariis.
Geminam nucem Thalaſiarchæ Wolfardi munere tota affinitas poſidet, cujus
icon præmittitur.

I N D E X.

Venia sculptori concessa.

Figura nucis Maldivenfis duplicata pyxidi comparanda effusioni propter rimas inepta &c.

Summa pars sensim declinat in modum interfeminii facie oculis pudicis aspicienti horrida.

Modus sectionis & utilitas.

Pars summa acuminatio sedes est germinis seu gemmae.

Spiracula duo ad Cymbium consolidandum obturanda.

Apuđ quos reperiantur Cocci Maldivenfes. Vide alibi.

Integra Maldivenfis Nux colliculum Veneris representat.

Gibba Nucis pars femoralia postica refert, quae clunibus turgent.

Dimidiatus Coccus ad scyphi usum concinnus, cui si altera pars addatur, par calceorum Rusticorum vulgo eeu paer hulfers exprimunt.

C A P V T X.

Auctoritates alienae ad Cocci lucem adducuntur. C. Clusius Garciae & medicorum sententias à Lusitana in linguam latinam transtulit.

Ipsissima Clusii verba ad majorem fidem adducuntur. Garciae verba apud Clusium pagina 100. ejusdem diffidentia.

Quibus morbis medeatur Coccus. Vide etiam infra.

Cocci Mald. cortex, medulla, qualis figura, color & sapor. quae dosis.

Cocci nunc soli, nunc gemini reperiuntur in litore, nec ullus eos tollere audet nisi sit tim delaturus ad Regem.

Pulpa ex his Coccis eximitur, & exsiccatur eadem ratione quàm copra, sed acquirit corneam ducitiem Vlißoponæ venalis Coccus Maldivenfis & Medulla ejus.

Historia vasis ex Cocco M. reperti in pratoria navi ab Anglis occupata, ejusque longitudo & latitudo.

C. Mald. ab Incolis & Malabarensibus tam plebeis quam nobilibus commendatur ad omnia fere morborum genera.

Pocula effigiantur in navium trirremiumque formam ad aquam bibendam, in quibus Medulla fragmentum ex catenula pependit.

Falsum est ex poculis illis bibere solitos in nullum morbum incidere.

Futile, quod ex vasculis hisce bibere soliti, Iecoris incendium, renum noxam & calculum contrabant.

Nuces simplices seu nudae & medulla privae quinquaginta aut amplius nummis auris estimantur.

Christ. à Costa commentum suum ex Garciae aromatoria historia depromsit.

Martinus Ignatius ord. Francisc. non persunctoriè nucem Indicam vulgarem tractat.

I. Hugo Linscoranus exquisitè tractat & ab alijs quoque mutuavit.

Autor mutuasse quoque se fatetur Cap. secundum & 3 ex Pyrardi scripto Gallico.

Nucum legendarum, aut piscandi modus ab Autore neglectus, qui & superflua corradere negavit.

I N D E X.

Non omnes Cocci Gemini ejusdem sunt formæ.

Wolfardianus pyxidi aut capsula tantum duplicata habilitatem nactus.

Ex quibus rebus Indi masticatoria derivent.

Quæ nucum Medicarum sit Capacitas ex Linscotano quæ ad Hispan. Regum quondam missæ.

Adornandi Cymbia modus concinnus, & quale illud quod ad Regem Galliarum delatum est.

Philothescias & Iatrices poculum.

C A P U T XI.

Putaminis rasura insipida est, sine odore, sine ullâ qualitatis repugnantia.

Testimonijs aliorum & domestico exemplo Autoris omnia dicuntur.

Christophorus à cosia & C. Clusius rem male perpendentes, rationi non inferviunt.

Ratio certa est; experientia infida.

Nucis Medicæ investigatio dubia est, quod raro in Europa inveniat.

Color Nucis Medicæ putaminis instar Ebeni ater est, vulgaris ætate & tincturâ ater readitur.

Quomodo liquor putamini committendus sit, quo tempore scyphus obturandus, quove loco conservandus, aliorum est indicare.

Non est periculosa indago, postquam sol. siccitas in eâ se propalat.

Nux M. etsi frigida temperamento, calor. s tamen particulas obrinet, siquidem ex quatuor elementis constat.

Vascula ex ligno & corticibus Thamarisci, ne in continuo quidem usu virtutes amittunt.

Scyphus ex antimonio arte Chymicâ factus nullâ usus frequentia facultates suas deponit.

Nucis M. integumentum internum non minorem Leptomeriæ gustusve gratiam habet quam Thamariscus.

Thamariscus roborat, reſerat, &c.

In Naturæ opere multa sensibus obvia sunt quorum ratio reddi nequit.

Medici Rationalis munus est abditas quoque qualitates perſerutari.

Medulla solitaria, atque aliis simplicibus mixta ad effectum valens est.

Medulla ob corneam duritiem lima radi nequit, sed culiro & mallei percussu adacta finditur.

Medulla mortario aneo & pistillo ferreo in pollinem redigitur, qui inodorus & insipidus ut Lapis Bezoar Occidentalis, cui striis & colore affinis est.

Medulla ouilli casei crustæ veteri assimilanda, cujus pars interna rimosa, externa soliditatis firmæ & spani coloris.

Pulvis non est molestus cum assumitur.

Calor & sicc. ventriculi pulverem in actum ducunt, post dissolutam ab eisdem substantiam.

Integumentum internum tenellum est, coloris ferruginei, crassitudine corii hircini ex quo.

ex quo calceamenta formantur.

Cortex fibris quibusdam variè distinctis præditus est.

Cortex seu integumentum internum crassiorum partium ignavè substringit.

Cortex non se colligit inter mandendum, sed per universam linguam se spargit.

Germinis Historia Cl. Realii Aphorismus digesta est, sed scholiis Autoris dilucidata. Autor ad usum omnia, non ostentationem producit.

An Mald. Nuci corticosum aut villosum integumentum extrinsecum sit? incertum.

Autor aliis scribendi libertatem non invidet, qui meliora edoctus sua revocare paratus est.

Varietatem N. Indicae vulgaris in Lapillis conversarum D. Samuel Blommert ostendere spondet.

C A P U T XII.

Historiae ex quibus observationes & experientiae Autoris derivantur.

Autor à Collegiis rogatus Garciae experimentis peculiaria sua adjungit.

Quae potestas praesidii sit, qui utendi modus & tempus.

Agrorum quorum Autor mentionem facit bona pars superest, unde fides mutuanda.

Kriteria duo Experientia & Ratio. Quibus Aristoteles & Galenus innituntur.

Historiae agrorum apud quos nulla humorum preparatio, evacuatio, aut venesectio locum habuit.

Historiae agr. quibus venasectio & alvus purgata.

Vomitibus à veneno causatus non reprimendus.

Vomiturientibus frustra N. Med. usus obtruditur.

Autor tepidum, ol. Amygd. Lac, vinum propinare solet.

Si primus usus inefficax est, repetitur secundus, parum mutatis praecedentibus.

Dommodo in dosi non peccetur, sexus, etatis, aut virium parva ratio habenda.

Dosis à ʒss ad ʒj aut ʒiiij. circumscribitur.

Lucas a Salingen post devoratum jecur piscis Aselli satore fauces suas infestari sensit, qui solo pectore ad dispoſitionis usque periculum intumuerat.

Idem animo paene deficiebat, pulsu variè agitato, thorax solus Syſtoles & diastoles mortem motu minatur.

Aeger rasura Corticis interni pendere ʒss è vino Hispanico extra nascens & vomitum collocatus est.

Hautuli ex majore dosi corticis & medulla exemplum adducitur.

Historia Tibicini Filiae Amsterdam. intoxicata arsenico.

Quibus sanitas reddita est citra faciam macularum eruptionem.

Exempla sese interimere volentium Autor studio transit, ne mentione eorum facta infamia sequatur.

Multi ab assumpto Auripigmento illesi manserant solis maculis faccati.

Eques & Legatus Galliae anno 1625. colicâ passione à bile laborans penes sitim paene inextinguibilem.

Huic frigida interdita à medicis, hydropotam se natura declaravit.

Premisso enemate atque aliis, Legato aqua potabilis cocta, frigidaque è Nuce Maldivenſi propinata est.

Legatus

I N D E X.

- Legatus sanitatem adeptus est, doloribus fugatis.*
Aliud exemplum in Legato qui capitis dolore pressus post clysterem & sanguinis missionem Nuce Medica usus reconvaleuit.
Exemplum Syrupi è cochleari deglutiendi.
Historia in eodem legato quarta, qui fragorum esu aqua & saccharo inspersorum sine vino ad hydropem vergebat, huic Scyphi Maldivici usus interdictus.
Idem dubiæ valetudinis vini usum aggressus tremoribus convulsivis paralysem præcedere solitis atque hamiplagia affectus, tandem Epilepticis insultibus, Elliborismo & magistralibus è Cocco M. bene habuit.
Magistralia post recitatas historias ante Epilogum subnectuntur.
Historia in civè Amsterod. qui acutè febricitans, voluit sibi interni integumenti ad 31 pondus potioni Theriacali ab Autore præscribendæ misceri.
Autor sine medici præstantis auctoritate medicamentum ignotum usurpare negat.
Æger Cocci internum integumentum salutare in febris fuisse ait, quibus in India laboravit, nec non in difficultate partus ab India faminis laudatum.
Æger petita medicina usus à febre liber remansit.
Reliquias Autor in senis parturientibus exploravit.
Exemplum D. Ioan. à Grol Med. in muliere à partu liberatæ usu medullæ.
Ejusdæ aliud exemplum propinata rasuræ putaminis in calcearij uxore, quæ frustra alijs adhibitis ab usu Cocci feliciter peperit.
Historia IX in uxore Nauwingij quæ triduum continuum in partu trahens frustra ab obstetrice adhibitis medicamentis rasuræ beneficio demortuum infantem enixa est.
Hist. X in Illustri Principe de Guimenet, ducis nion Bason filio qui dysenteria cruciabatur.
Quatuor Medici convocati quod ars & res postulare videbatur Principi adhsuerunt. Princeps ex nuce Mald. hordeaceam assumsit qua vinum rubellum diluere solebat, & cum valetudine in gratiam rediit.
Hist. XI. in Equite des Gouttes qui cardialgiâ laborans intermedii Corticis rasuræ & Nuclei usu salutarem expertus est manum, ex Conservis &c.
Hist. XII. in Dordraceno qui prius spasmo composito & tremoribus convulsivis affectus, post prodroma signa in articulo pollicis pedis sinistri & pollice dextræ manus medullæ 3 j. ex tenui cerevisia hauriens statim solita temperiei redditus est, sed quater haustulo repetito.

C A P U T XIII.

- Quid magistralia in Officinis.*
Autoris magistralia ex nuce Mald. tantum confecta.
Menstruum Chymicum pulveri alicui è cocco miscere ut resolvat supervacuum Autori.
Quid magisterium dicatur Paracelso. Vide Archidoxa.
Pulvis Autori velut Lapis Bezoar ventriculi calore & succis excitatur ad opus.
Quâ serie medicamenta pulveri inscenda.

(***)

Medicament.

I N D E X.

Medicamentorum è Cosco Compositio.

Medulla Cocci quæ Alexipharmaca & specifica conveniant, & qua forma exhibenda sint.

Adverbia tria, Tutò, Citò, Iucundè, tribus instructissimis officinis potiora sunt.

Suavia Alexipharmacis miscet Autor; ut tutius & Iucundius operentur.

A veneno assumpto, aut ejus suspitione, quod præ manibus est in usum vocandum.

Quære simplicium medicamentorum, quibus ponderis signum additum est, habenda ratio.

Formularum magistralium diversitas.

Form. in capitis & Nervorum vitis, Epilepsiâ, paralyti, convulsionibus, tremoribus.

In dysenteria cruenta & torminibus, facta ante provisione per Rhœum & clysteres.

In difficili partu.

In Peste, & febris malignis.

In coli doloribus, & aliis intestinorum vitis.

In veneni assumptione variæ formulæ.

Hiacynth horum confectio Autoris.

C A P U T XIV.

Medicamenta alia artificialia, alia naturalia.

Historia dentis Elephantis.

Imperator Ruscie dentem hunc Alcis coris consutum è terra eruit.

Deis librarum quadraginta fere aestimatus est.

Compages prius ossæ dentis in medulla compagem versa.

Imperator novum experimentum dentis conditorio facto facere statuit.

Corui cervinum in summis adibus cerevisiarii in mollem & pulposam substantiam ex dura conversum est annorum 50 circiter vapido halitu afflatum.

Nature opera tardi effectus artis adminiculo accelerari queunt.

Exemplum quo ossa, cornua, dentes trium hebdomadarum spatio in aliam substantiam vertuntur.

Modus præparationis.

Secreta prædicta nemo ob jnramentum factum divulgare ausus fuit.

C A P U T XV.

Cocci Maldivensis dores non solum efficaces, sed etiam tute admirabiles, incredibileque.

Antistes Alexipharmacorum Coccus Maldivensis.

Cocci Mald. accessu Medicina aucta, & illustrata.

Cocci nominalia & lustricus dies.

Cur Autor sero nominis explicationem aggressus.

Palma Coccifera Indica non fuit veteribus nota, secundum Cl. Salmasium exercit.

Plin. pag. 1321.

I N D E X.

Indi Nucem vulgarem caré, cocoibne, & Coc vocant. Lusitani Cocco Habecorum
 Coac quasi Cac Coccum denotat recte Guiccardino.
 Cur fructui huic nomen Cocco dederint, sit ob tria foraminum vestigia quibus cer-
 copitheci faciem representat.
 Garcias prædicta ratione commentum suum defendit.
 Minus bene Nuci nomen datum est, quod simia præsertim irritata talem vocem ed.it.
 Coccus à Græco derivatur, & quid Gr. Coccum vocent, & quid Aquitani, &c.
 Palma quasi parilema à pariendo dicta.
 Gemma, oculus & germen Botanich significat unum & idem.
 Garcias Indos palmarum germinibus vesci ait, quorum collectio fit cum arbores ad
 ædificia caduntur.
 Germiua formica appetunt, sed cum arboris jaçturâ.
 Germiua gratiora palato quam castanea, aut humiles palma, quæ vulgo palmites, Ita-
 lis cepaglioni vocantur.
 Vetusta palma delicatius germen producit.
 Ablato germine perit palma qualibet.
 Species quadam nucis Indicæ quæ instar pomi nostratis edulis, tenera, & suavis.
 Primis mensibus antecellit vulgaris, ubi maturitatem consequitur deterior & inep-
 tior usibus.
 Ruellius molluscæ, ob molliorem & teneriorem carnem vocitat. Item malum su-
 gax quale Persicum.
 Gælnerus molluscæ nucem inter juglandes ponit propter molle putamen.
 Pyradi nux putamen molle & vescum habet, quare ab Autore mollusca nominatur.
 Moracia, moracilla propter durum putamen à morâ frangendi ab eodem nominatur.
 Omnes Palmae exhilarantur flore.
 Flos Palmae Coccigera luteo fulget colore, magnitudine fructui æqualis. Maldivensis,
 nec florem nec plantam nemo vidit.
 Fama est apud nostros qui in India vixerunt varietatem aliquam coccorum dari.
 Autor non agnovit, aut coacervavit coccorum congeneres, præter quinos aut senos,
 quos Maldivensi conferre non licet.
 Mathioli Cuciophora & alterius Palmae fructus huic advocandi non sunt.
 Autor eicones prædictorum pollicetur.
 Autor adminiculis Historiographorum antiquorum, & neotericorum pensum suum
 absolvit.
 Medicamentum Maldivicum quasi manus Dei est operantis citò, tutò, jucundè.
 Ad Palmas referendus fructus Cl. de Laet Totocke appellatus, atque alter durissimus
 & lignoso putamine quo duæ Nuces continentur.
 Totocke eiconem vicinis nucibus prægnantem Autor brevi exhibiturus est.

Finis argumentorum & memorabilium Opusculi de
 Nuce Medicâ.

INDEX CAPITVM Ac Memorabilium.

Opusculi II. DE HEMEROBIO, ET VERME MAJALI.

AUTOR solum Ephemerum descripturus aliorum insecta transit.
I. Dortmannus Autorem ad investigandum compulit.
Idem Friscarum Plantarum à se susceptam Historiam Autori tradidit.
Autor Hemerobium tractans plantas Cl.D. Mulerio commisit.
Rudolphi Imperatoris pictor Houfnagel Autorem Hemerobii imagine cum Historia donavit.
Autor Neotericorum & veterum sententiis perpensis de Ephemero tractare instituit.
Idem controversias, alienos errores, atque Eloquentiæ flosculos prætermittit.
Idem adminicula scriptionis pauca in Autoribus inveniens ad familiarium opem se contulit.
Autor Hemerobios manu versasse non judicat satis esse qui naturam quoque illius assequi laborat.
Idem plebecula judicium non contempsit Autoritate Hollerii, l. 2. Ch. c. 2.
Idem discrepantias sententiarum præmittit.
Cavendum ne mentione Ephemeris aut ~~Membrorum~~ eadem esse animalcula aut peritus diversa putemus.
Varia appellatio Hemerobii. Roterodamenses eum haest vocant.
Proverbium apud Mosæ Accolas ex Hemerobii multitudine natum.
Multitudo Insecti subita morte compescitur.
Proverbium Ephemeris vita quibus aptandum.
Est & Piscis Ephemerus dictus, cujus natalis & mors describitur a Vincentio.
Ephemerus duarum herbarum nomen est. ratio Etymologiæ ibidem.
Æliani Ephemera animalcula unde nascantur & quo nomine appellantur.
Hujus nominis omnia brevem vitam nata sunt atque ideo Ephemera dicta.
Cavendum ne confusis nominibus rerum turba nascatur.
In botanologiâ & vareno morbo discrepantiæ.
H. à Bra, P. Foresto Hist. novi morbi & incogniti communicavit.
Caspar. Hofmannus & Ioan. Wierus de morbi natura consulendi.

CAPUT II.

Vocabulorum ambiguitas erroris causa.
Nomina, cognomina, prænomina & agnomina pro arbitrio hominum rebus induntur.
Vicine

I N D E X.

Vicina aliquando inscriptiones, aliquando remota.

Cl. Salmasii sententia in Plin. Exerc. pag. 1280 de sinonimis & homonimis. Et pag. 1285. litt. C. & litt. A. & pag. 124. litt. E.

Autor Lectorem ad inquirendi diligentiam adhortatur.

Homonimia plantarum & fructuum, atque insectorum causa erroris.

Epistola Vogellij Affinis ad Autorem, Varenum morbum & Ephemerum tractans.

Assumpti a virgine Hemerobij historia à Vogellio tradita, cui alterius Virginis alia annectitur.

Symptomata post assumptum vermem varia.

Remedia ibidem adversus Symptomata.

A dimidio verme assumpto urina provocata, & dolores intestinorum assopiti sunt.

Virgo hæc dosim vermis duplicans vesicæ majorem exonerationem adepta intensiores flatus, & dolores passa est.

Ardor urine inferna excoriavit & dolorem ventris auxit.

Chirurg. Lucas P. M. virgini oleum copiosum prabens cum lacte vaccino excitavit vomitum quo vermis ejectus est.

Duarum virginum exemplo nemo postea vermis usum admittere voluit.

Periculo plena vermis usurpatio & minimè commendabilis.

Ex præcedentibus neque morbi neque vermis natura intelligi potest, quia mutila & perfunctoria dogmata autorum sunt.

Affinem suum Autor excusat, quod multo tempore acta ritè memoria recolere non potuit.

In vermis, sive volatilis aut vagipennis historia difficile est falsa refutare ac vera stabilire.

Cur Autor dubia adduxit, duæ causæ; prima est occasio ablandiens, altera quæ aliquo modo ad propositum facere viderentur.

C A P U T III.

Et si omnis Regio incolis suis salutaria producere solet, non tamen ideo apud Exteros nota contemnenda sunt.

Plinij error, qui exotica aspernari videtur.

Domestica subinde noxia esse Hemerobius, aut potius majalis vermis dictus testatur, qui frequens in patria nostra.

Quævis medicamenta bona sunt, modo experientia atque autoritate approbentur,

Medicus a fœdis & venenatis abstinere debet.

Duorum generum venena.

Cautè tractanda sunt, quæ solà dosi nocent; alia reiicienda penitus.

Venenorum differentie in medicorum scriptis atq; Botanicorum, officinis traduntur.

Autor perfunctoriè venena tractat.

Idem Hemerobios tabella exprimit, ut speciei cognitione ab usu eorum caveatur.

Aldroandus in opere suo de Insectis nullum nostrum par adducit.

Autor ad Lectorem selectionis curam mandat.

- I. Wierus Clivenfis Ducis Medicus** *Scarabaeum* quendam non *Hemerobium* depin-
git in tractatu de *Vareno* morbo.
Verba quaedam *Wieri* è *Germanico* in *Latium* ab *Autore* versa.
In *Thietmarfia Vermeri* quendam *Meptuozim* atque *Eber* / alii *Radden* nomi-
nant.
Humor venenatus ex suspensio *Verme* stillat.
Dosis hujus & utendi modus.
Ab assumpto *Verme* *ager* spatium & exercitio se defatigare debet, donec sudet.
Non provocato sudore in jurnum calidum *ager* immittendus.
Symptomata quibus *ager* post haustum *Vermem* torquetur.
Perseverantibus *symptomatibus* iterum atque iterum *Vermis* propinatur sepe ad no-
num usque diem.
Thietmarsiensenses *Raddentranchi* potionem ex *Verme* appellant.
Descriptio *Vermis* varia est, pro variis insecti partibus.
Juniores *Vermes* tinctorios caeruleo sunt colore.
Magnitudo *Vermium*, & locus ubi reperiuntur. *Forma*, *superna* & *Inferna*.
Solanum lethale & somniferum quibus *Walchenbaum* vocatur & quanti fiat.
Locus inventionis.
Ejus preparandi & propinandi modus, adversus *Varen*.
Ager hausta herba in somnum precipitatur, sed 24 horis tantum, post quas ad vigi-
lias redit.
Symptomata supervenientia post haustum.
Solanum somniferum in tercio gradu frigidum, & opio dicitur tutius.
In *Brunswicensi* regione similem potionem usurpant ad somnum conciliandum.
Historia *agri*, cui mane *Vermis*, vespere ob dolores *Philonium Romanum* obla-
tum.
Figura *Herbae Walchenbaum* dicta, ad cautionem ponitur, *solanum* lethale,
Belgi,
Dobelysche nachtschape & *dolle-besie* vocatur.
Decoctum quatuor dragmarum *solani* hujus mortem affert.
Dioscoridis corymbiferi *solani* in hydrope exhibitio *Autori* suspecta est, erroris cau-
sam aliquando explicaturo.
Monita *Autoris* ut absteineatur à *Solanis*.
Historia duorum fratrum à parente *Autoris* prodita, quos fructu *solani* interiisse con-
stat.
Fructus aspectu & gustu gratus ab *Italibus* bella donna dicitur.
Mulsa inefficacia in hausto *solano*.
Autoris *Parens* fructus *solani* decerpi jussit, ne quis deciperetur.
In externis tutus ejus usus si dextre adhibeatur, in internis pestifer.
Solanum *Aconito* vicinum ictibus *scorpionum* venenosus adversatur.
Autor brevitatibus voto plura addere negat.
Male à quibusdam asseritur venenum veneni antidotum esse, quod in se mutuo agant,
servato corpore humano.
Ex duobus purgantibus fieri non purgans quorundam sententia est.

Neque

I N D E X.

Neque ratio, neque experientia consentit Veneni venenum antidotum esse.
 Historia Monachi Belge, qui haustum vini Albanensis, in quo particula radice So-
 lani infusa erat inscius sumsit.
 Monachus a vino dicto ad manducandum ineptus fuit.
 Que symptomata potum hunc sequuta sunt.
 Monachus ira incitatus ab Amicis remedium in acri aceto invenit, gargarismate os
 lavare iussus.

C A P U T . IV.

Vidua paupercula filia morbum varenum & cruciatus inde e mentita per aliquot
 annos.
 Fallacia filie Vermes foris conquisitos de corpore suo prodire ajebat, eaque detecta.
 A medicis & Elcemafinariis abdicata.
 Virgo transfulana Hasseltæ urbis simili imposturæ opem omnem & commiserationem
 amisit.
 Frequens Hemerobius apud Transfulanos, ejus quoque usus olim in vareno
 morbo.
 Veteres & Neoterici minus accuratè varenum morbum expresserunt, aut aliquem illi
 similem.
 Autores in Vermis historia dispares sunt.
 Autor non solum imaginem Vermis, sed ejus quoque naturam assequi laboravit.
 Virgo ab Autore derelicta ob fraudis suspicionem ad curam luis hereditariæ rele-
 gatur.
 Cur plura exempla fraudulentorum autor non prodatur.
 Quævis terra mendaciorum propolas alit.
 Plebecula venia danda, ubi mentitur, non eruditis.
 Inextricabilis labor est impudentiæ crucem figere.
 Plus una veritatis assertio prodest, quam decem mendaciorum narrationes.
 Wierus taxatur, quod in tractatu de vareno morbo semel tantum insecto se usum fa-
 teatur, sine ullo commodo.
 Wierus de insecto experientiam variam non habuit.

C A P U T . V.

Pharmacopæus industrius Ioannes Pottius violas tres mortuas nomine Majalis
 Vermis misit Autori.
 Inveniuntur in Ericetis circa majum & Junium.
 Rustici eas ad varenum morbum usurpant, qui illis arthritidis vaga est.
 Modus utendi & cautela, præterea symptomata eas sequentia. Dosis.
 Quidam reconvalescunt à potu eo, doloribus excussi.

Autor

I N D E X.

Autor ex forma & effectis cantharidum speciem esse opinatur.
 In D. Scurtii Epistola de majali Verme, quod manu attingere eum non licet, ne vis
 medicamentoſa amittatur videre est.
 Aldroandus in libro d. Inſectis ait in Belgio & ulterius verſus ſeptentrionem Can-
 tharidum geneſi, a qua in frumentaceis naſcuntur non reperiri.
 Idem quoque ea deſſe quorum ibi in Medicina uſus eſt affirmat.
 Cantharides rotundæ & violæ ab Autore dictæ apud Trajectenſes in uſu ſunt, qua-
 rum varia ſpecies eſt.
 Trajectenſis Prov. cives aliquot ante an. 60 circiter vareno morbo laboraſſe dicuntur.
 Cauſa morbi quæ.
 I. Heurnius P. M. Profeſſ. Med. Lugd. Bat. in Epistola ad H. à Bra nunquam mor-
 bi vareni mentionem à quoquam accepit.
 Si cui cognitio ejus plena eſt, remedium quoque notum adhibeat, ſecus minimè.
 Ternos Vermes Autor triplici figura divulgat, quæ ut varia eſt, ita morbus quoque
 dubius, & Autorum ſententiæ diſcrepantes.
 D. Schuttius Vermen hunc ſeu violam cantharidis congenerem eſſe affirmat, quare
 uſum ejus interdicit.
 Idem Vagæ Arthritidis mentionem facit, non Vareni morbi.
 Ludimagiſter Haſſeltenſis inſectum hoc in Tranſiſulania quoque Ruſticis familiare
 eſſe ait adverſus arthritidem quandam.
 Inſectum manu contrectari non debet ſed tento per filum tranſitu in fictile immitti,
 alioqui Baſſani ex alvo fluentis portione deſtitueretur.
 In Tranſiſulania quoque in Ericetis reperitur circa vias publicas, & à pueris legitur
 ut divendant in vicinis oppidulis.
 Temperamentum horum atque ſimilium cauſticum eſt Autori.
 Leonicerus in primo gradu calidum & ſiccum ait, poſt calidiſſimum nuncupatum,
 incerto judicio.
 Autor in ſummo gradu calidum & ſiccum inſectum affirmat.
 Kilianus à dirum legendis violis in Velavia occupatur, ut ut recentes, & citra vim
 extinctæ & fictili clauſas fruſtra Amſterodamcnſibus vendere conatus eſt.
 Idem ſoporem inde obortum concuſſionibus & alloquiis averti ſuaſit, alioqui noxiuſ.
 eſſet.
 Carmen Autoris quo hſtoriolas claudit.

C A P U T VI.

Ariſtoteles binis in locis ephemeræ mentionem facit.
 Aldroandus unius Diet animalculum ignorat.
 Idem cum Ariſtotele quatuor pedum & totidem alarum eſſe ait. quod & Plinius.
 Hemerobius alias Ephemerus, monemerus, diarius vocatur.
 Ælianus Ariſtotelem citans numerum alarum & pedum non addit.
 Plinii ſententia de Hemerobio.
 Iacobus Dalechampius Plinii verbis ſcholion addit.
 Idem Lugd. Piſcatores Hemerobium de la manne vocare affirmat.

Hemerob.

I N D E X.

- Hemerob. Aristotelis quadripennis inter Culices bipennes non numerandus.*
Insecta culiciformia Aldroando etiam quatuor alis prædita sunt.
Bocatii de Ephemero judicium.
Cardani descriptio folio 655. quibus verbis defungatur ejusque admiratio circa Hemerobium.
Julii Scaligeri animadversiones in Cardanum.
Ejusdem de Hemerobio Historia in qua varia appellatio.
Exarchatus, magistratus fuit à Iustino minore Imperatore institutus, ut in Italia haberet vicarium.
Iunonis epitheton Εὐπρις quare illi inditum.
Boops parvus piscis magnos oculos habens.
Kæns oculus, latine puella, aut nymphe.
Dortmanni Historiæ præmittuntur quedam.
Res suavis & utilis, res nundum divulgatas in lucem prodere.
Veteres rerum investigatione admirabiles subinde hallucinati sunt.
Ætas nostra ignorantie caligine aliquando obsita est.
Hemerobius Cantarello ab H. à Bra vocari non debet quod sonum non elidat.
Vocabulum varenii H. à Bra singulare lumbricorum genus denotare ait in patria lingua.
Vareni morbi descriptio accurata & cura à Foresto & Heurnio approbata, rejecto Vermis usu.
Aldroandus Scaligerum notat quod de numero pedum veritatem tacere quam Aristoteli repugnare maluerit.
Scriptores in brevis vitæ creatura leviter transigerunt, contra Autor.
Aristotelis de Hemerobio verba.
In Belgio ad Rheni ostia mira Hemerobiorum sæcunditas.
Dortmannus prope Trajectum in loco de Waert dicto insecta hæc annotavit.
Idem Zutphaniæ in Isule margine ea observavit anno 1619.
Imagines tres Hemerobiorum, prima maris, secunda femella, tertia ludentis super undas.
Mas cornutus, femella sine cornu, sed pedibus corneæ formæ prædita.
Magnitudo & color Ephemeræ. cauda huic trifurcata.
Modus volandi & coeundi in Hemerobio.
Hemerobius tribus caudæ processibus reliquum corpus extra aquas levat.
Origo Vermis cui candida pellicula est, qua rupta volat, circa S. Odulphi festum.
Volatus triduum durat, sed ut mortui vivi succedant, qui mane prodeuntes vesperi moriantur.
Quare à piscibus facile capiantur, piscium nempe cibus fit dum caudæ processibus natant.

(****)

CAPVT

Post clarorum virorum testimonia Autor Plebecula quoque fidem accersit.

Idem experimentis alienis niti cogitur in re incognita.

Petri Crachtii Epistola ad Nauwingium in Latinum versa.

Vermes majales latent ad aestatem usque, inde volant.

Piscatores eos toto anno in cavernulis condi ait, tanquam apes in favis suis.

Generandi modus qui bombycum.

Antequam adulti evolant prognerando occupantur.

Minuti prius ut Ascarides crescunt toto anno donec alas nanciscantur, quas ruptis membranis usurpare incipiunt.

Volant circa festum S. Ioannis serò aut maturè pro aëris conditione.

Volantes decem modo aut duodecim horis vivunt. Vita in limo servatis longior.

Pisces fluviales iis vescuntur, præter lupum aquatlem & Percam.

Petrus Crachtius ollam vermiculis plenam Nauwingio misit.

In fursure diu vitales servantur.

Testimonium Centurionis Vermes eos ad generationem Apum accedere, pulli majusculi jam sunt, cum adulti evolant.

Responsa Crachtii ad quæstiones Autoris.

Nomen Vermis cur rectius Deveraex in Belgica lingua.

Nascitur ex Vermiculis minutis, tenellum illi corpusculum præter caput, quod durum, cui hamus insigitur.

Quo motu agitur. Coloris descriptio ibidem.

Vermes in compactili argilla reperiuntur velut apes cavernulis suis muniti.

Ante volatum generationi attendunt.

Quidam ex ipsa argilla prognerari ajunt.

Quare circa superficiem terræ generent.

Aqua decrescante penitus se cavernulis condunt, crescente altius circa marginem terræ.

Minuti prius altè, magni profundius latent.

Incerta ratio utrum maris & fæmina modo copulentur.

Vermes hi toto anno reperiuntur tam minuti quam magni.

Post magnorum volatum exigui reperiuntur.

Piscatores ligone eos eruunt intra Martium & Aprilem, quodque ante hoc tempus pisces inde non delibant.

Expedito volatu sagina quoque degeneravit.

Quidam in Sept. & Octobri sagina pristinam bonitatem reddi ajunt, ut piscandi facultas restituatur.

Crachtius neque ex Medico neque Pharmacopæo rescire potuit an Medicinæ loco usurpetur.

Insectum volans auricularis digiti longitudinem aequat.

Pedum numerus Crachtio & aliis incognitus.

Volantes 10 aut 12 horis vivunt, qui volando perdurant, omnes penè aqua submerguntur.

Volatus

I N D E X.

Volatus quatuor aut quinque horarum est.
Die declivi volare gestiunt, quod ad triduum perseverat, sed ut vivi mortuis succedant.
Color volatibus, atque alæ quales.
In volatu cibo non fruuntur.
Circa aquæ superficiem & littus volant, in continentem delati ad ripas redeunt, post à piscibus & avibus devorantur.
Formæ mutatio in ipso Verme annotanda.
Cractius Autori bonum Hemerobiorum numerum pollicetur ubi volare desinent.
Qui, atque Autor occasione favente plura de Hemerobio promere spondent.
Autor Commentarium, non Artem scripsit, & causæ ibidem.
Idem anxius non fuit in condendo opere, intra prolixitatem & brevitatem medius.
Aliena verba detruncare Autor noluit.

C A P V T VIII.

Autor sparse & fusè dicta compendiosè tractat, de Verme nimirum majali, Aureliæ, & Hemerobio.
Vermis aut Eruca formam exuentes a motu cessant.
Membrana tecti exuunt eam ad volatum, quem quadripennes & sex pedum animalcula ordiuntur.
Post triplicem formæ generationem perfecti sunt.
Delitescunt ad aliquod tempus nempe mensis circiter spatio, velut bombyx, quæ nendis filis absumpta è nova quasi putredine papilio evadit.
Aldroandus ait Vermem crescere, & discerni in formam destinati Animalis.
Eruca repentes cibum capiunt, non membranâ clausæ, quæ Aureliæ, aut Chrysalides & necydali dicuntur.
Ratio nominum ibidem.
A Priscis & interpretibus eorum neglecti sunt.
Eruca fluviatiles hæc nare & cuniculos agere solitos nemo recenset.
Sex pedes habet Vermis seu Eruca nostra quibus clausa latibulo suo repit, scandit sursum & deorsum.
Motu valens est, ut terram duro capite & cornuto terebrare queat.
Cornua prætensa oculos conservant.
Pedes primi capiti annexi parvi sunt, reliqui quatuor majores quibus vim facere & viam sibi aperire solet.
Alius duodenis sectiunculis divisa est, quarum unaquæque utrobique pinnis exiguis prædita.
Color luridus, cauda ad natatum proclivior addita.
Ex vermiculo instar ascaridis oriuntur.
In limo delitescunt ad mensem Octobrem usque quo tempore justa illis magnitudo ad hamum inde formandum.
Vermiculus cruce natatricis futura est, etsi alii ex lentiore argilla velut limaces nasci velint.

INDEX.

Apud Aldroandum Xylophthori aquatici aut Ligniperda Icon, Vermis Majali non ab-
similis corpore & Natali.
Corpus lento viscido & purulento succo refertum est intus, foris ochrea colore insigni-
tur, donec volando se experitur.
Vermiculi corpus ipso involucrio majus, uide erumpit, sine essione aut dispendio.
Fructus Indicus amygdalino corio apud Clusium.
Petitione D. Hootii in gratiam Cl. Bauhini Autor Exotica selegit.
Historia coriacei cujusdam fructus scarabaeum atrum in se continentis, quam Bauhi-
nus ab Autore missam divulgavit.
Hemerobius membranâ excussa saepe etiamnum podici adhaerente volare parat, cujus
onere tardatus, eò maturius piscium esca redditur.
Hemerobius levi volatu margines tantum fluminum in quibus natus, præterlabitur.
Cardano Hemerobium ambulare placet, non item aliis qui in ripa quietem poscunt.
Hemerobius more bombiliorum cibum non poscit.
Hujus plena descriptio & verior.
Hemerobius Crachtii, corpore minus ventrioso est sectiunculis aequalibus orbicula-
tim ductis, distinctus.
Hemorrh. à Crachtio missi descriptio.
Hujus & Houfnagelii distat figura externa, fortè non viribus.
Houfnagel in ripa fluminis Mechliniam præterlabentis Hemerobius observavit.
Ex verbis Autoris & Pictoris Eicone velut in vivo aut mortuo corpore Hemerobius
disci potest.
Autor historiola magis scolastica quam Medica Vermem Majalem tractavit.
Medicus cautus esse debet circa cantharidem purpureo violaceam Trajectensem &
Wieri cornutus scarabaeum.
Apum Historiam Parens Autoris ante annos 36 dialogismo divulgavit, Autori dein-
de negotium dedit in continuam orationem latinè transferendi.

Finis Hemerobii in axiomata digesti.



Nomina eorum quorum operâ in utroque opusculo adjuti fuimus.

- C**L. D. *Laurentius Realius* Eques, & Senator.
Cl. D. *Albertus Conradus* I. V. D. Senator, Exscabinus.
Cl. D. *Iacobus Speccius*, Ind. or. Generalis quondam.
Godefridus à Clermont Civis Harlemonsis Possessor geminati
Cocci.
Cl. D. *Nicolaus Tulpinus* M. D. Scabinus & Senator Amsterodamen-
sis. Chirurg. Prælector indefessus.
D. *Iosephus Bueno* M. D. Lusitanus, & Practicus apud nos ce-
lebris.
D. *Nicolaus Fontanus* Amsterod. D. M.
D. *Iacobus Barra* D. M. } Practici apud nos.
D. *Iohannes à Grol* D. M. }
D. *Theodorus Scuttius* D. M. ordinarius Amesfurti.
D. *Hier. Vogellius* Eccles. Enchuf. Vigilantissimus Pastor.
D. *Bontius* P. M. Indicarum plantarum quarundâ &c. autor.
Iohannes Dortmannus quondam ab Ordinibus Groninganae
Provinciae Hagam ad Comitia Legatus.
D. *Petrus Mulerius* M. D. & in Acad. Groningana Professör.
D. *Iacobus Hooft* Patritius Amsterodamensis.
Iacobus Houfnagel Pictor Cæsarius quondam.
Petrus Crachtius Acupictor, civis Schoonhovienfis.
Ioannes van Maerle jocularius Amsterodamensis scyphi in
India argento excepti ex Cocco Medico, possessor.
Samuel de Bendana Lusitanus Mercator, duos Antwerpia
quondam argento munitos usuique aptatos habet.
Iohannes Tradescantius Regiæ Majestatis Angliæ Botanicus
dimidiatam nucem habet.
Georgius Nawings Mercator Amsterodamensis.
Hermannus Martens Argentifaber ingeniosissimus Amst.
Iohannes Pottius Pharmacopœus industrius Amesfurtius.

CATAGRAPHVS,
COCCI MALDIVENSIS,
Tavarcaré Insulanis nuncupati.

MUNERE
REGIS BANTAMENSIS
ob liberatam Civitatem & Regionem Cele-
bri ac Magnanimo Classis Societatis
Indiarum Orientalium (quæ est
in Belgio.)

D. WOLFARDO HARMANS
THALASSIARCHO.

Dati & consecrati.

A N N O cIo. Io. cI.

D. GOTHOFREDO CLERMONTIO
cive & mercatori Harlemensi Viro spectato.

S. P.

Humanitatis tuæ favoris illicio pertractus ad opuscula hæc pertexenda calamum accinxi. Quippe Thecæ tuæ secretis frui me passus es; in qua raræ nobilitatis supellex se exerit, Cocci præcipuè Maldiv. majestas conspicanda venit. Neque mirum tam instructa tibi scrinia florere, postquam Sororum Archithalassi P. M. natu maxima pactis nuptialibus tibi sociata est; unde tam rara Nucis Medicæ hæreditas ad sortes tuas venit, velut ex ore illius indolem Cocci & Encomia ad nostrum auditorium derivasse te fateor. Pia mehercules animi inclinatio seculo nostro prodesse velle, novo hoc & medicinæ laudibus, celebri advena. Quare antiquo ritu nomen tuum in Æsculapij Phano consecratum eo, ut meriti tui rationes cum sanitatis publicæ fructu supputari queant. Ego certè plus reliquis me tibi devinctum fateor, quod mea opera ad publicandas Cocci Maldivensis Laudes uti voluisti. Faveat autem perennitatis Autor Deus, ne opusculis nostri gratia intereat, in quibus tam larga commodum seges ad posthumos delegatur. Quippe præter Coccum Maldivensem, etiam Aurelia seu Chrysalis ad censuram venit, quo velut parente hemerobius natalem suum auspiciatur. Quod insectum, ut verbis explanatum damus, ita figura quoque representare libuit, quam tibi Goltzj discipulus depictam largitus videtur, ut tua deinde manu tradux ad me veniret, ne non in omnibus me tibi debere faterer. Ego verò in reciprocum quid adducere præter laudes nequeo, donec re ipsa demum gratitudo nostra defungi queat. Vive interim diu, & vale semper defæcati oris & virtutibus instructissime vir, ut beneficij tui laudes crebro intelligas, atque urnam tibi intrare cum dabitur, meriti tui hostimenum in diario divino nanciscaris. Vale Amstelodami. 23 Septembris. 1634.

T. Augerius Clutius.

Amplissimis Clarissimis

Nec non

Consultissimis Viris

D. LAVRENTIO REALIO.

Equiti, Senatori & Scabino,

*Quondamque INDIARUM ORIENTALIUM nomine Societatis
(quæ est in BELGIO) Generali præfecto.*

Item

D. ALBERT. CONRADO BVRCH

I. V. D. Senatori & Exscabino.

INSUPER

D. IACOBO SPECCIO,

Indiarum Orientalium ejusdem Societatis nomine,
Generali ac Gubernatori strenuo, nupere
in patriam reduci.

Amicis Colendissimis

D. D. C.

AVGERIVS CLVTIVS. M. D.

Apud Amstelodamenses.





PRÆFATIO

NUNCUPATORIA.

Quanta marinæ negotiationis efficacia sit, etiam illi compertum habent, qui intra cineres & fauillas velut Grylli obsolescunt. Heroici verò impetus Viri, quibus omnis in motu vigor est: plus reliquis attendunt, *tam parvo lini semine nasci, quod orbem terrarum ultrò citroq̃ portet*, ut mutua nobis Plinij verba reddamus, lib. 19. in Prologo. Quod Phari instar cum illucescit subventanei operis esse reor, longâ testimoniorum serie fidem dictis emendicare. Apud vos præsertim *Viri Clarissimi* otiosa earum rerum agitatio est, quæ vobis innotuerunt.

Tanquam alpha & beta puellis.

Velifero enim cursu ingentem Oceani capacitatem emensi præfecturam in India Orientali gessistis, nihilo fecius maris dominio sublimes, directâ nauticæ plebis insci- tiâ. Et si vero tibi Clar. CONRADE marinâ expeditione Indiæ recondita peragrata non sunt, domi tamen in desi- diam compositus languescere negasti, postquam publico suffragio in confessu eorum locum obtinuisti, qui curis In- diæ Occidentalis salutarem operam impendere consue- verunt. Ne emeritâ in Moscoviam legatione Horologium atteratur, aut quæ tu oculorum decreto apud alterius pla-

gæ inquilinos dimensus es. Velut tibi quoque Clariss.
REALI ob expeditam ad Daniæ Regem legationem a-
liquid accumulare desino, postquam omnium ore laus tua
versatur, quod fortunam acerba meditantem ad saniora
reduxisti. Maçti estote *Viri Celeberrimi* hâc cœli clemen-
riâ & natalis sideris affulsu, quæ vos rerum experimentis
fertiles eruditionis etiam proventu largo ditarunt. Iuris
enim arcana non pedis apice sed passu citato penetraſtis,
in eloquentiæ florulentis non degeneres, quam verborum
monilibus testatam reddere soletis. Vt res miraculo pro-
xuma cenſeri non debeat, quod honorum periodo Fastos
Patriæ ornatis, in quavis coronâ dignum virtutibus sub
sellium naçti. Quæ mecum ad incudem vocare solitus
effuſe in laudes veſtras ſubinde progermino, tacito tamen
devotionis ſtimulo agitat, quod nunc extra dentium
ſepta liquidiore buccinâ incentare occæpto. Pauculas e-
nim has membranas deſcriptione Cocci de Maldivâ
prægnantes ad aram veſtram collocatas precor, ut natalis
ſui auſpicia veſtri nominis tutelâ nanciſcantur. Quibus
enim ſecurius hæc ſacra accredantur? qui rerum ſub In-
dico ſole geſtarum indagatores acerrimi eſſe ſoletis, &
regionis tam immenſum evagantis, tam fæcundè luxuria-
re ſolitæ ſecreta pervolitaſtis; quare *Nucis noſtræ medicæ*
cenſuram agere vos poſſe confido, ut Naturæ penetra-
lia & Genij peculia in obſcuro amplius non deliteſcant.
Quæ ad aſciam recensere in hoc præloquij ambitu cum
otio luçtantis menda foret, poſtquam in ipſa libelli ſpa-
tia provehi vobis datur, in quo Cocci indoles enoda-

ta est ; studio quantum per mei muneris necessaria
licuit effusissimo, sed stylo intra cancellos mediocrita-
tis contracto, ne verborum ostentis textui caligo nas-
catur, & in Suadæ fimbrijs hærens lector tessellas re-
rum incuriosè tractet. Si quid interim *Viri Clarissimi*
humanæ imbecillitatis vitio me peccasse invenietis, e-
jus veniam mihi in promptu esse præcor, quod salutem
publicam conservatum eo, pauculis nucis nostræ amu-
letis, & celeberrimis advenæ offerimentis. Alia ab
alijs scripta umbram mihi non faciunt, postquam in
publicâ viâ incessus nulli vitio vertitur, licet gressu lori-
pedante orbitam radat, modó rerum suarum satagens
à publicâ utilitate non deficiat, quam puerorum etiam
crepitaculis foveri absonū nihil habet. Sin autē superci-
lio benigno pauculū hoc libamē excipi à vobis persen-
tiam, animū nobis ad ampliora explicabitis, in quibus
stateram sagaciorem aliquando vobis versare licebit.
D. O. M. precor ut pronam ad utilia voluntatem sani-
tatis temperie in nobis conservet, & quæ scrinijs largis
apud me fermentantur tandem publico bono ebullire
queant. Vos autem *Viri amplissimi & consultiissimi* ad
clavum Reipublicæ sedentes perpetua Alcedonia ha-
bere precor ne turbis rerum agitati in vadium impin-
gatis, donec terrenis exempti cælestiū possessores red-
damini. Valete *Viri præstantissimi* Amici Colendissi-
mi. Quibus ob res benè gestas & sanitatem illibatam
soteria cano. Tibi vero Clarissime SPECCI ob nupe-
rum ex Indiâ reditum pio voto gratulatum eo. Am-
stelodami.

Ipsis Kal. Mart. 1634.

LECTORI. S. P.

THeo. Clutius parens meus publicè auctoratus a. salutis humanæ millesimo quingentesimo nonagesimo secundo Lugduni Batavorum Horti medici præfecturam gerens, omnem lapidem movit ut Rei herbariæ avidis appetitum satiare quod privato etiam documento in me illustravit studiosè me imbuens ijs, quæ sanitatem alienam custodire, quæque usui publico convenire solent. Sed non semper in paternis ulnis desiderata rei copiam prosequi me voluit, postquam expeditione ad externos factâ, jam partis additamentum fieri allaboravit. Neque unius regionis perlustratione defatigatus fui, sicut viridaria omnis generis peragravi, adminicula rei medicæ quaquà versus inquirens. Me verò ab accessu non deflexit ea quam in nobis scientiæ cupiditatem vigere videbant etiam Principes & melioris notæ Viri, in Germaniâ præsertim diffusâ, & lautitijs rerum superbâ Italiâ in quâ oculos meos hortorum delitijs pavi, atque animum sterilefcere passus non sum, quin rei Botaniciæ fastidium (si quod unquam) adipiscerer, Patriæ aliquando educationis meæ fœnus reddere gnavus. In Galliâ verò Mompelienses salutari voto adortus, non pauca ex locupleti simpliciumpenu exlatebravi, quibus Hortus publicus uberior reddi possit. Nec defuit occasionis consensus, postquam (L. V. Richerius de Belleval Herbariæ rei & Anatomices professor Mompelij diuturni morbi assultu excarnificatus, ne Academiæ rebus muneris vacatione diutius obesset, me sibi Vicarium adoptavit. Strenuam vero docendi operam
ad

ad publicum usum impendi, duobus penè annis rei botanicæ consultus & studiosorum ad polidædalam herbarum copiam Manuduca. Sed neque hoc tantum confinio studium meum detinui, qui Horti Medici Regij Monspeliensis gratiâ in Africâ remota penetravi, ut quicquid alibi novum aut minus visum natura beneficio pro Soli & Cæli diversitate natum esset, ad me coloniam duceret, & transferri se in Galliam & Belgium pateretur. Sed bonis conatibus sors inimica remeliginem iniecit, qui ter captivus investigationis meæ pœnas luere coactus sum; Regis tamen Mauritaniæ diplomate ter libertati redditus, sed omnibus ijs excussus quæ simplicium tessellas floridiores reddere possint. Quare euagandi ad ulteriora appetitum tot Fortuna minis deterritus algere passus sum, in patriam prorâ versâ ut quiete domesticâ quicquid superesset cognitionis Medicæ foverem, & ambagibus semitarijs solidiorem scientiam concinnarem. Hic autem in varia distractus herbarum secreta explorare restiti, ægrorum quarimonijs potiore ætatis portionem impendens. Sed ut vices rerû sunt, denuò ad antiquam Grambæ reversus, ex India orientalis & occidentalis armario melioris selectus simplicia consarcinavi, quæ promiscuam utilitatem aliquando irrigare possent. Neque enim ultra vel Pauio vel Paludano vel alterius generis Botanico Amico-ve divulganda putabam, quæ nostro sudore & are parta servarem.

Infelix verò ad me simplicium vectura non venit, qui forulos meos rariori proventu contessellavi; quem oculis meis subinde usurpans, etiam calamo illustriorem reddere elabo-

ravi. In præcursum verò Cocci mei Indici miranda veniunt; cujus ea efficacia est ut situm domesticum amplius pati non debeat. Alexipharmaca enim omnia facultatibus innatis adequat, ne audaciori eloquio virtutes illius extendantur. Experimentis enim apud egros & ipsum me factis doctior sum, rarum fructus exotici genium esse, non sine piaculo domesticis umbris claudendum. Publici autem Juris privilegia sibi vindicat ut unicuique suum promptuarium esset, tibi præsertim, benevole Lector, indagandi copia cederetur quantum in peregrini Solis Alumno boni publici inveniat, neque te fastidiosè offerimento meo applicabis, quod caro redimere coactus sum, & bonam ex vigilijs meis partem sibi occupavit. Appretianda imprimis hoc nomine oblatio, quod Regij doni majestate apud Indos censeatur, velut Galliarum Regi nomine Societatis Indiæ Occidentalis Coccus noster argento & salutaribus gemmis adornatus à D. Michaelè Pavio Equiti D. Marci ac D^o ab achthienhoven ad Legati munus auctorato dono datus, ipsi gerulo centum aurcorum congiarium depromsit. Tanta Regis in noviter illatam Regno suo Nucem animi propensio fuit, tantumque experimentis illius diffundebatur! Sed quid attinet in hoc loquendi præliminare ea congerere quæ in libello nostro amplis spatijs evagantur? huc aniditatem tuam transferre tibi copia est, & satietatem discendi pleno missu nasci non diffibeberis. Si quid tamen ad bellari requiri videbitur, id alieno inditio expergefactus sarcire paratus sum, ne quid publico gustui ad plenum desit.

HISTORIÆ
COCCI de MALDIVA
LVSITANIS.

S E V
NUCIS MEDICÆ MALDIVENSIIUM,

CAPUT PRIMUM.



Nter immensa beneficia quæ humanò generi postremis hisce seculis divinum NUMEN affulsit, non postremas obtinet tot Pharmacorum ad tuendam hominum valetudinem Inventio, cum post animæ salutem humani corporis sanitas primum locum sibi vendicet. Quod enim ad machinarum ænearum inventum attinet, quas supra antiquitatem nostra ætas gloriatur, ea spotius ad hominum perniciem quam ad bonum publicum comparatas dixerim. Typographia verò, quanquam conservandis literarum monumentis imprimis idonea, nihilominus scribentium Kakozeliam & literatorum ineptias plerunque fouet, nec est etiam quod Ærithræi maris spolia, aut exhaustæ Atlanthidis pallida viscera tantoperè jactemus, cum ex mente cordatissimi Poëtæ fuluum metallum sit Chalybe nocentius. Naso Methamorphosiôs primo.

*Iamque nocens ferrum, ferroque nocentius aurum.
Prodierat, prodit bellum, quod pugnat utroque.*

Verùm enimvero Argonautarum Europæorum gloria nunquam fatis extolli poteit, quorum solertia patefactus novus orbis.

orbis tot seculis latita ns, aperta maris claustra, & tot insularum Chyliades in Indico pelago sparſæ.

Horum enim operâ effectum est, ut propemodum

--- *Omnis ferat omnia tellus.*

Et pharmaca exotica eximii & rarissimi usus, nostro orbi illata sint. inter quæ, siue raritatē spectemus, siue pretium & æstimationem, siue usum nunquam illaudatum, siue incertitudinem originis **NUX MEDICA MALDIVENSIS** jure summo primatum obtinet. De quâ hoc libello acturus, operæ pretium me facturum existimo, si de Insulis apud quas reperitur, earum situ, latitudine & opibus pauca præfatus fuero.

C A P U T S E C U N D U M.

INsulæ de quibus sermo est, inter insulam Madagascar seu Sancti Laurentii & Promontorium Indiæ Commori vulgò dictum, sitæ sunt à continente centum & quinquaginta leucis distantes. Latitudo se extendit ab octavo gradu cis Æquatorem ad quartum trans eundem; quod maris spatium complectitur ducentas circiter Leucas à Borealioribus nempe ad Australiores, & potest ejus Regni longitudo dici petita à septentrione ad Austrum. Earundem verò Latitudo, si maris superficiem spectemus, ultra triginta, aut triginta quinque Leucas non extenditur. Censentur numero ab Indigenis duodecies mille, (fides appellat autorem) divisæ in Provincias tredecim, brevibus vadis seu augustis fretis vel Euripis distinctas. Harum singulæ, abruptis scopulis, tanquam naturali muro cinguntur, & in complures alias iterum subdividuntur; quasdam cultas & luxuriantes naturæ bonis, citra hominum laborem divites, alias culturæ expertes, & solis volucrum cubilibus relictas. Quæ magis accedunt ad Septentrionem sæcundiores sunt, quæ ad Austrum vergunt steriliores, & noxiorum seu damnatorum exilio plerumque destinate. Tanta est cæli & soli bonitas ut omnium rerum copia non solum ad usum humani generis

ris verum etiam ad luxum & delicias exuberent; quamquam fruges & Animalia Europæ nostræ illic rara aut ut nulla. Verum benigna mater Terra vel Natura bona nostra compensans Indigenis & Advenis affatim suppeditat. In harum insularum littoribus Nux hæc de qua agimus solummodò reperitur, non alibi terrarum conspicua, allabente enim maris æstu non secus ac Ambarum fuscum (Ambra grisea Medicorum filijs dicta) in littus eijcitur, nec cuiquam tollere fas est nisi statim delaturo ad Regem, vel ministros Regios, cum

*Quicquid conspicuum pulchrumque ex æquore toto est
Res Fiscis est, ubicunque natat.* Juvenalis Sat. 4.

Quod est argumentum æstimationis admirandæ nucis, cum conferatur Ambaro, imo præponatur; adeo ut si quis existat repentè dives vulgò existimetur *Tavarcaré* invenisse (id huic *Nuci* in iis Insulis nomen) Nihil inter Gazam Regiam aliud majore curâ conservatur, siquidem in cohonestandis amicis Regibus, Satrapis, vel Thalassiararchis ornandis, non alio pretiosiore dono utitur harum insularum Rex.

C A P U T III.

Quemadmodum locus inventionis certus, ita origo anceps & incerta. Vulgus indigenarum ex arboribus in mari latētibus vel olim inundatione demersis, vel intra aquas in avito solo radices agentibus fructum hunc provenire autumant, non secus ac Ambra videtur esse Ramus arboris vel stipitis in bitumen induratus. Religiosiores secus existimant, in Insula siquidem *Palloys* dictâ, quærentibus abditâ, ignaris obviâ nucem hanc gigni arbitrantur, inde caducum fructum post maturitatem pelagi æstu & reciprocatione huc illuc jactatum in oras Maldivensium Insularum tandem eiici, huic Palloy proximius ut pote adjacentium. Insula hæc creditur Maldivensibus esse omnium terrarum beatissima quam

Kakodemònis vel mali Genii invidiâ & artibus humano aspectui subtrahi persuasum habent, quanquam nonnunquam ignaris sese offerat videndam :

Fidem facit quod sæpius tentata Regis Maldivensis auspiciis illibata permanferit, & rarissimè imò nunquam Regiis ministris nauticis teste *Francisco Pyrard de Laval* comparuerit. In appulsu quippe gravibus procellis & tempestatibus conflictantur, & quotquot illuc appulisse contigit à spectris & Kakodæmonibus specie visibili torquentur & cruciantur, ut ut est ubicunque terrarum hæc nux nascatur, hoc loci solum reperitur, reliquis orbis partibus ignota, nisi hinc deferatur.

C A P U T IV.

Nux hæc nusquam conspicitur nisi gemina, cujus utraque pars ovalem & oblongam figuram exhibet, Quæ etsi unico obtuitu præse ferat gemellos duos melones lateraliter cohærentes, nihilominus naturali vinculo usque adeo sunt colligatæ ut nullo pacto divelli possint. Nucleus seu medulla excrecens in altum tegit interiora utriusque putaminis, assurgens ad figuram rotundam seu fabaceam aut renalem, ex unâ nucum in alteram permeans, ita ut non injuriâ tota hæc nux gemina assimilari possit duabus scaphis, vel scaphæ duplici, communi onere gravatæ. Ad nuclei tutelam naturale & ingenitum munimentum Natura largita est tunicas quasdam specie licet inter se dissimiles, non tamen à tunicis, iisque velamentis discrepantes, quibus juglandes ante maturitatem extrinsecus tectas cernimus, aut ad majorem convenientiam tunica illi similes quâ Castaneam marinam opertam aliquoties vidimus. Cyathus verò expolitus binis alveolis geminam quasi formam exprimens proximè accedit ad Cymbia duo (quorum in sacris olimus) lateraliter cohærentia, vel
ad

ad Sambucas (si scalas exceperis) quæis in expugnatione Syracusarum Marcellum olim usum legimus. Ad scyphi autem hujuscemodi pretium & æstimationem augendam totus nucleus seu medulla nõ excernitur, verũ exigua pars relinquitur accreta & adglutinata basi ipsius nucis, in duritiem ætate non absimilem ipsi cocco versa, interveniente tenui quadam cortice, seu integumento haud impare medianæ Ilicis, Quercus, aut Fagi exaride. Conservatur autem in usum medicum internum, velut è catenulâ aureâ per artem appenditur ut liquori immergatur, in eam præcipuè gratiam uti etiam/suas in usu virtutes coacervet accumuletque. Quod si negetur & casu medulla à basi abscefferit, arte uti infra dicemus, suppletur.

Dividitur autem hac ratione nux gemina, si per interval- lum illud quod lateraliter alter alteri cohæret, & iterum harum quælibet diffecetur ferrâ secundum priorem aperturam ex utrâque sigillatim fieri possint duo pocula. Quod si utraque simul & semel bifariam dividatur per latus alterutrius externum principio sectionis sumto, habeantur pocula gemina bina. Cujus poculi gemini, nisi extrema Cymbiorum auro aut alio metallo conjungerentur, exiguus aut nullus in bibendo esse tusus ob periculum effusionis, verũ pyxidis vices supplere potest. Hoc autem genus scyphorum virtutes & remedia contra morbos habet plurima, quæ suis singula locis doce- bimus.

Expolitæ autem nucis putamen naturali quadam cælaturâ, quam ars ægrè adsequatur, sculpta & elaborata cernitur colore nigro saturato. Magnitudo huc adlatarum nucum ut & figura non à majorum melonum specie & magnitudine recedit. Perpoliri poterunt pulvere lapidis Tripelæ dicti: teritur tripela subtilissimè in mortario areo, pistilloque ferreo, affusâ frigidâ; Et ne alterationem subeat cocci putamen, lanco panno sæpiusculè liquori huic intincto, ipsi testæ affricatur. Non autem oleo, quod inferret noxam & graveolentiam.

CAPUT V.

QUandoquidem jam prona est occasio proposito nostro annuens, & nucem geminam ante actis fermè absolvimus, cujus quoque Catagraphus in rem præsentem adducitur beneficio ornatissimi & Honestissimi Viri GODEFRIDI à CLERMONT civis Harlemenfis, & affinis strenui Thalassiarchè WOLFERDI HARMANS infra memorandi, qui eam usui domestico, nec non progeniei WOLFERDIANÆ inter Ceimelia sua, quarum non parvum habet numerum, reponit. Quare nefas duxerim ea silentio decoquere quæ meæ sententiæ circa nucis valorem digerenda proposuit.

D. RUDOLPHUS II. Roman. Imperator &c. qui dignitate, majestate, ingenio, variaque rerum omnium cognitione cæteros omnes Principes antecellebat, perceptâ nucis præstantiâ eam quatuor millibus Florenorum in possessionem suam redigere conatus est. Sed quia Familiæ Wolferdianæ traduces alio transferri negarent, in loculamentis solitis stationem servavit. Quo autem modo Nucis copia Wolfardo facta, sit, tribus peragam verbis Historiam. Kalendis ipsis Ianuariis anno millesimo sexcentesimo secundo D. WOLFERDUS HARMANIDES Archithalassus visis fortuitò navigiis Lusitanorum civitatem Bantam obsidione cingentibus inter ipsum velificationis tenorem, priùs anchorâ naves infrænavit suas, dein laxato velis sinu ad cursum eas preparavit, prorâ in Lusitanorum classem versâ, quos licet numerus frequens animaret, pauculis tamen manipulis Batavorum, quinque nimirum navibus, in fugam egit, eversa ad non exiguum numerum subsidiarum classe: Ita Civitati & Regno Bantam libertate restituta magnifice à Rege exceptus est: qui præter laudes fusè dictas decoravit eum fructu, cujus imago in. appendicem venit. Dolore autem non parvo perculsus erat, quod ob anni
sterili-

sterilitatem Piperis proventu victoriam jam partam huic *Wolferdo* plenè compensare non posset. Decrevit interim ut accessu libero Batavis quævis coëmendi ac collectandi copia foret; quod experientiâ deinceps fidâ testatum reddidit.

Verùm ut observatu dignum ita silentio non prætereundum est, à Rege summam faciem fructus lineamentorum ductu impudicè lascivientis ferrâ ablatam esse, ne *Clariss. Wolferdo* offerenda honesti viri oculis offensam præberet. Refert enim rugarum ambitu muliebri pudendum cum podice & interfeminio, à quibus versus gibbam partem celaturę instar subalternant acclivè & declivè in laxitatem sensim accrescentem, uti unda undam trudit, non sine gratiâ oculis acceptissimâ, quę ipsa iterum terminatur in aperturam germini supernè annato dicatam, non absimiliter concomitatam duobus spiraculis seu foraminibus uti in Indicâ nuce sive vulgari Cocco tam majore quam minore, pluribusque ejusdem familię, & congeneribus videre est. (*Kakodæmona Indicum* dixeris propter formidabilem in planiore parte faciem) quare *Clariss. D. Casparus Barleus* Professor Physices in Illustri Gymnasio Amstelodamensium in oratione sua de Re sive Ente reali diserte his verbis. Dioscorides, si hoc viveret seculo, rem botanicam miris modis auctam stuperet; præcipuè tot versicolorum Tuliparum & Nucis Maldivensis horribili admiratione. Spiracula porrò illa in margine aperturę posita usum atq; emolumentum suum nacta sunt. Obducantur enim introrsum tenellis medullæ portiunculis ut spiritibus in germinatione transitus detur, sicut Natura in foetu elaborando, (quùm sint Jovis omnia plena) polypragmòs & sollicita est, Si quis porrò oculis in rem præsentem ire & manu tam pretiosum monile tractare avertet, liberum accessum inveniet, si Harlemum se transferens Honesti viri Godefridi a Clermont loculamenta adeat, Qui affinitate cum strenuo Archithalasso *Wolferdo Harmans* junctus, id velut aureum imbrem in sinu suo nactus est: vel Am-

sterodamum petens moniliarium *D. Ioannem van Maerle* interpellat; hujus officina supellectile gemmariâ, atque aliâ fertilitate pretiosâ turget & velut prægnans est: Illiûs armarium accuratâ Cupediarum messe oculos delectare solet.

Ne *Samuel* quoque *de Bendana* Lusitanæ originis honestissimus vir oblivioni tradatur. Eos viros salute dicendâ impertiri si dignaberis pervios forulos & Musæi secreta divulgari gaudebis, tanta apud eos officiorum scaturigo! *Ioannes Tradescantius* Regis Angliæ Botanicus inter ceimelia sua dimidiatam nucem asservat.

Contemplatio certè plantarum, fructuum, inque visceribus terre & superficie ejus, nec non in maris fundo nascentium immensa est, si quis varietatem, numerum, ordinem, odores, sapes ac vires æstimare velit. Quæ omnia pertractatè eloqui uulli facilius esse potest, quam Naturæ ipsi quæ lasciviendo & variè ludendo ea depinxisse cernitur.

C A P U T VI.

ROgatus à me Clarissimus *D. REALIUS* ut suam sententiam super dubiis quibusdam meis communem facere dignaretur, non invitâ Minervâ (mira enim Viri tractabilitas) præstare aggressus est in Aphorismos & Theoremata conscripta ex tempore eam digerens, quæ ex ordine à me in contextu depromuntur, in Latium translata.

Aphorism. I. Nux Indica vulgaris tantæ utilitatis, tamque fructuosæ est, ut omnia quæ jus vitæ conservant velut escam, potum, condimenta, cultum, amictum, ædificia & naves proferat. Nux vero Maldivensis Medica omnia adversæ valetudinis amuleta in se continet.

Scholion. Palma coccigera vulgaris omni tempore fert nuces viretque toto anno fructibus semper aliis subnascentibus: aliæ maturescunt: & quod *Pontanus* alibi in Hesperidum hortis, de malis citriis testatur, de hac Palmâ dici potest;

Flore

Flore novo semper, semper quoque fœtibus aucta.

Nec injuriæ pronunciare licebit nihil aliud Coccum Medicum esse, quam Coquum Panaceæ, vel Orphea miri ab interitu recessus artificem, Fatisque imperare solitum, cum multi ad vitæ desperationem ducti eo mirificè convalescant.

Quæ autem commodà è vulgari Nuce proficiuntur, ea habentur apud *Cardanum, Scaligerum, H. Linscotanum, Francisc. Pyrard de Laval, M. Ignatium*. Videantur observationes eorum cum non sit hujus loci plura recensere.

Aphorism. II. Tenelli Cocci Indici vulgaris compago per fructus adolescentiam cultri acie facilè divaricatur & è vulnere humor clarissimus & potui aptissimus eliquatur, qui tractu temporis in vegeto ac illæso fructu post concoctionem, digestionem, & segregationem è crassionibus ac terrenis partibus internos parietes investit. Serum verò omne in centro locatur, & quasi caseatione factâ medium locum occupat, sicut rusticum artificium in lacte vaccino demonstrare solet. Pari ratione conjectari fas est, humorem Nucis medicæ coagulando in solidiorem massam redigi, quod tamen nullus autopsiâ aut oculis suis dimensus est, postquam in maris profundo accessum humanum non tolerat.

Scholion. Quæstio à quibusdam incerta movetur habeatne Coccus Maldivenfis ortum homonymum, ut quædam animalia ex limo sine spermate? gemma seu germen negat, quod nucis involucro clausum Palmæ arboris partu originem sumit, & ex principiis arbori insitis velut animalia ex sanguine femine & calore innato, augmentum capit, & adolescit in eum formæ statum qui naturæ decreto illi præfixus est. De arboris verò ipsius generatione tutius cavillari licet, quæ in maris profundo radicata, germinis accessum recipere nequit, mari perpetuum motum explicante, neque natatilis rei in imo sui permanentiam ferente. Hinc cocci ipsi ad maturitatem per-

lati.

lati in aquæ superficiem velut eructantur. Neque verisimile est ubi sublunari aëre inaruerunt, ponderis gravitatem, ut submergi possint, induere. Ex terra ergò velut plantæ (ut infra dicimus) & marini frutices generantur; aut potius ex terra in limum maris uligine dilutâ. Qui limus velut feminis essentiam nactus, arborem sui generis educit. Speciei autem perpetuatio fit, nunquam cessante in profundo maris opifice Naturâ.

In plantis unius animæ vegetantis tria officia sunt; generant, nutriuntur, & crescunt. Non tamen omnia unâ Naturæ lege progenerantur, quandoquidem è terrâ, succo, situ & sole variantibus, diversimodè pullulant. Marini frutices duabus solum vitæ functionibus pollent, nutriuntur & crescunt, simile sui non gignunt. De vitâ & nutritu plantarum, sentiendum quod de animalium alimonia, trahunt succum sibi familiarem, retinent, concoquunt, segregant, & recrementa expellunt, beneficio caloris & spirituum, quibus perfunduntur. Quod doctissimis Aphorismis Cl. *Petrus Laurembergius* Ph. & Med. D. & Professor in Gym. Hamb. declarat. Cl. *Realius* caseationis exemplum, quod manuum operâ præstatur, aptissime applicuit.

Aphorif. III. Cœcci vulgaris cortex induratus ferræ aut mallei vi ad apertionem opus habet, Ferro aurem transcissus ac disruptus omnia velut in proscœnium educit, solidiorem nempe medullam, intermedium corticem, & humorem limpiditate abblandientem paulò ante, jam verò potui ineptiorem & olei fermè facie indensatum. Medulla verò nucleo avellanæ nostratis duritiâ graphice assimilatur; quare limæ contumaciæ ex facili cedens ad lac & Emulsiones temperatur, è quibus omnia coquinæ necessaria, velut oleum, vinum, acetum, mellisque & sacchari æmula colligi solent. Idem de Maldivensi sentire non esset piaculum; verùm quùm ea non nisi indurata & in littus, post longam moram, ejecta reperitur,
humanæ

humanæ mentis caligine conjecturæ tantum locus remanet ; quod definitè in apricum exiret , si sublucata arbore fructum manu carpere liceret.

Scholion. Cocci vulgaris, Areccæ & consimilibus fructibus involucra multa circumposita sunt, haud secus ac foetui membranæ ad tutelam. Vulgaris Cocci Nucleus variis usibus aptus, sed medico usui inconcinnus, uti Garçias Sepulveda Autore, & ipsos Indos increpans, Paralyticos è vasculis vulgaris Cocci bibentes nunquam juvari ait. Variam Cocci indolem hucusque enarratam vides sed non hisce tantum differentiis constringendam, post quam alia quoque Coccorum propago in aliis territoriis invenitur, prout Natura Polydædala unicuique Regioni peculiare suum est elargita. Insula enim Marnagane quatuor exhibet palmarum species, referente Cl. V. Ioanne de Laet, Cap. XI. Lib. XVI. Hist. Occident. Indiæ, qui plurimum ad palmas & Coccos pertinentium sparsim meminit, quibus Thesaurum nostrum exoticorum splendidiorem sum effecturus, velut & D. Bontii P. M. doctissimis & exactissimis plantarum Indiæ Orientalis descriptionibus Cl. D. Specchio Generali inscriptis, aliquando ditaturus.

Aphorism. IV. Usus medullæ vulgaris nucis est multifarius : verum Maldivensis Medicæ apud Indigenas, Reges, magnates Indos non unus, sed infinitus ferme, & superstitione non vacuus, cum hic sanitati conservandæ, ille vitæ sustinendæ, privilegio Naturæ, consecratus feratur.

Scholion. Medulla utriusque nucis est potior pars. Vulgaris Culinariæ, Maldivensis autem medicamentariæ rei, quod infra docebimus peculiariter destinata, quare de vulgaris medullâ plura dicere supersedeo, cum citra meum sit institutum.

Aphorism. V. Anemine quod quidem scire licuit, scripto hætenus testatum est germen seu gemmam promi, quæ pisi formam representat, subinde fabæ effigiem exprimit, è rotundo longiuscula, aliquantum acuminata, è mediis liquoribus
C nata,

nata, prædulci sapore linguam afficiens. Hoc germẽ in speciei conservationem adolefcit, & a fide alienum non est aliorum quoque fructuum nucleis à natura id datum esse. Ut jure a Plinio majori Trogus taxetur his verbis. Nam folia Palmarũ apud Babilonios feri atque ita arborem provenire Trogum credidisse demiror. Uno tamẽ insigni nostrum prævalet, quod in gemmam lapillis aut margaritis nitore suo & lævore æmulam subinde transfiguratur. Sed Naturæ seu decreto, seu invidia tribuendum est, è decem millibus fructuum vix unam tam fausti puerperii & fæcunditatis participem esse. Eadem vero in Maldivensi Medicâ usu venire posse, judicio non aberrante dicere licet. neque à ratione absonum est, quum in fructu Pinang, Areccâ, Palma-Pino & consimilibus experienciâ magistrâ veritatem adepti sumus.

Scholion. Lapillus hic vel gemma ipsissimum & purum putum germen est, quod partibus internis (aperturæ nimirum) quamdiu adhæret, spiritibus atque alimento communi fruitur, donec ad justam magnitudinem perlatum, naturæ decreto non casu aliquo, aut aperturæ vitio extra solitum locum subinde movetur. In cavitatem verò nucis receptum germen suis se igniculis sustentat, quos Natura formatrix ad fomentum illi indidit, velut foetus humanus exacto noni mensis spatio ad lucis usuram extra uteri receptaculum amandatur; scilicet adminicula vitæ, ut adolefcat, ad plenum nactus. Quæ hic prolixius recensere alieni muneris fore judico. In duritiam vero nativam non frigoris ambitu concrefcit, (quis enim in latebris nuclei occultus esse queat?) sed seminio interno, quod illi à matris velut utero remansit, ut vi efformatrice in speciẽ suam, quæ oculis obvia est, & virtutes illi debitas, quæ occultæ sunt, effigietur. Quod rationi consentire sanguinis extra venas effusio evincit, qui ex quo assimilationem aut (ut Medici ajunt) appositionem effugit destitutus fomentis solitis coagulatur, vel in putredinem degenerat. Nostrum verò
germen

germen architectonem internum secum ferens, magis magisque ad perfectionem adolescit; velut foetus nuper editus ad status sui complementum perducitur. Quocirca neque germinationi ineptum esse, etiam in aliquo duritiei rigore una hac ratione deduci potest. Neque est ut ab hâc sententiâ recedamus ob duritiæ aliqualem habitum, postquam occultis naturæ spiraculis, quicquid humanis sensibus abditum aut impossibile videtur, in actum experientiis suis comitandum deduci solet, nō sine miraculo & iudicii humani stupore. An vero arboris primitivæ unde ortum est speciem edere queat multæ dubitandi rationes affirmare vetant; quas hîc superfluum serie comprehensas præterire libet, etsi in Scholio ad Aphorismum secundum bona earum portio inveniatur.

Ad lapillos nostros seu ingemmatas gemmas revertamur, quarum numerum aliquem habeo in loculamentis meis, eas dico præ laxitate aperturæ (quod aliquando fieri consuevit in exsiccatis & neglectis, aut è natali loco translatis coccis) intro redactas & coactas, atque ita cum non sit magna germinis diuturnitas, esse in lapillos conversas; quod auctoritate clarorum virorum variè docebo & non absimilibus exemplis. Lapillum habeo singularem articuli majoris digiti magnitudine & formâ, pondere dragmarum trium (cum vulgarium Cocco- rum dragmæ dimidiæ pondus non superent) lævore & nitore splendentem, & in summâ parte acuminatiore, transparentiâ unionis dotatum mirum in modum oculos oblectantem. Hic suâ quadam gratiâ foliolorum primitivorum idæam quandam obliquè contortorum (sicuti in gemmis pluribus grandium plantarum videre est) promittit; quare mihi & delicatioris sensus viris acceptior est. Illud interim non prætereundum hanc foliolorum divisionem actâ radice spargi, & lateraliter asparagis aut turionibus adhærescere, & è terrâ exfurgere aliquamdiu, tandemque, ut inutilia, decidere alimēto destituta. Omne sabaceum & Phaseolorum genus nec non Indicarum

Stirpium aut arborum grandiores fructus meo hortulo commissi, vivum exemplum afferunt. Faba ex Wingandacow, Cola alba, rubraque & ejus generis plura; quarum Thesaurus noster utriusque Indiæ plantarum aliquando fidem faciet.

Aphorism. VI. Verùm in quibusdam Coccis, coagulatum, quod à caseatione remansit, Massulam dixeris ceu pomulum exiguum leve & spongiosum, & masculæ Palmæ proprium esse dicitur dulcedine excellens, nivemque albidine adæquans in mediis liquoribus fluctuans. Vulgò etiam germinis nomine insignitur, esui perquam aptum. Cujus in Maldivensi fortè similitudinem nunquam videris.

Scholion. Fr. Pyrard arbitratur liquorem tantummodo in germen abire & verti, medullamque germinationi in solum fomitem adaptatam esse, quod ex plantationis modo videtur probare, verùm rationem suam infirmam facit, cum paulò infra in tractatu peculiari de commodis nucis Indicæ vulgaris, maturam & ficcam nucem terræ mandandam dicit, & è masculâ quadam internâ ex succulentia aut liquore concretâ nempe figurâ pomuli, extrorsum subluteâ, introrsum candidâ tenellâ atque ore detentâ solubilis veram Coccorum propaginem seu gemmam ipsam esse affirmat, cum ipsissimam ignoret quod antopsia propria & ex ralu clarorum virorum Generalium habui, qui ad plantationem nucum decem mille in acervos cumularunt, è quibus trium hebdomadarum circiter spatio elapso seligere eas jubebant, quæ germen jam ante numeris suis absolutum, & nunc in promptu ut exeratur & exertum gererent, terræ gremio committerent, & reliquas huic fini ineptas ad alios usus relegarent. Quo verborum sensu facilè germinis aperturæ insidentis præsentiam non frustra à Naturâ fabricatam, docet Castanea marina & nostra ipsamet domestica. Omnis gemma solitaria si in terram deprimatur, radicum fibras tantum non materias creat.

Egre-

Egregie Doctifs. Thobias Roelfius in Epistola ad Clusium his verbis germinis naturam explicat.

Habui hujus Palmæ nuces aliquot integras (intelligit vulgaris) cum suis viscosis corticibus, quæ in itinere vasi inclusæ, germinare coeperunt. Harum tibi binas mitto. Alterius nucis corticem sustuli, ut germinis exortum & ejusdem radicacionem possem videre commodius: tertiam cum germine nucem penes me servaveram, cujus prædurum & ligneum putamen internum aperiens ex hujus medulla germen traxisse initium observavi: Nucleus sive Medulla conclusam in se non habebat aquam (quæ nucibus Indicis recentibus & non germinantibus inest semper) sed aqueum illud in materiam fungosam excreverat, dum forte in germinis alimentum converti cœpit. Germen exit è nucum harum foramine tertio, & mox extra foramen statim ab exortu per corticem exterioriorem crassum ac villosum quinas senasque radicum fibras dimittit in terram, per quas alimentum suæ naturæ conveniens attrahat. Germen quod per foramen emergit unicum, similiter perforat villosum corticem, atque in unius nucis stolone vestigia foliorum arundineorum conspiciuntur, quæ bifida vel bina sunt, & vix aliquam videntur habere latitudinem, quod quinque vel sex plicis commissa sint: folia primum in vaginâ latuisse videntur è qua prodierunt necdum expansa, sed plicis commissa, utimet ipse hæc omnia in altera hac quam mitto nuce contemplari potes, cujus germen in longum excessisse videbis trium palmarum mensuram. In hoc argumento prolixior sum præter morem; quod autem spectat ad sexum palmarum, C. R E A L I U S ascribit maribus germinationem esse propriam. Palmæ perditæ sese amant, quod & rusticis ipsis notum est; & constat rebus furdis & sensu carētibus odia & amicitias inesse, sicuti etiā errores in animalibus & plantis insunt.

Aphorism. VII. Spiracula autem illa duo in vulgari nuce, inservientia fortè exhalationi recrementorum, sede paulo

inferiore locata Aperturæ germinis astant. Ea habent in Medica nuce etiam locum; non infimiliter ejus germen quod verè in gemmam seu pretiosissimum lapillum verti potest, cum diutius ab alvo natali magnæ matris semota, & coelo soleque patre frustrata in lucem fertur.

Scholion. Apparet ex facili in quem usum illa foramina Nuci indita sint, scilicet ut alimentum suum & spiritum Opificis naturæ vehiculum ex nuclei ubere & substantiâ in se reciperet. Ubi autem fastigium incrementi sui nacta gemma aut germen à nucleo aliquomodo desertum, vestigia tantum foraminum quæ sensim obturata sunt, prætendit; non jam alieno nutritu opus habens, sed intra se claudens quo in propriæ substantiæ specimen & formam mutari potest. Quod aliorum quoque fructuum exemplis stabiliri facile est, qui nucleis inter se clausis, prægnantes sunt, ut hoc velut parente arboris congeneris species aliquando nascatur. Et si non omnes fructus nuclei necessitate ad propagandum opus habent; quod in Scaligeri exercitationibus fuscè probatum invenitur.

Aphor. VIII. Coronidis loco addam Lapillos præcipue hos è germinibus utriusque nucis ortum ducentes, uti & è *Pinnang* &c, fructu, Panacæam sententiâ Indorum in se habere; quocirca præter internum usum, Indi eos annulis etiam aureis & argentæis includunt, foramine relicto, per quod Lapillus carnem humanam coniugat, quod pro amuleto adversus incarnamenta non absque superstitione seu humanæ mentis ludibrio afferunt. Pronum enim Naturâ ad vanitatem genus Barbaricum!

Scholion. Opinio cum in Idiotas cadit indelebilis est, dicente CL.V.C. Bartholino, horum autem gratiâ non explodenda sunt, quæ a priscis aut neotericis accepta, seu de occultis naturæ viribus sive inauditis, licet fidem superare videantur, a me in medium afferuntur: sicuti & sententijs adversariorum occurrere probabilitatemque fulcire levidensis ope-

ris erit. Redeo ad gemmarum quarumlibet & plantarum, imo seminum præcipuè exoticorum historiam. Senna Alexandrina, Lithospermon, Lachryma Jobi sata, vertuntur in lapillos dentibus examinandos, amicis proposita pluries in horto meo, licet pars horum excreverit. Certè mira in visceribus terræ efformantur quorum causa ignoratur, teste eodem Bartholino, in opusculo de unucornu ejusque affinibus & succedaneis, qui disertè omnia enarrat huc spectantia. Quare in solidissimæ compaginis gemmam Cocci Maldivensis, ut & vulgarium, germen verti posse, naturæ privilegiis ad eam formam concipiendam dotatum, affirmo. Atque hæc de utriusque Nucis germinibus in lapillos versis dicta sunt.

C A P U T VII.

Alterum non vulgare æstimationis exemplum reddetur quâ Clarissimus SPECIUS institutum nostrum decorare dignatus est. Epistolâ enim propriâ manu exaratâ in publicum profert non insignia tantum, sed & utilitates rarissimæ nucis, quæ ægritudines humanum corpus affligere solitas velut Averruncus depellere consueverunt. Ita de Medicinæ hâc parte optimus & excellens vir benemereri voluit; Quadringentis insuper ad splendorem Facultatis attinentibus Thesauris orbem ditaturus, qui nondum usu comperti, aut ab aliis neglecti & malè descripti hæctenus infuscantur. Quos petitioni illius obsecundans in ordinem digerere aggrediar ubi otium animi mei gaudio allubescere volet. Epistolæ verò tenorem non de verbo ad verbum, sed quantum latinitas permittit, sensu illæso explanare levitas laboris est, sed eâ curâ, necubi fides interpretis vacillet, vel legentium studio turbæ fiant. Apographum verò in sequentium serie proferre non piget.

Cl. V. D. CLUTI. Instinctum tuum boni & magni Zeli
exper-

expertus sum, post nuperum ex Indiâ reditum iteratis tecum colloquiis, non tantum humanæ salutis curiosis, sed etiam de honore patriæ sollicitis. Quocirca velut aculeo me propulsi, ut memoriæ meæ arculas eventilarem, indagaturus quantum in iis superesset, quo Cocci de Maldiva, atque aliarum minoris pretii nucum genus elucidari posset. Quod etsi ejus monetæ aut valoris non reperio ut appetitui tuo acriter flagrantisatisfieri queat, ne quid tamen officio meo deessem, sermonis breviario quicquid memoriæ meæ velut posthumum remansit, tibi consecrare aggressus sum, in quo te promum condum esse jubeo, eorum quæ materiæ tuæ & propositi terminos ampliare queant. Et in prima quidem serie. Antesignani partes occupat, Legitimum de Maldiva Coccum, qui in aulis Indorum Principum, atque inter Nobilioris gradus viros, ob rara insignia, & Medicinæ efficaciam tanto honoris pretio attollit solet, peculiaris arboris sobolem & fructum esse, longo dissipio a vulgarium Coccorum atque nuciferarum arborum indole remotum. Quemadmodum experientiâ duce, Anno millesimo supra sexcentesimo & octavum in littore & maritimis Indiæ locis addidici, occasione navigii ex Insulis Maldivensibus adventantis, ut veterum Coccorum proventu ferax, Calecuticam terram aut aliam conterminam sublegeret; quod prætorix nostræ cursu interceptum, & nautica gens explorata, intelligendi ansam præbuerunt scapham eam cum omni armamentorum genere penes mercimoniorum congeriem, atque ipsum cibi & potus penu, totam ex ligno, foliis, cortice, fructibus Cocci arboris constare, pauculo tantum orizæ adjuncto. Popellus vero hic affirmando ratescere jubebat, negotiationem suam hoc fructu circumscribi, atque ejus vecturam certis anni temporibus in continentem se facere, vestium atque aliorum necessariorum versurâ eam commutantes, quorum penuria Insulanos suos torquet. Quo occasionis ductu ad studium tam appetiati

Cocci

Cocci de Maldiva excitatus sum, quem plebecula illa in paucis Insulis & numero contracto reperiri, & diligenti custodiâ à territorii proceribus ad possessionem suam rapi afferebat; ut rarè & non nisi, aut titulo munificentiae ad Malabarenfes, aliosque Principes, aut furti astutiâ in peregrinas regiones transferatur. Adeo ut mirari se dicerent nostros tam solemnem Cocci Maldivensis proventum in pauperculo rerum suarum statu inter proletarios & rurestres coccos indagare, aut antithesin aliquam comparandi instituere velle. Hòrum omnium persuasu penes ea quæ experimentis propriis in prænotinato & genuino cocco adhausi, adducor ut credam & sententia a me feratur, sui generis arborem & fructum esse, longè a semitariis coccis recedentem; eo magis quod nunquam nisi inter Summates magnâ pretii æstimatione asservari intellexerim, in quorum fidem memoria mihi suggerit me Anno millesimo sexcentesimo decimo quarto mense majo à Moluccis ad Bantamenses reversum, jussu Archithalassi *Bothie* P.M. Cum jam defuncto *Coenio* eo tempore præsidis munus adepto auctoratum esse, ut quædam societatis negotia ibidem procurantes senem Pangoranum *Arisam Mâga^{ca}* jam tùm Regis sceptro Bantamensibus imperantem conveniremus. Eum vero in Regiæ secessu instrumentis ad tornum paratis & ministrorum frequentia circâ magnæ molis Coccum Maldivensem adeo desudantem offendimus, ut longo temporis dispendio curas nostras suspendere coacti simus, atque in vicem, de prædicto cocco colloquii textum ordiri; quem manibus Pangorani versatum memoriâ astipulante magnitudinis raræ & magis in longitudinem extensæ quam rotunditatem convolutæ esse pronuncio; sed subtilis substantiæ testam incisurâ aut fragmentis atram, cæterum vulgaris Cocci tam externè quam internè non absimilem colore. Is in frustra vario dispersus erat, ut sciendi apud nos difficultas remaneret, casu inaugurato an studio humano in eam formam

redactus esset. Ea tamen Principis administratio fuit, ut non
 minori curâ minutas particulas, quam magnas custodiret,
 postquam eas speciatim ad usum suum proprio digestu di-
 spensaret, ne quid à particulis imo ipso ramento & bracteolis
 à torno relictis, deperiret. Animadvertendo delineabam mi-
 nora fragmenta, ab eo appropriari caliculis, scyphulis & co-
 chlearium atque ejus generis aliis formis, quibus siccus, humi-
 dus, & succosus cibus depromi posset, maximam ejus por-
 tionem, quæ nucis penè dimidium accomplebat, intactam fi-
 nens. Quæ omnia in arbitrio oculorum & conspectu nostro
 facta facile evincunt, neque Principem operis sui circa Coc-
 cum Maldivensem puduisse, neque nos veritatem obtorto
 collo trahere. Ea tam curiosè instituta administratio præsi-
 dis *Coenii* linguam diffibulabat ut Principis mentem mo-
 do variegato pertentaret, cujus scilicet energiæ nux ea fo-
 ret, in quâ tantæ sublimitatis Pangoranus & Princeps se distri-
 ctum tenebat, omnia propriæ custodiæ tradens. Ad quæ re-
 sponsum dedit, eam nucem legitimi & pretiosissimi Cocci de
 Maldiva progeniem esse, quam Codiacti aliquot Mercatores,
 nempe Mauritani, ante longum temporis spatium parenti suo
 magni muneris instar advexerant, eamque inter Iavanenses,
 Malayenses, Malabares, nec non alios Indici natalis populos
 præsentissimè Medicinæ laude censeret, ad omnem toxici hau-
 stum, & morbos divinos, febresque magni discriminis. Ita
 præsidis *Coenio* mirum videri non debere (postquam sanitati
 nullus Thesaurus prævalet) si ipse manu propriâ versaret &
 pervigili curâ omnia illi inservientia custodiret. Intra hunc
 responsi tenorem, tornando se occupabat, tam studiosè om-
 nia designans, ut legationis nostræ propositum exequi nullâ
 ratione liceret. Quæ causa Præsidem *Coenium* instigabat, ut
 dum ille sermonis filo insisteret, frustra quædam nucis oculari
 inspectione usurparet, & manibus suis infereret, velut mihi
 quoque spectaculi commoditas non deerat. Atque in hoc
 sermo-

fermonis curriculo *Coenius* petere institit, num frustulenta quædam in usum Generalis *Both*, corradere illi liceret, quod aulico ritu accompletè præstabat, quo audito in habitum ridiculi furoris versus Pangoranus, fragmina ea ex manibus *Coenii* eruebat; responsum interim bucca follicante supplens, supercilio nubilo & in rugas caperata fronte, foelicitatis & favoris affatim esse, tantam majestatem Cocci, oculis peragrari posse. Absonum insuper videri mendicando inde aliquid extorquere velle. Ad quæ *Cl. Coenius* verbis benè digestis reponerat non proprii commodi se oratorem esse, sed petitionis suæ cardinem in eo versari, ut Generali *Bothio* doni gratiam faceret, qui vir præcellentia celebris, & velut ipse Princeps famâ accepit, jam in præcinctu est in patriam reversurus; & proinde doni istius magnum meritum illi fore. Quæ omnia Pangoranum adeo non ad liberaliorem habitum perducebant, ut responsi vicem præberet, in procaciam verbis adaptatis, Coccum Maldivensem ejus pretii, apud Reges & Principes, non minorum gentium Generales diverti debere. Quo responso mirificè genio suo litabat, postquam intra Belgarum & Anglorum apud Bantamenfes moram, oraculi instar sanciverat, ne quis generales aut alterius ordinis Rectores utriusque nationis, inter Principes & Aulicos ministros numeraret; quod Mercurio vota facerent & lucri cupiditate turgerent, eosque viliori respectu & spretu majori semper dignatus est, quam territorii sui Dynastas & Inquilinos, quorum curæ circa Principum & Regni negotia limitarentur. Quibus ita decursis Pangoranus ritus suos in aliam faciem mutare occæpit, Cocci Mald. frustra seponens, nosque ad auditorium suum expeditionis ergò admittens, nulla ratione se induci passus, ut tantillum Cocci Mald. Generali *Both* admetiretur. Quæ omnia domum reduci *Coenio*, recensendi occasionem præstabant, ut de dignitate Cocci Maldivensis & aviditate Pangorani colloquium texens in cachinnos genas laxaret. Tam ra-

ram Cocci Mald. dignationem ex Pangorano ubi percepissem atque oculari inspectione affecutus essem, quâ sollicitudine cum tantus Princeps versaret & custodiæ suæ traderet, cupiditatem in me & curam ingeneravit Coccus ejus notæ aut saltem taleolas aliquot acquirendi, velut deinceps post bonam temporis mensuram minutula nux Maldivensis ad dominium meum translata est, in totum differentiâ à jam dictâ aberrans; postquam ea anserino ovo major non esset, compagine testæ crassior & scabrosior, nec non ratione proportionis magis extensa in longitudinem, quam in præcedentibus enarratâ. Multoties limâ aliquid abradi & subinde in gelidâ, subinde in calidâ demersi, explorandi industriâ, quæ varietas coloris, odoris aut gustus contra ordinarii Cocci indolē se propalaret, atq; experimento comperi eam simili quâtitate & dosi liquoris, in æquilibrio soliti Cocci, saturatiore Cocci colorem, fragrantius ferientem odorē, & acutioris sensus saporem manifestare, quod cum me interni farctus aut medullæ desiderosum efficeret, nucem meam ad digiti latitudinem in superficie ferrâ detruncavi, quod ipsum non nisi subtili acie & post multos labores effectum dare potui, postquam secundum jam dicta, testa crassa admodum & immensa duritie contumaciâ resisteret. In aperta contra genium & naturam vulgarium Coccorum Medullam albam deprehendi, quæ communi velut lege, testæ coaluit, non dissolvendo penè nexu, qua à calice separata offendi solidam velut medullæ massam, ad paleæ latitudinem à circuitu testæ diffitam, sui quasi juris, ad testæ effigiem conclusam & excitato motu strepere solitam, tanta ariditate refragantem, ut cultro, aut novacula exiguum modò ramentum separare liceret, quod ipsum duritie cum osse certabat; nihilominus aliquales astringentis amatoris vires promebat.

Atque hæc præcipua sunt, quæ tibi V. Cl. de Cocco Maldivensi communicanda novi, hac quidem temporis occasione. Cæterum non mihi deest ampliora de communi Coccorum atque

atque aliarũ palmarum genere participandi, postquam experientia proprio fatu parta talem eorum cognitionem mihi largita est, qualis specierum describendarum modulis necessaria est. Quoniam verò præsens operis tui tractatus de solo Cocco Maldivensi lapidem versat, quicquid reliquum est, in futuram commoditatem differemus. Tuum interim erit eâ cordis propensione jam communicata amplecti quâ tibi oblata sunt. Tuus animo totus I. SPECX.

Scholion, [Tornando se occupabat] Mira naturæ sedulitas in ferinæ propemodum nationis Principe, sed quam cultioris seculi exemplis probabilem reddere licet. Quippe Imperator quoque Rudolphus II. nostrâ ætate Toreutices avidissimus fuisse dicitur, manus suas fabрили opere occupare solitus. Ne quid tamen in mundi senectâ eum morem invaluisse quis arguat, postquam Iulium quoque Cæsarem in ipso orbis poenè natali studium suum tornando detinuisse constat. Vel Suetonio teste qui in ejus vitâ asserit Cæsarem gemmas, theuremata, signa, tabulas operis antiqui semper animosissimè comparasse. Utinam pejus collocatæ operæ nemo rationes reddere cogatur! Quippe otio intervallum largiente plurimi voluptati & Fescenninæ licentiæ se dedicare solent, Aleâ & Fritillo potiores ætatis partem oblimantes, unde tandem res domesticæ franguntur, sanitas labefactatur, honos præscinditur, dum istis frugiferæ manus gloriæ immortalitatem familiæ, & salutis, imò & seculi temperiem parare solent.

CAPUT VIII.

Lucem in tenebris quærere, neque unius, neque plurium simul est negotium, qui quidem vel oculorum caligine laborant, vel mentis acie hebescent. Quod in Botanices Campo exertis indiciis documentum præbet, qui licet fertilitate hilari, & inextricabili copia abundet, humani tamen stuporis


vitio atque intellectus impervio transitu diu neglectus jacuit, imo pedibus variè dispersus est. Antiquorum autem industria coli coëptum Sepiasarii, atque his pejores Monachi, velut irreptione facta radicitus everterunt. Quippe tenebrarum alumni, atque inscitiae propagines, divinorum arcanorum incuriam ad medicinæ lanienam transtulerunt, scilicet in delegato sibi munere inertes, in ascitio atque alieno ingeniosi, si Dīs placet. Tanta vero malè rem gerentium efficacia fuit, ut Europæ, imprimis Italiæ non solum literatos, verùm & Asiæ, Arabiæ, atque Africæ incolas traductionibus iniquis non sine flagitio confundentes, ad quiesquilias suas & gerras pertraxerint. Quam fundi Medici calamitatem nitori solito reddere æquanimi & solido judicio præditi hominis, res est, quique varia per orbem jactatione, linguarum adminicula quibus Botanica sustentatur, & herbatiorum, rerumque naturalium arcana penetravit. Ego autem licet eruditione & ingenio gregalis, pro viribus tamen effectum dabo, ut aliquam pernicipi suæ maculam tam salutaris Scientia deponat. De Coccis verò & Palmarum generibus studium meum brevi intendere voveo, postquam ad illustrandum à probis viris faces mihi prætenfos non diffiteor. Quippe & nostri seculi in communicando liberalitas & superioris non averfanda diligentia, rei Botanice locupletiore me esse volunt. Quos omnes ad inquirendi studium presso vestigio sequi me fateor, ut si non æqualis aliquando, saltem parvo intervalli spatio ab ijs avellar. Quod effutitione in audaciam laxatâ à me dictum qui putabit, candoris nostri patrociniò adductus, boni interpretis habitu, excipere debet. Neque enim eruditioni meæ, quæ tenellas dotes habet, palpum facio, sed diligentiae merita apud strenuos quoscunque ad abbacum vocare non erubesco. Hac sola ordinem aliquem tueri me invenient, qui Herbariæ quoque Rei notitiam jam longa temporis serie partam apud me vigere non ignorant. Neque plura in accessum aut augmen-

augmentum convasare libet, ne operi nostro brevitās consecrata, verborum abundantia in Pandectas aut longitudinem immensam evagetur. Rem vero negotij & difficultatis plenam propensa animi alacritate decurrere statui, quæ una multorum laborum exantlatrix esse solet. Si tamen proprijs ingenij viribus succumbam, ad eruditorum virorum scripta confugiens pedamentū mihi præbebo. His quoque alibi defectum suum quiritantibus, ad Exoticorū thesaurum à me receptus fiet, quem proprio Marte ex scriptis & quandoq; colluvie (ut ita dicā) Autorum corrado, ut mihi & posthumis subsidij loco servire possit. Quippe ex umbris domesticis in clarā cœli lucem aliquando exauspicabit, modo pari vitæ & sanitatis beneficio frui nobis dabitur. Quod D.O.M. largiri nobis dignetur, ut quæ verbis hæctenus fucata apparent, in veram operis effigiem perducī possint.

Quemadmodum nihil efficacius aut probabilius docet, quam Eicones ad res propositas adhibere, ita omninō necessarium duxi nostrę huic Medicę nuci quinque tabellis fidem & auctoritatem asserere, quod verbis non satis convenienter fieri potuit. Ex libris enim solis neminem aut Anatomicum aut Botanicum insignem devenisse constat. Quia autem oculi ministerium quod ingenii acumine & præcellentia dirigitur, pictorem subinde facit, nunquam reiiciendi videntur, qui in utroque officio præstiterunt, scilicet rem verbis dilucidatam figuris exprimentes; postquam velut mutuum muli scabunt, ita oculus exterior internam mentis aciem illustrare solet. Quippe Scaligero patre Autore, Exerc. 75. Sect. 2. *Imaginerum nihil agit præter impressionem in sensus vel exteriores vel interiores, ad cognitionem. Quę impressio nisi facta est, otiosam figurę ostentationem dicere licet. Ait enim paulo ante, Quippe imagines, species, representationes, à motū specie omnes abeunt: nisi quæ in sensibus recipiuntur. Sunt enim horum picturæ, illæ.*

Q Vandoquidem capite quarto nucis Medicæ divisionem in partes, quibus facies diversæ figurantur, præfatus fui; non inconcinnum judicavi, postquam ad vivum delineatas tabellis offerre licuit, paucula notatu necessaria depromere, quod plus lucis afferatur.


A



A litera denotat geminam nucem quam Thalassiarachæ Wolphardi munere tota affinitas possidet; cujus eiconem præmi-


premissimus, amissitate eam exprimentem, sed eâ cautione, ut sculptori aliquid condonandum sit, postquam pictura minus bene elaborata cœlaturæ naturalis imaginem non expressit: quod jam in minoribus formulis paulo melius est præstitum. Hæc itaque figura nucis Maldivensis, non obliquè intuenti, sed è directo introspicienti & manibus contentæ visuique oppositæ duplicatæ pyxidi comparanda venit, usibusque effusionis propter rimas & hiatus inepta.

B.



B. Sessilem & summam partem exhibet, quæ sensim declinat in modum interfeminei, facie oculis pudicis aspicienti
 E horri-

C



horridâ &c. Hanc etsi æqualiter per latus alterutrus divisam exhibeo, nihilominus, ne lectoris animo dubium aliquod offeratur, monendus est, beneficio sectionis, quæ ferrâ facta est in præcedente A, extrema orificia conjungi B. pro punctulorum ordine à nobis in circuitu posito; & partibus resectis extimis, nos integram nucem oblaturus. Consideratis tantum tribus; nempe partis summæ acuminatoris præsertim habendam esse rationem, in cujus basi apertura est, paulò ante a me dicta, quæ sedes est germinis seu gemmæ, quam podici non iniquè accomparavi. Dein Spiracula duo consideranda esse lateraliter in parte hâc punctulis annotatæ & supremâ regione

regione locata, quæ cæteris paribus magnitudine etiam non superant vulgarium Coccorum spiracula. Ea ad scyphum consolidandum obturantur, quod videre est in minore Cymbio Maldivensi honestissimi Mercatoris Samuelis de Bendana, qui duo possidet ab artifice quondam Antwerpensi, argento affabre investita. Tertium verò non est prætereundum, in integrâ Maldivensi nuce, colliculum quasi Veneris, fæmineæ pubis faciem dextrè æmulari, quæ ferræ molimine transfadacta deperditur.

C. Litera Gibbam monstrat partem, ceu fæmoralia postica videas, quæ clunibus turgent. In hac facie nihil consideratione dignum occurrit, præterquam quod in acuminatiorem se erigat partem, quâ

D



supremam nuncupamus & incisionem breviorē ut plurimum ostendat, alterâ infernâ obtusiore & latiore, cum curvaturâ circa basim fructus, renemque humanum exprimente.

D. Litera dimidiatum Coccum ad scyphi usum omnibus numeris concinnum ostendit parte sinistrâ, cui si jungatur dextra, apprimè referunt par Calceorum rusticorum è faginâ materia, *id est* ten præc Hülsten of Clompen.

E. Litera, dat spectantibus dimidiatum putamen inver-
sum.

E



C A P U T X.

HIS ita in praeliminari operis dispositis, auctoritates quo-
que alias velut in depositum addere non vanum judi-
co. Garciae praesertim ab Horto & aliorum Medicorum sen-
tentiae non praeterlegendae, quae ejus roboris Clarissimo Clusio
visae sunt ut eas in Latium ex Lusitanâ linguâ transferre non
subterfugerit. Quas ipsissimis CLUSII verbis repraesentare
operae pretium est, ne interpolando, aut mutando alienae di-
ligentiae

ligentiae fraus fiat aut publico usui aliquid derogetur, dum verborum, ut ita dicam, foliis attenta mens insenescit.

Garçias apud Clusium pagina 190.

Laudatur hic Coccus aut Nux (sed præfertim ejus medulla) “
adversus venena ab ipsis earum incolis. Et a viris fide dignis “
accepi, ad Coli dolores, Paralyfim, Epilepsiam aliosque ner- “
vorum affectus se utilem sensisse: a coli quidem doloribus, “
quod vomitum excitaret, ab aliis vero ægritudinibus im- “
munes reddi ægros, si aquam in iis nucibus (adjecto medul- “
læ momento) aliquamdiu conservatam ebiberent. Sed cum “
non sim id expertus, minus fidei his tribuo. Nullam autem “
periculum faciendi, occasionem habui, quod uti malim me- “
dicamentis, quorum facultates jam mihi perspectæ, & multâ “
experientiâ comprobatae sunt: qualia Lapis Bezar, Theria- “
ca, Smaragdi, Terra sigillata, & alia pleraque Medicamen- “
ta (de quibus suo loco) quam recentibus, minusque certis. “
Nam quod nonnulli dicant, se hujus usu commodum sensis- “
se, an id persuasione & imaginatione factum sit ignoro hinc “
fit, ut nihil affirmare possim. Sed si quid certius cum tem- “
pore exquisivero, sententiam revocare non pudebit. Niger “
est autem hujus Cocci cortex, & nitidior vulgari Cocco, fi- “
gura ovali magna ex parte, nec ita rotunda ut vulgaris, me- “
dulla sive pulpa interior, quæ ficcata dura est admodum & “
candida, non nihil tamen ad pallorem inclinans, in superfi- “
cie rimosa est & valdè porosa, nullo sapore excellens. Do- “
sis vero est hujus medullæ ad grana decem cum vino aut a- “
quâ, pro morbi ratione & naturâ. Inveniuntur autem hi “
Cocci grandes admodum, interdum etiam exigui, omnes “
autem in littus ejecti. Vulgari porro famâ accepimus, in- “
fulas Maldivas aliquando continentem fuisse, sed inanda- “
tione maris submersas has insulas effecisse, in quibus obru- “
tæ palmæ fuerint, quæ hos Cocco prorulissent, qui terrâ in- “
durati, in hunc modum conspiciuntur. Sintne verò ejusdem ge- “

"neris cum nostris, facile judicari non potest, cum hætenus
 "nemo folia aut arboris truncum videre potuerit; sed soli
 "Cocci in littus eijciantur nunc bini conjunctim, nonnun-
 "quam verò singuli separatim. Sed hos nemini colligere li-
 "cet, nisi cum capitis periculo; quoniam Regis esse asserunt
 "quidquid è mari in littus eijcitur; quæ res majorem aucto-
 "ritatem huic nuci conciliavit. Eximitur autem ex his Coc-
 "cis pulpa sive medulla, deinde exsiccatur eadem ratione quâ
 "copra, atque indurefcit eo, quo venditur, modo: diceres
 "esse caseum ovillum. *Ad hæc verba Clusius adnectit*, Vidi-
 "mus tum Ulissoponæ, tam alijs in locis vascula ex Cocco
 "de Maldiva confecta, oblongiora plerunque ijs, quæ ex vul-
 "gari Cocco parantur, magisque nigra & nitida. Quinimo
 "ipsam medullam Nucis siccatam Ulissoponæ venalem repe-
 "rire licet, cujus facultates mirificè extollunt, atque omni-
 "bus fere alexipharmacis præferunt, ob quam causam ingens
 "ejus pretium. Quam vero parum fidei sit adhibendum hu-
 "jusmodi fabulosis & commentitijs facultatibus, ex nostro
 "Autore satis liquet.

Refert porro Clusius historiam vasis ex Cocco Maldivensi con-
fecti & argento inclusi, quod Iacobo Gareto acceptum ferebat.
 "Magnitudine (inquit) illud superabat reliqua vascula ex si-
 "mili Cocco confecta; repertum erat in prætoria illa navi
 "M. D. XCII. ab Anglis occupatâ: longum erat uncias qua-
 "tuor & decem, latum septem, ovalis internâ parte figuræ,
 "supernâ paulo planioris, latere dextro magis rotundum &
 "tumens, externâ parti calcei pedi inducti penè instar. Color
 "qualis in Cocco vulgari lævigato & expolito.

Christophorus à Costa apud eundem Clusium, Fol. 270.

"Coccus de Nalediva (ita quibusdam dicere placuit) cog-
 "nominatus adeo commendatus ab ipsis incolis & a Malaba-
 "rensibus, non modo à plebe, sed à Regibus & Principibus
 "viris, ut in omni fere morborum genere ad eam confugiant,
 tanquam

tanquam ad sacram anchoram. Fiunt in eam gratiam ex illo pocula quæ auro vel argento excipiuntur, & in navium triremiumque figuram efformantur, ad aquam bibendam, in quâ ex catenula, medullæ ipsius cocci fragmentum pendere sinunt: sibi que certò persuadent, illis qui aquam ex similibus poculis hauriunt, nullum venenum nocere posse, futurosque immunes à multis morbis; in quos sanè memini multos incidere qui ex ijs poculis bibere soliti erant. Et licet omnem diligentiam adhibuerim, nunquam tamen obfervare potui, similia pocula aliquem ex morbis curare, ad quos utilia esse creduntur: potius igitur arbitror tantam laudem obtinuisse à vulgi opinione.

Nonnulli ex hujusmodi vasculis bibere soliti mihi affirmarunt sese experientia didicisse jecur incendi, renes noxam contrahere, & calculum generari: nihilominus tamen magnum est eorum pretium, longèque pluris æstimantur ijs locis ubi inveniuntur quam alijs procul inde dissitis: nam interdum ejusmodi nuces nudæ, neque auro aut argento exornatæ quinquaginta aut amplius nummis aureis æstimantur. Nigrior autem, nitidior, longior, majorque est hic Coccus, quam aliæ nuces Cocci communis.

Haftenus *Christophorus à Costa* qui potiore commenti sui partem ex *Garcia aromataria* historia deprompsit, quod facili oculorum transfennâ animadvertendum, qui *Palmae Indicæ* descriptiones ab utroque editas conferre dignabuntur, sed neque heterogenea scripserunt quotquot calami operâ in hac arbore defudarunt; in quorum choro *Martinus Ignatius* ordine *Franciscanus* non postremas occupat, qui in tertiâ historiae *Sinensium* seu *Itinerarij novi orbis* parte capite octavo hæc non perfunctoriè tradit. *Ioannes autem Hugo Linscotanus* Folio exemplaris nostri 17. 18. Cap. 13. eodem mutui privilegio hæc ad se derivavit; ibidem promittens nucis *Medicæ* arborem integrâ historiâ enarrare in quo tamen velut

corvos

corvos hiantes nos eludit; vulgarem verò pertractatè decurrit, subsidis in hanc mentem non excussus. Sed neque a more meo alienum est scriptis mutuatis opellam meam ditare, cum ne ipse quidem *Iulius Cæsar* gregarios milites ad rei certitudinem vocare non erubuit, frustra *Afinio Pollione* Imperatoris studium criminante. Rivulis enim ex *Françisco Pyrard de Laval* ad me ductis omnia ea digessi, quæ capitis secundi & tertii confiniis detinentur, sed idiomatis Gallici veste in Latini sermonis habitum mutatâ; velut neque oscitando præterlabi passus sum, quibus insularum spatiis, quove limite, ea nucis colligendæ messis fieri soleat, non dimissâ coeli temperie & soli dotibus, magnam in genio describendo laudem sibi, arrogare solitis; ubi de earundem Insularum latitudine (quæ poli elevationem adæquat) fermocinamur, eodemque filo dispositionis efficaciam ad plantas, fructus, flores promanantem, detexere libuit. Nucum vero legendarum artificia, aut piscandi modum neglectum jacere permisi, in qua serie, anni quoque tempestas ordinem suum non invenit, velut extimæ quoque faciei delineatio penicillo nostro caret, si quâ integatur ut vulgaris. Inquisitione vero sua dignatus sum, an Medicæ Nucis gemini semper alvei à coesurâ circumactâ, ut in Basilica seu Iuglande. De reliquis in fidei tutelam mussitabundus sedere malui, quam otiosa proferre, quæ ipsis forte indigenis non obvia, aut investigationis labori tam in aviis sita terra, difficultatem afflare solent. Hoc mihi liquido constare fateor, nucis Maldivensis exemplo adductus, aliam aliarum esse formam, quippe nostra (cujus in præfatione ad Lectorem memini) summis labiis argento recipiendo sedem præbuit, in circumactum crusta ducta, pro vasis figura. Wolfardiana autem ferræ spatium cum injuria fuisset passa; quare duplicatæ tantum capsulæ pronam habilitatem aptavit, quarum custodia Betel, Calx ossium, Siri, Pinang, Arecca &c. quorum apud Indos usus Masticatorii vicem

cem præbet ab aeris injuria vindicantur; velut his claustris Ambra Grisea a fordibus libera asservatur. Quanta verò nunc capedo sit, ex Linscotani sedulitate cognoscere licet, qui ad Regem Hispaniarum deferendas, duarum circiter amphorarum capaces fuisse ait, sed in dimidiatis tantum eam mensuræ rationem probabilem videri, postquam integrarum circuitu duplam liquoris condi posse asseverat, simili dimenso imo largius excurrente, nostra celebratur. Eam verò Gemmis (quæ ad usus diversos salutiferæ vocari solent) adornatam volui; quarum pars mobili aptitudine necessitati urgenti inservire valet, utpote Nephritico & Carneolo lapidibus, pars in cera radicem agens aut firmiter inserta argento translatitia fieri pernegat. Ut autem varietatis illicio indulgerem vicenis speciebus imò pluribus copiam eam distinxi, in quibus splendoris gratia non vulgaris & suas delitias oculi curiosi invenire gaudent. Cymbium vero ea forma edolatum est, ab Artifice ingeniosissimo *Hermanno Martens* argentifabro & cive Amsterodamensi, ut inter avem & piscem medium animal referat. Glossopetra etiam linguam exertam animalis mentiens, obfirmat epistomium, quod in effundendo liquore intrò recepto aperitur. Rhinocerotis autem affabrè elaboratum cornu, operimenti claudentis vasis aut Cymbii insuper & vitri excipuli effundendum & ebibendum liquorem locum dat: Ita Philothesejas & Jatrices poculum habes. Hactenus nucem nostram medicam enucleavimus, ea in fronte operis congerentes quæ necessitas & filum rei exigere videbantur, nunc in posticam reliqua trahere libet, sine quibus tractatum mutilari contingeret; quare silendo non decoquentur.

CAPUT XI.

PUtaminis rasura & pulvisculus concinuatus nulla saporis idea insignitur, dum linguæ vehiculum, deglutienti transitum præbet, neque odoris ullam speciem naso admotus imprimit, sed neque ventriculo exceptus nausæ occasionem ulla qualitatis repugnantia irritat, nullo vomitus incitabulo infestus, neque alvum astringendo sistens. Quæ omnia non tantū fide ab aliis mutuata affirmantur, sed domestico etiam in me exemplo auctoritatem invenerunt. Quod cum veniæ præfatione *Ch. a Costâ & Cl. Clusio* dictum volo; qui rem malè perpendentes justo rationis æquilibrio non inserviant. Veritas enim hoc solo, velut dictatore, enucleatissima prodit, dum experimentorum indago menti tenebras involuit. Nux vero nostra incertæ fidei testimonium præbet, quod prumptuariis alienis rarissimo usu inferatur, apud paucos duntaxat in orbe Europeo reperiri assuetæ, ut infrequens effecti exploratio sit, & si maximè ad usum manus transeat, mentis humanæ caligine difficilis ad veritatem accessus detur.

Color autem putaminis Maldivensis natura sua ater est, & non absimilis Ebena. Vulgaris autem tincturâ & ætate ater redditur & pulligine tantū levi aspicientium oculos detinet.

Liquorem vero putamini committere alieni arbitrii rem facio; velut neque hoc præmanso opus habet, quo temporis intervallo scyphum obturare deceat, quoque loci calore an frigore conservandus veniat, postquam liberam unicuique ex re nata iudicii assertionem facio. Neque enim periculosa indago est, postquam præter unam siccitatis notam, nihil sensui obiicit, quod saporis ingratitudine Naturam aut gustum offendat, frigiditatis enim temperamento ab excessu immoderatō avellitur; etsi suæ quoque caloris particulæ adhæreant, ita Elementis inter se commissis, ut fida substantiæ per-

manea-

manentia reddatur. Quod exemplo vasculorum & doliolorum quorundam, & medicamentosis cornibus levi opera probare licet. Ex Thamarisci præsertim ligno & corticibus fabricata fidem indubitata faciunt à multis usque seculis veritati nihil detractum esse. Quippe ne in continuo quidem usu doliola ea nativam virtutem exuunt, operi suo jugiter studiosâ naturâ. Quod Medicinam factitanti experientiæ adminiculum præbere potest, postquam scyphulus ex Antimonio arte Chymicâ factus neutiquam suæ energiæ dotes deponat, ut ut frequens ejus administratio sit. In nuce autem nostrâ clarum documentum erit, quæ non minorem leptomeriæ gustusue gratiam habet, quam Thamariscus, qui roborando, atque referando, aliisque modis strenuus esse solet. In toto autem Naturæ opere multa sensibus obvia, rationi occulta sunt, quæ deinde usu adhibito velut splendescere consueverunt. Quare Medici rationalis munus est, abditas qualitates non reiicere, quas conservandæ vitæ & pellendis morbis utibiles esse multorum salus declarat.

Superest Medullæ quoque effecta & virtutes incomparabiles enarrentur. Quippe non solitaria tantum sed aliis etiam simplicibus admista, valenter se exerit. Hæc corneâ duritiæ limam respuit, sed cultro internæ parti adacta & mallei percussu fissa, mortario & pistillo ferreo in pollinem redigitur, qui αἰόμυϑος καὶ ἀμύϑος. I. Inodorus & insipidus est, non secus ac Lapis Bezoar Occidentalis, cui striis, minus tamen visibilibus, & colore affinis est. Ouilli autem casei crustæ veteri assimulanda videtur, cujus pars interna rimosa visitur, externa quâ parietibus Cocci interius adhæsit, soliditatis firmæ, interventu corticis intermediarii stabilita, à quo spano aut noctuino afficitur colore extrinsecè; materiâ albida cum dentium humanorum duritiæ certans. Pulvis nullum molestiæ comitatum habet, cum assumitur. In actum verò à calore & succis ventriculi velut fermentando dissolutâ substan-

tiâ perducitur atque ea operis efficacia est, ut fidem requiranti sufficere queat.

Hinc ad integumentum internum, seu corticem intermedium transitus fiat; Qui oculorum arbitrio in Capsis meis tenellum se declarat; coloris ferruginei aut spani (morem nostratibus dicti) instar corii hircini in calceorum usu crassus, fibris quibusdam à centro aut umbilico ad convexa superficiei exteriora variegatim distinctis præditus, velut à Jocinore venæ & à Corde arteriæ ad omnia humani corporis membra derivantur. Hic autem è crassioribus partibus contextus videtur, sapore (quem Græci *ἀπὸν τῆς γεύσεως* vocant) ignavè subastringens. Intra mandendum non se colligit & conglobatur, sed per universam linguæ capacitatem se spargit. Quorum omnium consensu & suffragiis facilis deductio est, quâ temperie vigoretur, & quam Indolis habilitatem fortitus sit.

Gemmæ porro seu germinis Historiam in Aphorismis CI. *Realii* & scholiis nostris digestam reperies; quæ eo manus libramento à me conscripta fateor, ut publico usui prodessem, non inani verborum ostentatione turgerem, modum servans, ut potius infra rem quam supra, astrictius quam effusius dicere videar. Quid enim me moveret corticosum aut villosum integumentum, uti nucis vulgaris est, in Maldiveni nostrâ fingere, cum fortè eâ destituta reperiatur? ita non excessisse, sed potius non implexisse materiam dici malui, nec aliis scribendi post me ansam præripere; imò sententiam meliora edoctus revocare non pigebit. Hæc quantum per mediocritatem nostram licuit, Rei Medicæ & Naturæ studiosis strictim delibasse sufficiant. Gemmarum porrò Nucis Ind. Vulg. in lapillos conversarum varietatem, ornatissimus Vir D. Sam. Blommert amicis requirentibus ostendere sataget.

CAPUT XII.

QUandoquidem Opusculum hoc absque Historiis non legendum est, observationes & experientias nostras ad firmandum institutum adscribo, à Collegis enim meis subinde rogor, ut præter ea, quæ à Garcîâ recitantur, generatim, alia experimenta peculiariora aliquot, in quibus ægritudinis & curationis series singulatim consistit, explicarem; quo non modò quanta in hujusmodi præsidio vis & potestas insit, ipsis innotescat, verum etiam utendi modus, tempus & alia id genus. Horum igitur rogatu, nutu, autoritate & consilio paucos ægritudinum casus subjungere haud gravabor. Qui vero infra scriptas perpeffi sunt, affectiones eorum pars adhuc supersunt & fidei indubitatum testimonium dabunt. Interim ne præter ordinem videar agere, ad *ἡθέρεια* respicio ut ritè judicem: quæ sunt *Experientia* quâ Epicurus atque Empirici eam solam sequentes, nitebantur: præterea *Ratio*, cui Academicorum princeps Aristoteles tantum tribuebat, ut nunquam ab ea secedere visus sit, sed cum Galeno ut rationem non despiciendam, sic neque experientiam dimittendam dixerit. Quare (ut ad pensum redeam) exemplis aliquot proferam eas ægrorum Historias, apud quos nulla humorum præparatio, evacuatio, aut venæ sectio &c. locum habere potuit; utpote veneno manifesto affectis, serius Medicina paratur: nec non ægrorum quorundam quibus & venę sectionem administrare, aut lenientis, aut solventis usu, humorales dictas ægritudines blandè per alvum educendo lenire & solvere conatus semper sum, inducias nactus. Neque enim unquam vomitus a veneni pravitate, aut morbi divini excitus ferociâ, impediendus venit, quo Naturę beneficio fortè Medicamentum, tamque nobile Alexiterium impar resistendo & corrigendo posset esse. Tepidam vero, oleum amygdalinum. Lac,

vinum, præbium aut dosim Cocci nostri antecedentia, concedo; & licet semel exhibitum non fungatur suo munere, bonâ merite ut constantissimo patrono munitus, repeto eadem, subinde paulò mutata; neque sexus, ætatis aut virium multam rationem habeo, cum in dosi non peccetur, quæ Exempli gratia sit à dimidiâ dragmâ ad integram aut scrupulos quatuor in appropriato liquore.

I. *Lucas à Salingen* esu jocinoris piscis Afelli, quod inter devorandum fetore quodam fauces illius obsederat, in dubium venit, num patella quâ uxor fuisset usa in excoquendo eo, nova esset. Paulo enim ante pulticulam, muribus interficiendis adparari jusserat. Is solo pectore (quod mirum & nunquam mihi ante conspectum) extemplò adeo intumuerat, ut crepaturæ vel dislosionis periculum videretur præsens, & intoxicatus præ difficultate respirationis subinde animo pænè deficeret, pulsu variè agitato, sicuti thorax solus styctoles & diastoles motibus cum livore faciei & totius pectoris mortem violentam minaretur. Ab hoc vocatus, etsi invifendi munus non absolveram, rei tamen certitudinem ex relatu filii cum haberem, confugi ad rasuram quam ex interna parte nostræ nucis inter poliendum usibus medicis reservâram. Eique 3^{ss} pondus, ad oculi (quod vocant) dimensionem cum Hispanici vini haustulo, præ festinatione, exhibui: moxque domum me contuli, cum viderem ægrum cirra nauseam ventriculi aut vomitum paulatim ad se redire. Præscripsi Enema commune malacticum cum acumine salis gemmæ, statim iniiciendum; quod cum recusaret se fluidam habere aluum dicens, exhiberi jussi haustulum ex majore dosi corticis seu Cocci & ipsius etiam medullæ momento. Exempli gratia.

℞ Rasuræ Cocci ʒ ij. Medullæ ejusdem ʒ j. quibus in pollinem subtilissimum redactis, adde syrupi ex multiplici infusione florum Caryophyllæorum seu Tunicæ hortensis (quem tunc forte fortuna præ manibus habebamus) ʒ j. aq. Melissæ

ʒ j. ^{ss}

℥. j. ℞. Cinnamomæ ℥ iij. F. Haustulus. Eo assumpto convalescere cœpit, statim post bihorii spatium, quo præ fatigatione & corporis agitatione incredibili quiete & somno supervenientibus integrè restitueretur.

II. Non vereor altâ voce, & explanatâ oratione prædicare historiam secundam, in *filia Tibicinis & Musici magistratus Amsterdamsis, Magistri Cornelii* oblatam.

Hæc arsenici intoxicatione variè se jactans, symptomatibus huic veneno consuetis affici cœpit. Mater ad me cucurrit quærula quod citra notitiam filiæ arsenici aliquantillum gliribus interficiendis alicui farinæ portioni commistum, filię ad manus venisset; quæ pro more virginum picâ symptomate depravatę ac vitiosę appetentię laborantium, lambendo avidâ linguâ tertiam quasi partem absorpserat : Ilico ad olei amygdalini recenter expressi uncia unius dosim confluxi, cum syrupi violati sesquiuncia & duabus aquæ melissæ stillatitiæ : Quam potionem ubi vomitu rejecisset post horam assumptionis, & statim alvo turbata laboraret, ilico sub manu consilium capiens propinavi. ℞ Rasuræ nuclei, & medullæ ejusdem Cocci Maldivensis an. ℥[℞] Syr. ex infusione multiplici violarum ℥ j. aque buglosse q. s. F. Potiuncula. Huic post horam subsequenter denuo exhibui. ℞ Medullæ nucis nostrę Medicę ℥[℞] Syrupi de Mentha ℥ j. olei amygdalarum rec. expressi ℥[℞] aque Cinnamomi ℥ iij. aq. rosarum ℥[℞] F. brevis Potiuncula. Quâ cordi, ventriculo, intestinis & simul aluo satisfactum judicavi, cum nullum grave symptoma sequeretur; fuitque restituta citra foedam macularum eruptionem, juvante D. O. M.

Exempla autē eorum in quibus est ἀδόνει τοῦς. I. mens perversa, quæ non regitur luce & affectu temperato, ceu Satanae mancipia præterire malui, quod tristis ut plurimum eventus eos sequatur, licet quibusdam ex consternatione animi & culpe erga Deum immortalem verâ recognitione prosper extiterit;

terit; quia cum studium internecandi sese adfuit, nominum eorundem innominatæ plebis nullam mentionem facere proposui, licet major pars sanitatem recuperarit, non sine macularum foedarum impressione & reliquiis, quod ab auri-pigmento. I. Arsenico luteo assumpto ad sex mensium fermè spatium miseros occupavit.

III. *Custojour Eques Lemovix* Regis Galliarum & Reginae Matris nomine in Belgio Legatus anno 1625. ob Colicam passionem à bile gravissimis symptomatibus conflictatus, frigidam præ siti fermè inextinguibili ingurgitare avebat; quod cum recusarem, sese hydropotam naturæ sympathiâ & usus frequentiâ declaravit. Præmissis itaque enemate, & quæ ejus generis morbus requirebat; aquam putealem (cum fontana deficeret, cui potus generi à tenerâ ætate assuetus fuerat) voluit sibi porrigi: Nobis vero, Experientissimo nimirum Medico D. *Iosepho Bueno* Lusitanæ nationis, & mihi in mentem venit Ægrum jugiter visitantibus, potabilem aquam Coctam frigidamque è nuce nostrâ Maldivensi propinare dantes consuetudini & ætati, secundum dogma Hippocraticum quantum per artem licet. Quo facto sanitatem adeptus est doloribus atrocissimis fugatis, & à Mordexi. I. torminum morsibus liber factus.

IV. *Idem Eques* capitis pertinacissimo dolore infestatus anno 1626. post provisionem ab indicatione factam, clystere & sanguinis detractione usus nostro consilio, ex Medicâ nuce manum quasi Dei poëoniam præstolatus est. Cui insuper syrupum è cochleari deglutiendum præscripsimus.

℞ Syrnpi de succo bethonica ꝑ iiiij. pulv. Medullæ & Nuclei Maldivēs. ana ꝑ j. ℞. Mixtio pro sex dosibus biduo absorbendis. Cæphalæâ in exilium ablegatâ & ophthalmiâ quæ ut gravissimum symptoma, lucem diei aut candelæ ferre eum non permittebat, præ gaudio, saltu, & cantu Gallorum juvenum more, animi alacritatē recuperatâ sanitate manifestavit.

V. Deni-

V. Denique anno 1627. veris initio, idem *noſter Heros* ex multijugo & infatiabili eſu fragorum frigidâ aſperforum cum ſacchari pulvere, nihil vini in temperamentum admiscens, ventriculi tonum ad atoniam omnimodam deduxit, & monitis noſtris haud obſecundanti, toto habitu mutato cachexia pituitoſa ſubſequuta eſt, atque ita temperamento qui fuerat ſanguineo præditus in hydropem mediante cachexia, curabilem quidem, incidit. Tandem ad ſacram Anchoram ſeu ſcyphum noſtrum confugere, ut liberaliter potare poſſet, voluit; quod veriti, ne bibendo ſibi officeret, recuſavimus. Æger interim impatiens, nobis valedictis, æſtatem morbi ſui curatricem fore exiſtimavit. Interea vini uſum & potum dubiâ adhuc & creperâ valetudine ſupra omnem modum aggreſſus eſt, & tremoribus convulſivis, paralyſeosque prodromis imprimis Hæmiplagiâ affectus eſt; tandem Epilepticis inſultibus fermè quovis momento percuffus in terram, proſternebatur. Convocatus denuo, desperatis licet rebus, deveni ad Elleboriſmum, ex Ellebori nigri veri totâ plantâ chymicè apparatus, conſentiente ornatiffimo Doctiffimoque D. *Theodoro Schuttio* Amesfortii Medico Practico; nec non magiſtralia ex Maldivenſi noſtra Nuce propinavi; quæ ante Epilogum hitoriis recitatis aliquot, ſubjungo. His præſtitis omnibus, prorsus in integrum reſtitutus fuit.

VI. Æger quondam meus *Tongerloo* P. M. Cives Amſterodamenſis, dum decumberet & febre laboraret acuta, obtulit mihi intermediî corticis ſeu integumenti interni cruſtacea aliquot fruſtula, voluitque eorum dragmæ pondus apud Pharmacopœum potioni ſudorificæ Theriacali a me præſcribendæ immiſceri. Id quod ego iniquius ferens, cum mihi ignotam prorsus rem obtruderet, medicamentum pro rei exigentiâ exhibenti, reſpondi, me non induci poſſe ut admittam hunc medianum & intermedium corticem, quin alicujus in Medicâ facultate præſtantis practici auctoritatē afferret:

retulit salutarem semper eventum fuisse in febribus acutissimis, quibus laborarat, cum in Indiâ Orientali degeret, & imprimis in difficultate partus esse Indis foeminis probatissimū. Interim impulsus seriis monitis curavi quod postulavit, & foeliciter miti paroxysmo, febris terminavit, & me maiore parte corticis superstitite donavit; quâ misellis parturientibus, (senis ad minus) opem subinde tuli, cum Creatoris summi laudibus. Huc spectant exempla duo ornatissimi ac doctissimi *Ioannis à Grol* M.D. & Collegæ nostri, quæ reticere non volui, & ita se habent.

VII. *Bernhardi à Lunnickhuysen* aurifabri honestissima uxor in plateâ vitulinâ, cum triduo parturiendi doloribus cruciaretur, & fermè totam viciniam clamoribus impleret, exhibitis exhibendis, nihilque proficientibus, ab assumptâ Cocci Maldivensis Medullæ semidragmâ exsyropo & aquâ *Arthemisiæ* exhibitâ, foelicissimè peperit.

VIII. Ejusdem Nucis rasura eodem modo propinata mirum in modum acceleravit *Anne Guilielmi* filiæ *Ioannis Calcearii* uxori exclusionem demortui foetus: huic ab Obstetrice imprimis, dein à nobis post exhibita varia & admota incassum, perseverantibus gravissimis symptomatibus à febre ortis, tandem ad salutarem hanc Panacæam Maldivensem confugimus. Et brevissimo intervallo foetum in utero materno extinctum Natura exclusit, quem magno cum gaudio excepit obstetrix.

IX. In eadem vicinia uxor *Georgii Nauwingii* Acupictoris, viri humanissimi & perquam industrii ipsis Maij Kalendis me vocari iussit, voluitque sibi è Cocco Maldivensi Medicinam apparari, mota foelicibus successibus agrè parturientium vicinarum, quibus affuerat cum Collega meus Medicinam Maldivicam administraret. Verum tridui spatio elapso ruptis membranis ichorosus succus excussus erat, atque fæminei foetus *παιμίστρον* foras exceptum ad necrosim perductum non
fine

sine maximis angustiiis annosiore puerperam ad mortis limen vocarat papaverculo jugiter fermè muliebria foedante. Ego rogavi obstetricem num aliquid ab illa præstitum aut exhibitum esset, quæ animo ferme deficiens, aiebat sese spem in anchorâ salutarî Maldivensi locasse, neque aliud apud illam superesse parturitionis votum, cum triduo fœtus certò certius extinctus & præter naturam situs videretur. Venimus ad haustulum hunc post anxietatibus turbatam alvum liberalissimè, bonis avibus: exhibentes. \mathcal{R} Putaminis & Medullæ Mald. utriusque \mathfrak{z} ss Diafcardii Fracastorii \mathfrak{z} ij. aq. Cinnamomi \mathfrak{z} iij. Borracis & Trochiscorum de Myrrha ana \mathfrak{z} j. f. cum aq. foeniculi. Potionem hanc ad duas doses præscriptam Ægra moræ fastidio impatiens facta, unâ dosi assumfit, & forti animo præter expectatum enixa est, demortuum infantem, grandem decem ad minus librarum pondere, una cum puerperalibus: & gavisâ maximoperè cum laudibus Magni Parentis, qui tantarum virium advenam Maldivicum donasset.

X. Illustrissimus *Princeps de Guiminet Ducis de Monbason* filius, Amsterodami anno 1625. æstate mediâ incidit in dysenteriam, quâ miserrimè excruciabatur. Ego primus vocatus præstiti, quæ ars & res postulabant, quatuor deinde convocati Medici sunt, quibus ab Amicis in tanto morbi furore persona illustris, pro justissimis meritis commendata erat; quod etiam illustris *Mauritii Principis* cura effectum, cui consanguinitate junctus erat. Ita ut non defuerimus omnis generis præsidia egro Principi, & auxiliares manus afferre, & juvante Medicorum summo Medico restituere sanitatem. Hic Æger summoperè exhilaratus, cum vidisset nostrum monile Maldivicum tam speciosum, jam paulatim convalescens, voluit suam hordeaceam, qua vinum rubellum dilueret, eo contineri & sibi exinde bibendam dari; quod recusare nulla ratione potuimus, postquam novitate rei pellectus & spe reconvalescendi accensus nobis videretur. Itaque cum re-

liquiis morbi, ventriculum & intestina roborando, adeò strennuè pugnatū est, ut brevi sanitatē pristinam recuperarit.

XI. Generosus *Dominus des Gouttes* Eques ordinis Melitenfis, in Cardialgia anno 1627. pluries excellentiam pulveris intermedii corticis & rasuræ nuclei est expertus, ex conservis rosarum rubrarum, aut florum Tunicæ hortensis, Lavendulæ, Pœoniæ & Melissæ; prout res & occasio requirerent.

XII. Nuperrimè *viri annorum viginti septem Dordraceni* intricati morbi negotium, nobis ansam præbuit ad Medullam Mald. Cocci confugiendi, cum omnia viderentur frustra applicata & exhibita. Vocatus ego & Cl. D. *Tulpius* Collega noster, repperimus in ætatis flore & post laudatissimam temperiem ægrum, qui primis binis diebus Spasmo composito, seu tremoribus convulsivis truculenter afficiebatur, ac dein singulis fermè horis post præludia modò in articulo pollicis pedis sinistri, modò pollicis dextræ manus prodroma, constante perpetuo mente, membra omnia conquassari ille sensit, & nos vidimus toto fere biduo. Sed quicquid a nobis tentaretur, pro ratione temporis successivè, id omne à morbi & symptomatis ferocia superabatur. Tandem cum non esset derelinquendus, ad specifica occultæ proprietatis devenimus, dantes ex simplice cerevisiâ dragmam unam medullæ superscriptæ in pollinem reductæ, haustulo vixdum ebibito, continuuit sese perquam quietè, & somno superveniente sudoribus copiosis toto corpore maduit, neque uti ante morbi tã gravis symptomate oppressus est, verùm leviculis, ubi expergisceretur, præmonitionibus incitatus ab articulis in manu & pede altero; quo interim tempore quietem sibi ipse imperare poterat, & resistere simul huic venienti malo. Quare quater iteravimus haustulum, & usualibus ac specificis pulverem Medullæ immiscuimus, & adeptus est sanitatem.

D. O. M. sit gloria.

CAPUT XIII.

Magistralia Compositiones nostris Officinis vocantur, quæ ex diversis simplicibus paulò accuratius cōstruuntur; ut plurimum eæ, quæ Antidotariis publicis receptæ non sunt, neque basim ullam expressè agnoscunt, & ex specificis concinnantur pro arbitrio uniuscujusque Medici. Hoc autem loco eas tantum compositiones proponemus, quæ ex Maldivensi Nuce concinnantur, solo pulvere Medullæ, nuclei, aut intermedii corticis interveniente. Res vero supervacua esset si horum pulverum alicui, aut omnibus simul menstruum aliquod Chymicum, quod resolvat, affundatur, ut inde Magisterum formetur, veluti in margaritarum, coralliorum &c. præparationibus consuetum est fieri.

Magisterium enim est (dicente *Theoph. Paracelso*) quod ex rebus extractum est, sine separationē & præparatione elementalī, quod fit additionē aliarum rerum. Vide Archidoxa de magisteriis. Quandoquidem horum pulverum indubitatum ex tota substantia commodum expectatur. Non autem opus est, ut hiscē immoremur, exemplo Bezoartici lapidis edocti, qui ventriculum ingressus à succis acidulis ibidem contentis & calore nativo solvitur, ut quam primum operationem suam prosequatur. Noster enim pulvisculus eandem quoque subit alterationem citra magnum moræ dispendium, & ab iisdem succis & calore fermentatus in actum ducitur.

Hac autem serie pro rei exigentiâ Medicus præsens industriè disponat, habitâ ratione præcepti nostri capitis initio duodecimi a me memorati.

Cocci Maldiven-
fis Medullę, pulve-
ri, ut & putaminis,
nec non corticis in
termedii.

Dragmę unius pō-
deri admisceri po-
terunt.

I. Syr. debethonica, violaceus, capill-
veneris, infus. Fl. Tunicę, Iulepus rosa-
tus, limonum, de alth. Ferneli, borra-
ginis, è succo citri, è succo Card. sca-
biosę, granatorum, Myrtin. de Mentha
&c. ʒ j. s pondus.

II. Aqua Cardui bened. menthe, me-
lisse, portulacę, acetosę, arthemise, Bo-
raginis, Buglossę, Ruthe, flor. Tilię, ro-
ris solis, Rosarum, agrimonię, florum
liliorum convallium, primulę veris. Vel
decoctum ex hisce. ʒ ij. aut circiter.

Atque ex hisce simplicissimam medicamenti è Cocco com-
positionem colligere est.

Immiscetur porro com- positis.	I. Opiatis	Theriace,	Paribus dosibus cum aquis & syrupis re- quisitis.
		Mithridatio, Diascordio	
	II. Pilulis	Cęphalicis,	Dosibus justis.
		Stomachicis,	
		Hepaticis, Pectoralibus, de Cinoglossa, & Ladanis Chymicis,	
	III. Conservis,	Cęphalicis,	dicatis.
		Cardiacis,	
		Pectoralibus,	
		Hepati, Ventriculo, Vesicę,	
	IV. Electu.	Solidis,	Rotulis cum pulver. El. Cordial. Restaurantib. ficcis e cochleari. Conf. Alkermes, } paribus Conf. Hiacyinthorum, } dosibus
		Liquidis,	

Ex sim-

Ex simplicibus præterea specificis & Alexipharmacis feligere licebit ea quæ prudenti Medico ad constructionem Bolorum, Electuariorum, Rotularum seu Tabellarum facere videbuntur: quibus Medullæ Cocci Medici, corticis intermedii, & ipsius putaminis pulvisculus adjungi possit. Veluti sunt.

Acetosæ semen deglubatum, quod pistillo ligneo in marmoreo mortario præstatur à religiosioribus pharmacopœis,

Ambra griseæ grana tria quatuorve,

Antithoræ radicis pulviscul. ʒj. Vide Ant. Guainer. de peste.

Bolus Armenus verus,

Bezoarticus Lapis utriusque Indiæ.

Bistortæ radix.

Cornu cervi præparatum ut infra docetur.

Cornu Asini Indici cujus præconia C. Barthol profert.

Cinnamomum electum.

Cariophyllon Plinii. Quod si veterum dixerim esse Amomum, non multum aberrarem: alibi,

Cassia lignea.

Croci ʒj. non ultra.

Ceraforum dulcium nuclei.

Drakenæ radicis pulveris ʒj. vocatur Contrayerva.

Ebur nativum & fossile. videatur C. Bartholin.

Hiacynthus gemma. pondere ʒß præparatus.

Ligno aloës ʒj.

Lapilli pretiosi ferme omnes præparati pondere ʒß. quales sunt Topasius Rubinus, Granatus, Saphyrus, &c.

Mosci Orientalis grana ij. aut iij. sit dosis.

Monocerotis cornu præparatum. ut infra dicetur.

Margaritæ præparatæ vulgari modo.

Marga selecta seu Bezoar minerale. Vide Bauhin.

Pœoniæ maris radix, ejusque semen mundatum ʒß pond.

Petasitidis radicis pulvisculi ʒj.

Perfici

Perfici nucleï.

Smaragdus ad ʒj.

Santalum citrinum.

Scurzonæræ radix.

Scordium.

Rhinocerotis cornu. Vide Ant. Schnebergerũ in Cat. Med.

Terra Lemnia.

Tormentillæ radix.

Tiliæ florum pulvisculus.

Viscus quercinus.

Ungula alcis exhibita & adplicata.

Adverbia porro tria *Citò, Tutò, Iucundè*, plus opis & auxilii præstabunt quam tres instructissimæ officinæ. Ego ingrata omnia illubens immisceo alexipharmacis, cum *tutius & jucundius* suavia quam *βαρύτερα* operètur, & cordi robur potentius afflent. Porro venenum assumptum, aut ejus saltem suspicio, dilationem, minus quam ventur famelicus, imo nullam patitur. Quare quod præ manibus est quam *citissimè* in usum vocandum. Simplicium autem memoratorum quibus ponderis signum additum est habenda ratio, cum dosim unam tantum hoc nomine intellexerim. Cæterorum verò in dosi non peccatur.

Formularum porro magistralium diversitatem adnecto.

In Capitis vitiis gravioribus, uti & nervorum, Epilepsiâ, Paralyfi, Convulsionibus, Tremoribus crudelibus &c.

℞ Pulveris Medullæ Cocci Medicæ (utpote potioris part̃is ʒj. Confectionis Alkermes & Hiacyanthorum ana ʒ^{ss} Visciquerni & ungulæ alcis ana ʒj. cum Syr. de Stœchade, Bethonicâ, aut julepo rosato F. Bolus una vice assumendus & repetendus ubi visum fuerit.

Aut F. Potiuncula cum aq. melissæ, & Syr. limon, &c. seu con-

conditum magistrale cum syrupis & conservis cæphalicis & pulveribus.

In dysenteria cruenta, & torminibus: factâ ante provisione debitâ per Rhæum & clysteres.

℞ Corticis intermedii Nucis Medicæ ʒ j. (si desit, Medulla aut Putamen vicem suppleat) Terræ Lemniæ, lapidis Bezoartici Orientalis & Bistortæ radicis ana ʒ j. Syr. de succo portulacæ parum ad consistentiam Bol. F. & insuper adjectis reliquisitis conditum, Potio, & similia.

In difficili Partu.

℞ Pulveris Medullæ aut corticis intermedii, aut putaminis ʒ j. Borracis ʒ ʒ. Cassiæ lignæ aut Cinnamomi selecti ʒ j. Croci Orientalis & ambre griseæ ana Grana quinque. Syrupi de Arthemisiâ ʒ j. decocti radicum Tormentillæ aut Caryophyllon Plinii q. s. F. Potio.

In Peste & Febris malignis Contagiosis.

℞ Cocci Maldivensis ʒ j. Seminis Acetosæ mundati ʒ j. Syrupi è succo granatorum acidorum, aut scabiosæ, aut florum Tunicæ ʒ j. Diascordii Fracastorii ʒ j. Decocti radicum petasitidis, scordii & scurzonæræ aut aquarum borraginis, buglossæ q. s. F. Potio.

In Coli doloribus & aliis Intestinorum vitis.

℞ Medicæ Nucis nostræ quantum in præcedentibus dictum est (ea enim dosis est concinna) Methridatii Damocratis ʒ j. s. pulver. Drakenæ radicis & nucleorum perfici mali

H

aut

aut cerasiorum ana ʒj. Syr. de menthâ majoris ʒj. Decocti
aut Aquæ Melissæ, Ruthæ, aut similis q. s. F. Potio.

In Veneni assumptione variæ formulæ pro natura veneni.

1 ʒ Ol. Amygdalarum dulcium rec. expressi ʒj. aut ʒj. β.
Lactis ouilli aut Vaccini aut Caprilli ʒ V. pulveris Eboris na-
tivi, aut fossilis, aut præparati per vaporem Cordialium ʒ β F.
Potio cum ʒj. Cocci.

2 ʒ Theriacæ & Cocci Maldivici ana ʒj. pulv. Bezoar-
tici Occidentalis, aut mineralis, seu margæ selectæ ʒ β aquæ
aut decocti Cardui benedicti q. sufficit. F. Potio.

3 ʒ Pulveris nostri Cocci cujus-tandem-cunque partis
ʒj. pulv. Smaragdorum aut è pretiosis quinque ʒj. Emulsio-
nis ex frigidis feminibus, amygdalis amaris s. a. aq. florum
Tiliæ factæ ʒ V. F. Potio cum Syrupi violati ʒj. β. ad saporis
gratiam & mitigationem. Haftenus.

Hiacynthorum Confectio nostra, huc spectans.

Verè cardiaca, comprimis utilis: cujus dragma una com-
misceri potest pulveri nostro, Cocci Putaminis, medullæ aut
corticis intermedi.

Hujus autem accuratam excerpti ex Mercati, Venetorum
& Montispelienſium Antidotariis descriptionem, nostræ pa-
triæ aptatam & a D. D. Collegis meis omnibus approbatam
& Antidotario speciali nostro aliquando inferendam; cujus
specimen Doctiss. N. Fontanus Collega noster anno præce-
dente exhibuit.

ʒ Hiacynthorum præparatorum. 3 vij
Boli veri Armeni, Coralliorum rubrorum præparatorum.
Terræ Lemniæ. Bezoartici lapidis orientalis. Smaragdo-
rum

rum. Rubinorum. Granatorum. Saphyrorum. & Topasii, præparatorum
ana ʒ ij.

Coriandri præparatorum aceto. Cortic. rad. pentaphylli. Tormentillæ. Coralliorum alborum præparatorum. Ligni aloës præstantis. Granorum Kermes. Spodii præparati. Rad. diptami. Sem citri mundati. Rosarum rubrarum ab unguibus purgatarum. Rad. Cariophyllatæ odoratæ. Summitatum scordii. Cariophyllorum. Seminis acetosæ mundatæ. Portulacæ. Florum buglossæ. Violarum. Rasuræ Eboris. Sem. Endiviæ. Margaritarum præparatorum. Cornu cervi citra uestionem præparati. Santali Rub. Albi. Citrini. Radicum scurzonæræ. Carlinæ. Ossis de corde cervi, & Vincetoxici
ana ʒ j.s.

Caphuræ. Ambre griseæ, & Mosci orientalis ana ʒ ss.
Bractearum auri
numero XXX.

Syrupi de succo Citriorum aut Limoniorum q.s. aut ʒ xxiv.
F. Confectio.

Hæc tempore æstatis à fermentatione, quæ mensis spatio peragitur, syrupi præscripti Unciarum trium aut circiter augmentum requirit, & vitreo vase adservatur, citra situm aut ullam corruptelam.

CAPUT XIV.

ATque hæc officinæ artificiis ad habilitatem idoneam transferuntur, quæ sequuntur naturæ ipsius industria commoditatem ferè acquirunt. Observatu enim non indignum, quod a Rusciæ Imperatore quodam, ante annos forte centum, dens Elephanti multis Alcis coriis circumvolutus, & confusus, terre gremio commissus est; Cujus tandem copia (casu ita ferente) huic Imperatori facta dicitur; qui fundamenta ædium in Regiâ suâ jaciens Thesauro se beari credebat, cum erueretur multijugis autem coriis hic

solutus Thesaurus, dentem aperuit. Librarum forte quadraginta; cujus ossa prius & quasi lapidea (qualis dentium est) substantia, tota fermè conversa erat in Medullæ compagem faxorum margæ non absimilem, dentibus friabilem atque manu solubilem; denique in Bezoartici lapidis substantiam Medicinæ aptam. Quibus gavissus Imperator, & posteritati eodem munere prospectum volens, novum ejusdem rei experimentum conditorio factò sumere statuit. Accedit & hoc, quod in Borussia in summis cerevisiarij ædibus cornu cervinum fuit repertum, cujus ob continuum quinquaginta circiter annis vapidi halitus afflatum, cornea durities in mollem & pulposam versa erat. Ita experiundi & Medicinæ dotes investigandi ansam casus præbuit; etsi non semper lubrica fors se interponit, postquam Naturæ potentia limitibus nullis circumscripta, in perficiendis miraculis nunquam ignavescit. Sed hæc Naturæ effecta, multo ad maturandū tempore opus habentia, artis adminiculo, velut præcocia, reddi queunt, si legitimā administratione opus instituat. Quod sequenti exemplo documentum invenit, quo ossa, cornua, dentes, trium septimanarum spatio in aliam substantiam verti posse declaratur. Modus autem accelerandæ præparationis, sequentium digestu apparet. Ossa enim, Cornua, Dentes, Cranium, scilicet humanum, Lapides è piscis Phocæ aut Manati capitibus, & Balenæ instrumentum auditus, Lapideæ prorsus durities, quod à formâ Anatomicis concha aptè dicitur; ea, inquam, Caput Alembici filis æneis constringere debent, ut firmiter inhæreant. In Vesicam verò subjectam induntur cardiaca, velut Melissa, Mentha, quælibet denique herbæ, & flores aut ligna odorata; quæ justam aquæ multitudinem nacta ea cautione locari debent, ne alembici interiorem partem ebulliendo contingant. Ignis vero continuo alimento fovendus est, ut in opere hoc nullo moræ interposito perpetuari possit. Ita totum translationis in aliam substantiam.

tiam negotium trium Hebdomadarum spatio absolvitur; & quæ ob duritiem contumacia reddebantur, in teneram compagem transvecta cernuntur. Cujus secreti tanta hæcenus majestas fuit, ut participes futuri juramento se obstringere coacti sint, nunquam illorum operâ mysterii arcana in lucem ventura,

CAPUT XV.

LECTOREM diutius detinere non fert animus, cum quæcunque curioso naturalium rerum indagatori non minus ac Medico Theorico & Practico sufficere valent, pro viribus meis obtulerim; & prosperè semper quaslibet Cocci Maldiv. in morbis exhibitiones aut præbia (ut cum Festo loquar) evenire animadverterim, Dotes illius non solum efficaces admodum, sed etiam tutæ, admirabiles incredibilesque celebrantur. Quare verâ cum gloriâ prædicare non dubito, Antistitem Alexipharmacorum Coccum nostrum esse, experientis indubitatis non fallacem. Quæ stentoriâ voce ex veritatis suggestu deprompta à me cum dicantur, nemo consternato animo esse debet, velut pueri vocum terriculamenta exhorrescere solent, postquam facilis ad fidem accessus in rem eunti patescit. Jure autem merito dixerim Cocci nostri maris accolæ, & velut novi coloni accessu, rei medicamentariæ pomeria immensum dilatata ornatiùs splendere. Quod ipsum si de Ephemero Insecto affirmem, nulla veritati laniena inferretur; Etsi ob veneni pervicaciam minus tuta illius administratio est, in morbis præsertim & tædiis viscerum internis, in quibus summâ cautelâ magis ut deferatur, quam ut applicetur, opus habet. Nam in externis ad explorationem non adeo intuta experimenta offeruntur. Sed Ephemerus noster in aliud diarium transferri debet, postquam præsens laboris nostri peculium est, Cocco nominalia sua & lustricum diem statuere.

statuere. Quod serotino quidem studio aggredi contendo, sed non contemnenda ratione impulsus. Quippe leviculâ nominis explicatione operis frontispitium obsidere non volui, dum majoris momenti res se calamo nostro ingererent, in quibus Medicus & Naturę indagator solers, non grammaticus, aut locutilejus oscitabundus, armos suos experiri posset. Palma Coccifera Indica, non fuit veteribus nota. Videatur Clarissimus *Salmasius* qui rationes affert, Pag. 1321. exercitationum *Pliniarum*. Indi nucem Indicam vulgarem *caré* & subinde *Cocoihne* & *Coc* vocant; quod nomen Lusitani syllabæ augmento bearunt. Hispanico enim flexu Cocco eam indignant. Sed neque rationis expers appellatio est; quippe ideo huic fructui nomen hoc dederunt, quod tria foraminum vestigia in summitate perpetuo monumento conservat, quibus *Cercopitheci* aut similis animalis faciem repræsentat, quæ oculorum cavis atque oris rotunditate distingui solet. Quod ipsum *Garcia* adstruente roboratur, qui hac *Etymologia* ratione commentum suum defendit. Minus firmum vero est ideo nuci vulgari (cocco) nomen datum esse, quod simia talis soni vocem gutturis applicatione, præcipuè irritata, promere solet. Si enim ne ipsa quidem simia ob hanc vocis articulationem coccus nuncupatur, iniquius in fructum, qui foraminum modo vestigiis simiæ assimilatur, onomatopœia hæc transferetur, sed quid diutius quam par est, circa hanc levitatem distringimur? postquam ex Græcorum armario vera nominis ratio derivari potest. *Κόκκος* enim illis non omne granum, sed rotundum aut ovi formâ effigiatum denotare solet. Et si *Ant. Nebricensis* in Dictionario suo Latino-Hispanico affirmat generali significato granum ita describi. Qui Vir Græcarum literarum cum Latii secretis experientissimus fuit, unico in fidem vocando Iuvenale, cujus satyras commentariis suis olim illustriores reddidit. Quo verborum complexu definiri potest, Cocci nomen ex Græcorum abundantia ad

tiâ ad Latinorum penuriam derivatum esse. Aquitani *Cocco del you*, ou *escrovello*, oui putamen aut corticem, & *Cocco in grano*, excrementum illud Ilicis bacciferæ, granum infectorium *κόκκον βάφικον* vermiculis etiamnum prægnans vocitant. *Κοκκαλοι* nuclei pini indigitantur. Ricini grana *χολήνηκα* dicuntur Græcis quod bilem evacuent. Hæbreorum *Coac* quasi *Cac* Coccum denotat, referente *Guiccardino* in Harmoniâ Etymologicâ suâ. *Care* fructus seu Coccus insularibus Mald: est nuncupatus; quid *Tauar* significet ignoratur: Si nostra Nux Medica *Tauarcaré* in Tamarcaré mutari posset Cocco- rum palmam denotaret per excellentiam unius literæ mutatione. Cocco- rum arbor ut & dactylorum Palmæ denominationem habent, ut Principes inter congenere: Palma autem quasi Parilema à pariendo nuncupatur. *Varrone* teste & *Carolo Stephano* in Vineto suo, pag. 5. Gemma *ὀφθαλμὸς* Botanicis autoribus oculum & germen significat, translatione à Lapillis pretiosis. Germen interim dupliciter accipitur; primò ut Gemma quæ solubilis è carne Nucis eximi potest, quam *Pyrard* Gallicè *l'amande*, totam nempe medullam, vocitat; Secundò ut apex Palmæ vulgaris. *Garcias Indos* dicit Palmarum germinibus vesci, quorum collectio præcipuè fit cum cæduntur arbores ad ædificia fabricanda, ut esui sint. Expetuntur & dactyliferarũ à formicis teste *Plinio*, cum jacturâ arboris, quia non ferunt decacuminationem, gratiora longè sunt palato quam aut Castaneæ molles, aut humiles Palmæ, quas vulgo *Palmites*, Itali *Cephaglioni* vocant. Quo etiam vetustior est Palma, ed tenerius & delicatius germen producit, at eo sublato perit Palma. Hinc fit, ut qui hujusmodi germen edit, non immeritò Palmam vorare dicatur. Datur teste *Pyrardo* species quædam Palmæ seu nucis Indicæ præter vulgarem; cujus primitivus fructus ad instar Pomi nostratis totâ substantiâ edulis, teneritate & suavitate acceptissimus; verùm inventu rarior & quantò antecellit vulgarem primis.

primis incrementi mensibus, tantò ubi maturitatem consequitur, deterior & ineptior usibus. *Mollusca* ex sententiâ *Ruellii* Massiare ac teneriore carne fructus dicitur, aut malum cum primum fugax, quale Persicum est. *Gesnerus* nucem molluscam inter juglandes ponit quæ molliore est putamine; quod amygdalis quibusdam etiam familiare, cum ex lenissima digitorum compressione frangantur. Et quandoquidem hæc sola *Pyrardi* inter Indicas nuces putamen ipsum molle & vesicum habet, mihi in Lexico Botanico meo bilingui necdum vulgato *mollusca* cognominatur: è contra *Moracia*, *Moracilla*, vulgaris Indica Nux, propter durum putamen, à frangendi morâ. Palmarum quotquot sunt species exhilarantur flore; secus ac tristes arbores quæ sine eodem, annorum gaudia non sentiunt. Flos vulgaris luteo fulget colore, magnitudine fructui æqualis. Quid autem de Maldivensis Medicæ flore dicendum sit, adhuc sub Iudice lis est, postquam nulli plantam & florẽ vidisse contigit. Impellor subinde ab amicis ut Mald. minorum species aliquot proferã, quia fama percrebuit, apud plurimos nostrates, qui in Indiæ diversis locis vixerunt, dari varietatem aliquam Coccorum, eosque Maldivensium titulo, fortè ob effecta aut faciem, beari volunt. Ego, ut verum fatear, non agnovi, neque in musæo meo coacervavi fructus palmarum, aut Coccorum congeneres, præterquam quinos aut senos; quos tamen minus Maldivensi conferre, quam murem Elephanto, comparare licet: quorum descriptiones præsentis laboris non esse volui. Exempli gratiâ Famigeratissimi *Mathioli* Cuciophora, nec non alterius Palmæ fructus, verè facciferæ, huc advocandi non sunt quorum amborum & plurium præconia cum eiconibus mecum (ut spero) non moritura sunt. Neque inconcinne ad palmarum classem referendus fructus quem tabella exprimit Clarissimus *I. de Laet*; durissimo & lignoso putamine, quo duæ nuces continentur, mole pugni unius; nec non alter *Totocke* dictus cujus idem

accur-

accuratissimam descriptionem profert, hujus autem fructus integri vicens nucibus prægnantis iconem sum exhibiturus brevi. *Theophrasti* verò, *Plinii*, *Abinzennæ*, *Serapionis* tam Medicorum quam Historiographorum atque etiam Neoterico-
rum sententiis ad amissim perpenſis, & ipsissimâ rerum indagine servatâ, pensum meum cum bono Deo absolvere conor. Interim Pœonio Medicamêto nostro Maldivico maxim operè utilissimo suavissimo, imo manui quasi Dei opreantis, *tutò, citò, jucundè*, satisfactum pro viribus opinor.

AD CLARISSIMUM MEDICUM
D. AVGERIVM CLVTIVM, T.F.
Amicum nostrum & fautorem singularẽ, in Nuccẽ ejus Medicam & similis generis alias.

E L E G I A,

CASPARI WACHTENDORPII.

N *Aturæ vires potius miremur, an artis;
Ardua ab antiquis quæstio mota fuit.
Ex nihilo terram, cælos, animalia, plantas
Condere divini roboris hoc opus est.
Sed generi species supponere quaslibet uni,
Et speciem in species solvere id artis erat.
Hinc variant plantæ, variant animalia, fruges,
Vno diversæ nomine sunt celebres.
Sic quoque Nux CLUTI varia est, non nomine, sed re,
Ut neque conveniat pondus & ingenium.*

*Verum lenta salix quantum concedit olivæ,
 Vel glans juglandi, vel Saliunca Rosæ,
 Tantum alias Malediva nuces supereminet omnes.
 Rarâ mole quidem, sed magis arte tamen,
 Rhetore nunc opus est, qui ritè recenscat usus,
 Et memoret tantæ mystica dona nucis:
 Nam fugiunt stricti numerum miracula versus
 Non hoc Maronis, sed Ciceronis opus.
 Constat in auxiliis nullum præsentius esse
 Quando pestiferum viscera virus habent.
 Cætera non dicam; a doctis & principe Princeps
 Digna legi & Pindi nobiliore Choro.
 Non ego non alius posset, neque tota vetustas
 Dicere quæ vires sint, vel origo nucis.
CLUTIUS hanc primum didicit, satagitque docere
 Ignotam toto quæ fuit orbe prius.
 Sed neque adhuc tanto nosci potuere magistro
 Omnia tam raræ munera rara nucis.
 Patria nescitur, si non sit Patria Pontus,
 Quippe mari medio nare reperta fuit.
 Juglandem docuit Mithridates pellere virus,
CLUTIUS hanc monstrat plura valere nucem.
 Id circò æternum scribendo vivet in ævum,
 Hæc qVovVe post VItaM. VIVere VIta DabIt.*



AUGERII CLUTII M.D.
DE
HEMEROBIO

Sive
INSECTO EPHEMERO,

Nec non
DE VERME MAIALI.

Opusculum II.

Coryphæo Medicinæ celeberrimo
D. NICOLAO PET. TVLPIO,

D. M. Senatori ac scabino *Amsterodamensi,*
Amico veteri colendissimo & Collegæ dilectissimo inscriptum.



C. PLINIVS SECVNDVS NATV-
RALIS HISTORIÆ, de Insectis.

LIR. XI. CAP. II.

TUrrigeros Elephanterum miramur humeros : Tauro-
rum colla, & truces in sublimè jactus : Tigrium rapinas :
Leonum Jubas : cum rerum Natura nusquam magis quam
in minimis tota sit. Quapropter quaeso, ne legentes hæc,
quoniam ex his spernunt multa, etiam relata fastidio dam-
nent, cum in contemplatione Naturæ nihil possit videri su-
pervacuum.

*Et alibi scripturus de remediis quæ à diversis animalibus
accipiuntur, inquit.*

Neque enim dubitaverim aliquibus fastidio futura quæ di-
centur animalia. At non Virgilio nefas fuit nominare For-
micas nulla necessitate, & curculiones, ac

— lucifugis congesta cubilia Blattis,

Non Homero inter prælia Deorum improbitatem muscæ
describere : non naturæ gignere ista ; cum gignat hominem.
Proinde causas quisque & effectus, non res æstimet. Libro
XXIX. Capite I.

CL. V. D. D. TVLPPIO.

S. P. Cum multa Societatis humanae vincula sint, nullum tamen constrictius ligat, quam in generatione musarum studiosa indago, atque artis ejusdem cultura. Te vero Cl. V. ad Aesculapii sacra educationis sors prorexit, ab unguiculis fere secretorum Medicorum investigationi operantem, atque in aetatis flore, consiliis lativagis polydadaum. Fecit autem bene impensus labor, & felicitatis applausus, ut in Medicorum grege familiam ducas. primum nominis artifex, trophæis sanitatis recuperatae undiquaque fixis. Quocirca publico suffragio Theatri anatomici praeses factus, Chirurgorum ruitatem eradicas, sectionis instrumenta curiose tractans; jam olim subsellis Senatoriis dexteritate agendi insertus. Quam honorum periodo languor tibi non obrepit, qui Physicæ quoque arcana rei medicamentariae jugiter copulas. Quam genii tui benignitatem subinde expendens, bene collocati pensi ergo laudare te soleo, velut humanitatis insignia in abjecto jacere non patior. Quippe ad agrorum culcitras tecum simul vocatus, omni officiorum genere me exceptum non denego, velut mortuorum indaginem non perfunctorie a te tractatum esse fateor, quare sorti meae gratulari soleo, quod albi tui spatia multis parasangis occupavi, amicitiae jura diligenter conservans, ne divortii labeculâ hospitalitas caepa contabesceret. Quae omnia ha-

Etenus

Et enus animi tantum cancellis circumscripta, ad opus evocare aggredior, memoriae nostrae fidum testem daturus. Mitto enim ad te successivis horis elaboratas membranas, in quibus hemerobii insecti peculia digerantur, fuit tamen generis insignia tenentis, ne in cœtum illum transferatur, de quo Plinius major hanc assertionem profert. Hispanis fluvius in Ponto circa solstitium defert acinorum effigie tenues membranas, quibus erumpit volucris quadripes supra dictæ (Pyrausta videlicet) modo, nec ultra diem vivit, unde Hemerobios vocatur. Sed neque inter eos adnumerari patior, qui in diem vivere dicuntur, unciatim genium defraudantes, aut qui labori metam die præcipitatâ figere solent, non conticinium tantum noctis, sed etiam adolescentis vespere crepusculum contemnentes. Quid? quod ne Hemerobiis quidem is accenseri patior, qui scriptorum vilitate orbem conspurcant, Fatorum decreto Rhombis & siluris aptiores, quam ut manibus eruditorum versentur, aut alienas aures barbarie infestent.

Hoc unicum tamen cum nostra Insecto commune habere videntur, quod venenatâ Indole in eos arietare non cessant, quibus cerebrum palpitât & sinistra mamilla salit, ut cum Juvenale loquar. Hemerobius enim noster genium quoque toxico plenum nactus est, circa superficiem aquæ volitans. Velut Tippula suspensio gradu in eâ incedit. Quippe Naturæ indignantis pœnas timens, alas ab humore arcet; quem casu si contingat impedito volatu piscium esca redditur

unius

unius tantum lucis usuram nactus. Sed hac in præambulum astricta ipso tractatu dilatantur, ut hîc logodadali kakozeliâ evagari necesse non sit. Oculis vero tuis temperiem imperabis, ne candoris suasu editum libellum, effascinare contendant. Officii enim nostri apud te apparitorum esse iussi; ut posthumi agnoscant, iudicio amicitiam pactam, studiosè ad canos usque à me cultam esse. Si quid autem, Cl. Vir, inscitia malo detortum invenies, humanæ imbecillitatis sortem excusare te precor, postquam nulli non vacillare annatum est, ut quadrupedes quoque cespitare contingat. Affectus autem in te mei spongiâ quicquid mendosum videbitur, delere dignaberis. Ita animo nostro ad majora cursum stimulas, quæ hætenus in Musæi latebris cum blattis & tineis rixantur: in quibus te censoriam virgulam aliquando versaturum spero, ut omnia ad unguem perpolita in mundi theatrum prodire queant, in quo indignâ sorte, plures mali quam boni visuntur, quique aliorum scriptis Rhinocerotis nasum infligunt. Sin autem tibi gratum munusculum censeris percepero, omnia ea accumplevi, quæ voto humano desiderare quis audeat.

Vale.

CAPUT PRIMUM.



Ntention mea huc redit, *Benevole Lector*, ut *Hemerobius* aut *Ephemerus* veterum accuratius describatur, sed solus tantum; non autem aliorum insecta pro Majali verme ad varenum morbum curandum evulgatâ, licet obiter & per transennam, non expressè, a me factum sit. Impulsus autem imprimis sum ad investigandum penitius rogatu Viri præstantissimi, & ab Ordinibus Groninganzæ urbis & Omlandizæ Hagam ad comitia Legati P.M. *Ioannis Dortmanni* celebri quondam & eruditi Phamacopœi, qui ante obitum omnem curam Friscarum plantarum & aliquando divulgandarum manu propria depictarum & non segniter ad Typi usum descriptarum, in me transtulerat. Hisce descriptionibus continebatur noster *Hemerobius*: in cujus examine totus jam sum, omnem Friscarum plantarum Provinciam Cl. Dom. *Mulerio* apud Groningenses in Academiâ Professore Medicinæ & Botanices celeberrimo committens qui in patriâ Universitate patriis plantis describendis desudat. Accessit & altera occasio perscrutandi, quod Cæsaris *Rudolphi II.* pictor eximius *Houfnagel* bestiole ad vivum depictæ imaginem mihi donavit, cum brevi Historiâ natalis ejus. Hisce edoctus tandem & sententiis veterum & Neotericorum perpensis, de naturâ & *Hemerobii* qualitatibus, unicuique suum tribuens, tractare muneris mei esse duxi; non coacervans aut exædificans controversiarum cumulos, multò minus acriter quorundam carpens errores, aut Autorum flosculos decerpens & in meum agrum traducens. Quare inter *Ægrorum* curas, calamo quoque in supplementum venio eorum, quæ Medicinæ armario deesse videntur, ad *Hemerobii* insecti faciem

ciem me transferens, ut penicillo, quantum in re minus divulgatâ licet, accurato depingatur. Sed adminiculis ad hoc institutum necessariis privari me video, qui præter paucula aliquot in Autorum spatiis annotata, nihil solidi asservo, quo animalculi genius elucidari possit. Quocirca ex penuria mea ad penu aliorum confugio; eblandiens ab Amicis Hemerobios, non solum repositorio aut pyxide clausos, verum & historiâ dilucidatos. Quippe specierum collatione certam descriptionis fidem promere studeo. Hemerobios autem ipsos manibus versare, satis etiam mihi non est, qui indolem scire primâ ratione annitor: quam ex plebecula etiam, imo ipso trivio haurire non pigebit, quod opusculi nostri ariditas fecundari possit, Postquam *Hollerio* Chirurgiæ lib. 2. capit. 2. tradente; Non turpe est per vulgus & aniculas profecisse. Non enim puduit majores nostros in multis remediis brutorum discipulos sese profiteri. Sed acceptis è vulgo remediis adhibenda ratio & rectus usus, in quo summa artis posita est. Varia interim veterum ac recentiorum de *Ephemero* opinione commotus, de natura ejus ac formâ in fine atque ultimis capitibus separatim agere institui, præmittens quasdam sententiarum discrepantias ab amicis ad me delatas. Ideo admonitum volo Lectorem, ne quando aut *Ephemerî* aut *Πεπρωζῶν* fit mentio, statim existimet eadem esse animantia, neque etiam diversa penitus. Vario enim significatu & confusâ appellatione multi usi sunt, lucem tenebris offuscantes. Roterodamensibus enim hoc insectum volatile dicitur *hast* ut & Dordracenis, aliisque Mosæ accolis, apud quos tanta ejus frequentia est, ut adagium inde promanarit, ubi magna hominum confuges in unum ivit. *’t Iffer seo dicht als hast*/quasi dicant, multitudine cum Hemerobiis certant. Sed illam insecti luxuriem accelerata mors compescere solet, postquam brevem illi vitæ usuram natura largita est. Ut hinc quoque veriverbii solemnitates derivata sit.

ἡφμερος ζωῆς. 1. Ephemerī vita, quod iis accommodari solet, qui subitò pereant & emortualem diem natali vicinum habent. Sed hæc insecti indoles in suam tribum referri debet, velut Ephemero quoque pisci sua (ut ita dicam) familia ascribenda videtur. *Vincentius* enim *Iorathæ* auctoritate fultus, ait, piscem eum sine parentum complexu nasci & vix tres diei horas supervivere. Sed non hic se ludentis Naturæ prodigalitas sistit, postquam fata etiam aliquot hâc nomenclatura celebrantur. *Dioscoridi* enim *Ephemerus* duarum herbarum nomen est, quarum altera ita dicta, quod uno die interimat; altera quod una die flores amittat. Sed neque hic, meta est varietatis; quippe *Aelianus*, *Ephemerā*, inquit, arimacula unum diem vivunt: ex fœce vini acescente originem trahunt: aperto dolio ut luce suscepta sunt vitâ excidunt. Vinulas eas vocat *Scaliger*. Ego vero tenebrarum alumnas nuncupaverim, quod lucidi aëris occusum sine vitæ interneceione non ferant, in quo Naturæ omniscia vim admirari licet, quæ uno Fato damnata animalcūla, variæ originis & efficacis sorte beavit. Omnia enim brevem vitæ terminum nacta sunt, quæ tamen non unâ facie atque indole annotantur. In quo versicolori animalium occurſu prudenter se lector gerere debet, ne confusis nominibus rerum quoque turba nascatur. Quod in Botanologiâ quoque velim observari veluti & in morbi *Vareni* descriptione & curâ, in quâ hallucinati sunt, ut quadrare cum veritate non videantur. *Petrus Forestus* Avunculus meus post *Lienis* affectus, & *Scorbutum* libro XX. observationum & curationum medicinalium, *Henrico à Bra Reip.* Campensis quondam Medico Historiam acceptam refert, morbi hujus novi & incogniti Westphalis, Geldris, & Frisiis quasi Endemii ægros diversis symptomatibus infestantis. Verum cum hoc sit præter institutum meum in Insecti tantum examine subsisto. *Casparus Hofmannus* Med. Brandeburgicus, nec non *Ioannes Wierus* Clivensis consulendi

fulendi, quibus morbi natura penitus observata & investigata videtur, a me nedum comperta quod liberè fateor.

CAPUT II.

ERrorum parens est vocabuli aut rei alicujus vicinitas & similitudo. Quare difficile est ex æquo vel affirmare veritatem, vel falsimoniam refellere. Nomina enim pro arbitrio hominum rebus induntur, quæ ipsa deinde cognominibus & agnominibus additis offuscari sæpe potuisse constat. Inscriptiones autem nudæ aliquando non longè quæruntur, aliquando anxie excogitantur. Quod ne quis sine testimonio me dixisse arguat, Cape Cl. *Salmasii* sententiam in *Pli-*
 „ nianis exercitationibus pag. 1280. B. Unde igitur hæc in-
 „ discreta nominum facies ad res toto genere diffitas si-
 „ gnandas? in plerisque aliis Herbis Arboribusque hoc casu
 „ evenisse notavimus, ut nomen unum idemque duæ vel plu-
 „ res habuerint apud Romanos, cum tamen utrumque ex di-
 „ versa veniret origine. Apiastrum ut mentastrum & oci-
 „ mastrum, ab Apio idem quod silvestre apium, τὸ ἀγρίοσελινον
 „ Apiastrum aliud ab apibus dictū μελισσόφιλλον, ὀλυσάτρων, ἵππο-
 „ σέλινον. Hoc supra & in aliis observavimus. Hic idē nominis
 „ concursus & συνγορία in coniza & origano apud Latinos
 „ accidit, qui utramque herbam eodem vocabulo significa-
 „ runt, sed ex diversis fontibus profecto &c. Idem pag. 1285
 „ C. Sic multa alia vocabula in Latino Homonyma sunt,
 „ quæ tamen non sunt Synonyma, quia diversas habent ori-
 „ gines &c. Atque ibidem littera A. minus ergo mirum si
 „ & Cunila unum vocabulum pluribus designandis Herbis
 „ factum est, cum non ex uno fonte procedat, &c. Idem pa-
 „ gina 1224. littera E. Quemadmodum autem flores & herbe
 „ cognomines licet, ubique ab autoribus confunduntur, ita
 „ etiam utramque Hyacinthum confundunt, &c. Possem

aliorum quoque & vel antiquorum autoritate asserta nostra fulcire, sed ne in mustaceo laureolam captare, & rem triuis notam ad ravim usque inculcare videar, superfedere ab inani labore fas esse judicavi; lectorem inquirendi diligentie tradens. Cum verò ut in Plantis & fructibus, ita & in insectis infinita *ὑμῶνμα* sint, facile est à viâ veritatis aberrare. Quod in Epist. à D. *Vogellio* affine meo ad me missis clare apparet; quibus Varenum morbum, & Hemerobii usum tractare opinatus est; quarum tenor & dispositio in hac textus serie annectuntur.

11 Nov. 1620. Mitto ad te historiam assumpti Hemerobii à virgine viginti quatuor annorum, cujus animalculi formam non rite expressisti, velut ego quoque facile in lineamentorum ductu aberrarem. Quocirca occasione abblandiente ipsum vermen ad te mitto. Cujus similis usus est. Virgo hæc cardialgiâ laborans, semel dimidium vermem cerevisiæ butyro pinguefactæ commistum assumpsit, non sine levaminis sequelâ paulo post & in angustiis non paucis, sperans meliorem convalescentiam, denuo sesqui alterum seu unum cum dimidio, cerevisiæ sine butyro inditum adhausit. Binis exactis horis tormine & cruciatu infestabatur prius in ventre, sed postea descendente, circa muliebria parte superiore & inferiore (sic mihi Chirurgus secretò retulit.) Hisce sese annectebat continua inclinatio & conatus vomendi; sed frustra dolore increbescente vinum calidum cum nucis myristicæ miscelâ usurpabat; sed citra fructum. Dolor furorem minabatur toto octo vel novem horarum spatio, ita ut confestim expiratura videretur. Doloris vehementia in lecto eam capiti innixam stare cogebat, & in modum vermium sese vibrare, cum horrendo clamore, & nisi diligenter custodita & stragulis munita fuisset virgo, nullius auxilii compos reddita foret. Obstetrix quædam aquam fæniculi stillatitiam illi communicabat, sed cum paucio auxilii profectu. Chirurgus copiosam olei olivarum quantitatem, cerevisiam valde butyratam, oleum rapaceum

paccum & similes pinguedines propinabat ; quibus admotis semihoræ spatio placatoria omnia se præbebant, reddenti urinam copiosam & quidem sanguinolentam ex læsâ intus muliebri parte ; postea perseverante olei usu &c. sensim dolor assopitus est , & postero die reconvaleuit. Atque in hunc usque diem statu indelibato fruitur. Hæc in compendium astricta, sed non ad mutilata narratio est.

Huic Historiæ secundam in altera virgine adnectendam operæ pretium duxi. quæ ita habet.

Anno 1622. Quod attinet ad Hemerobii usum apud virginem Hasseltensem, hæc mihi memoria suggerit. Postquam mulieris cujusdam consilio ejus infecti dimidiam tantum partem assumsisset, aliquam urinæ provocationem & doloris int estinorum allevationem nacta est. In eam postea fatuam opinionem incidens, cum tam parva Hemerobii portio tam parum profecisset, duplicatam bis tanto effecturam, proprio consilio rem aggreditur, unde ut verum confitear, majorem vesicę exonerationē adepta (etsi hydropica non esset quantum memoriâ recolligo) sed flatuum & doloris augmento vexata eo tempore dubiè se habebat; quod ab ea proterviæ magis quam necessitatis stimulo factum. Sed ejus temperamenti urina erat, ut pars corporis inferior inde excoriaretur &c. simul tam miserè ventris dolore, & contractionibus affligeretur, ut mors appetere visa sit. Denique cernua capiti insistebat, brachia & manus jactans, ut vix neque verecundè, neque per vim resisti possit ; durante interim ad horas aliquot calamitate & clamore. Per id tempus cum a Chirurgo Lucâ P. M. oleum ad bonæ notæ quantitatem cum lacte vaccino oblatum esset, ad frequentem vomitum excitabatur, & hausti pulverisati vermis ejectionem. Ex eo tempore neque eam neque alios inde assumere voluisse opinor. Rem quoque ipsam periculi plenam & minus commendabilem existimo, quantum experimentis intelligere licuit.

Ex hisce neque morbi, neque vermis naturam & essentiam absolutè colligere licet, postquam alibi suspensâ manu, alibi mutilè rem tractat. Quod temporis intervallo accidisse auguror, quo multa in Affine meo memoriæ repagulum subterfugere potuerunt. Hoc saltem notandum siue vermem, siue volatile quippiam, aut vaginipenne è scarabæorum genere animalculum exhibuerunt, liquidò constare æquè difficile esse falsa refutare, ac vera stabilire. Inferere tamen hæc propterea libuit, quod occasio identidem suggereret, & ad rem & propositum nostrum aliquo modo facere viderentur.

CAPUT III.

Nihil vilius Medicinâ, si quæ pedibus calcantur ad usum veniant, teste *Plinio*. Quippe nulla non Regio incolis suis salutaria progenerare solet. Non tamen ob hoc apud exteros nata contemnere fas est, postquam iis quoque suas vires atque efficaciam esse ad morbos depellendos, exemplis infinitis comprobatum habemus. Quare neque *Plinio* assentiendum, qui ait. Nos nec Indicarum Arabicarumque mercium aut extremi orbis attingimus Medicinas. Non placent remediis tam longè nascentia: non nobis gignuntur: Imò ne illis quidem alioquin non venderent. libro 22. cap. 24.

Sed neque domestica semper appretianda veniunt, postquam inter salutaria, etiam pestiferi generis noxia reperiri solent subinde; quod Hemerobii nostri recensione liquidò apparet, cujus etsi in patrio solo natalis est, inquilinis tamen solummodo in detrimentum vergere videtur, non una historiâ fidem astruere. Ne autem humana simplicitas damni occasionem temerario usu inveniatur, insecti ubivis memorandi tabellam exhibeo, nihil absolutissimo *Aldroandi* de insectis opere deterritus, in quo nullum cum nostris quadrare oculis


oculis quisque suis dimetiri potest. Sed mihi ad examen non solum Medicorum, sed etiam indagantium Naturam provocare libet, quibus incerniculum facere permitto, quantum vel distent inter se, vel convenient. Et si autem longè petitis etiam insistendum judico non tamen idcirco aspernarim triviales & ubivis obvias, vel è stercorebus animalium erutas res, modo à probatis Autoribus usus applicandi ratione celebretur, atque experimenta in vicem testimonii ad stabilendam veritatem adduci se patiantur. Prudentis enim medici cura esse debet, à fædis & venenatis remediis abstinere, ne inconsultò ea propinans de corio humano ludere & egrorum animas negotiari dicatur. Quia autem veneni mentione labor noster occupatur præterlegendum minimè censeo duorum generum venena esse. Quippe alia totâ substantiâ & portione quantumlibet parvâ noxam inferunt, alia in quantitate immensurâtâ adhibita ad lædendum inclinant. In usu autem cautio adhibenda, ut pestifera longè amendantur, & in iis quæ desolâ obsunt vel prosunt, prudens Medicus administrationi invigilet, ne iniquo ponderis augmento vitalitati noceant, quæ cæteroquin salutis adminiculum præbere solent. Differentias verò horum & istorum ex scriptis medicorum assequi licet. Apud Botánicos præcipuè investiganda veniunt, quæ naturam infestare vel fovere solent. Ne quid tamen per nos etiam in hoc tractatu mutilum reperiatur quorundam recensione defungi pergami quamvis extra operis nostri propositum abire videatur. Sed priusquam adventitia adduco nostra peculia proponenda videntur.

Ioh. Wierus Clivenfis quondam Ducis Medicus in Tractatulo suo de vareno morbo depingit animalculum, non quidem Ephemerum, sed scarabæum majalem his verbis, è Germanico idiomate in Latinum versis à me.

In *Thietmarslâ* circa limites Boreales versus Daniam & plagas conterminas, Vermem habent, ab iis nominatum *Bl. m. worm/*

worm/atque *Eber*/ ab aliis *Kadden*. Eum vermem colli ambitum fune ambientes in loco editiore suspendunt, præsertim in mense majo, atque ita flavus humor ex ore stillat, qui venenatus creditur, atque ex horum vermium numero unum aut sesqui alterum, aut ad summum duos cum dimidio torrefactos & in pulverem comminutos ægro ex diluto cerevisiæ propinant, ex quo spatiari & laborando corpus exercitio se defatigare debet, donec sudor promanet. Sin autem refractariâ siccitate perdurat æger, in furnum calidum, ex quo panis exemptus est, ablegari debet, ut proclivior ad sudorem aditus fiat. Post hæc symptomatum acerbitate excruciat, pectoris nimirum, cardialgiæ aut cordis immenso & miserando dolore, & totius corporis debilitate & virium defectu. Atque ea diei dimidii spatio perseverant, post quæ si necessitas requirat, denuo idem pulvis illi propinatur, post tres aut quatuor dies iterum, & sæpe numero, ad nonum usque diem exhibetur; siquidem necessitas imperare videatur. Thietmarsenses eam potionem hoc verme compositam vernaculâ linguâ vocant *Kaddentranch*. Hic vermis in capitis & colli circuitu colore purpuræ-saturato aut violaceo annotatur, paulum scintillans, alæ delitescente viriditate tinctæ sunt; sub alis atque in dorsi ambitu circuli videntur diverso colore imbuti, subinde viriditate micantes, subinde flavedine obscurâ distinctæ; venter atque pedes colore caput & collum representant; in utroque latere ventris tres pedes continentur. Rostro autem incurrato aliis congeneribus & rostratis non absimiles. Ubi ætas tenerior est promiscuè cæruleo colore tinctiores censentur; excrescunt in duorum articulorum digiti longitudinem & unius crassitiem; reperire eos licet in viâ publicâ & mensis May exortu. Genus *Cantharidum* esse videtur Dom. *Wiero*.

Hæc est forma Vermis superna & inversa,
qui à Wiero venenatus appellatur.



Thietmarfienfes sæpè & Weſtphali atque comitatus Tecklenburgenſis incolæ miro honore & dignitate herbam afficiunt, ab iis nuncupari ſolitam **Walckenbaum** / cujus abundantia in confinio arcis Tecklenburgicæ provenit. Latine ſolanum ſomniferum inſcribitur. Ea piſtillo attrita & cereviſiæ admixta in hauſtum præbetur adverſus varenum morbum, unde eger tam vehementer in ſomnum præcipitatur, ut mors inſtare videatur, ſed horis viginti quatuor exactis, de novo ad vigilias redit, non tamen ſine periculi metu, quoniam potione eâ oculi obtenebrantur nebulis inſuſcati, veluti intellectus quoque, & ingenium per horas aliquot enervatur. quod miri nihil habet, poſtquam ad tantam quantitatem herba ea aſſumpta veneni in dolem refert, in tertio gradu frigida, & naturæ peculio ſomnum gravem concilians; eſſi non

sine molestiâ, minoris tamen periculi quam opium sed in Canem malo genio præditum fustus durus & asperus apparatur. In regione Brunswicensi similem potionem usurpant, quâ ægri horis viginti quatuor requiescere & dormire solent. Me censente potio hæc ejusdem herbæ coctione concinnari videtur. Neque mirandi occasio est, cum ego inter alios unum noverim, cui in curatione morbi vareni matutino tempore vermem eum obtuli, & vespertino ob doloris excessum Philonii Romani dragmam: quæ confectio somno procurando & doloribus sedandis appropriatur. Ut autem



securitas major sit, atque ne curandi occasiones intervantur, formam & figuram hujus herbæ **Walchenbaum** vocatæ expressi. Hactenus *Wierus.*

Solanum lethale, seu
Doodelijcke nachtschape/
nostratibus dolle besie.

Solanum furiosum lethale opio velocius mortem infert dragmarum quatuor ponderis decoctum; Autoribus *Plinio & Galeno*. Somnifero autem solano mitiorem vim opio Dioscorides ascribit; cuius duodecim corymbos Hydropicis dari affirmat ad ciendas urinas. (Corymbiferum

solanum est bacciferum Aconitum aliquibus) verum ego manum meam & ab hoc & lethali solano amovere statui, suspen-

cta

Et mihi cum sit exhibitio quamdiu vivendo dies meos extēdam, atque Alii idem ut faciant, sedulò hortor, interminorque, causam erroris aliquando explicabo. Parens meus olim Lugduni Batav. Herbarius Professor, dum Horti fundamina jacerentur, ajebat apertâ Ianuâ duos fratres clanculum ingressos, in lethale Solanum incidisse, cujus fructus aspectu & gustu allekti (oculis enim gratus & linguæ acceptus, Italibus bella Dona nuncupatur) internecionem nullâ mulsâ medicabilem sibi fœnerarunt. Quocirca fructum ejus quotannis decerpi jussit; ne cui posthac illicio simili par calamitas insidiaretur. Hæc tamen de Solano dicta, de usu interno capi debent, postquam ab externo submoveri minime velim, quippe foris admotum fructu carere non solet, modo dextro judicio Pharmacotriba fungatur. Intus enim assumptum naturæ proterviam exerere consuevit, quamdiu in homine aliquid reperiat quod perimere possit. Huic vicinum Aconitum dici solet, quod tamen ante omnia venenatis scorpionum ictibus velocissimè adversatur. Reliqua superfedendo ad lectorem mando, ut pressius alibi ea investiget, quæ paginis nostris ascititio labore spatia duplicarent. Unum modo addi posse judico, quod cavillationibus quorundam obtrudi solet; scilicet venenum veneni antidotum esse. Colluctando enim mutuas vires retundere ajunt, neglectâ propriæ indolis pervicaciâ, quâ absque sui generis miscela indubitatam noxam afferre solent. Hujus opinionis autores in eadem porticu sunt cum iis, qui ex duobus purgantibus, non purgans fieri affirmant. Verum atque his atque illis solidi roboris argumenta deesse judico, postquam experimentis fidem roborare nequeunt, velut ipsæ rationes scopis dissolutis parem nexum fortitæ sunt. Wiero interim hoc quoque obversum volo. Quippe si venenum veneno pelli afferet; concedat utique necesse est, Vermem suum assumpto solano superaddi posse, servatâ hominis incolumitate, & in mutuum lanienam ope-

rosâ efficaciâ. A ratione verò devium esse videtur, ut exitia-
lia duo venena in humano corpore commori possint, & ta-
men homo supersit. Vidi Romæ (nam Historiæ condimen-
tum addi convenit) in ædibus *Henrici Corvini* convivam Mo-
nachum Belgam, qui pro more suo petiit haustulum vini Al-
banensis, antequam se ad prandium accinxit & citra nauseam
ebibit, cui particula integra radicis Solani per horulam infu-
sa erat inscius fraudis quæ lateret, quæ facta sunt, cum Man-
duci Dei sacra veneraturus esset, ultimo Bacchanalium die,
quo carnibus valedici solet. Caponem verò à precibus in-
frusta solito chironomontis officio dissecavit, partem uni-
cuique suam distribuens, neque sui ipse oblitus. Strenuè ve-
ro rem aggressos convivas alios acriter intuebatur, dum ipse
ad manducandum impar esset, conqueri enim cœpit molares
ineptos esse, velut palatum & linguam stupore affici, demptâ
omni gustus facultate. Quibus quærelis cætera mensæ co-
rona in cachinnos soluta incompressam & tumultuariam car-
nium consumptionem aggressa est. Ille verò in ediæ suæ &
risus nostri impatiens rationem ab hospite & convivis tam
insoliti casus investigare cœpit, præ fastidio suam portionem
catello mensæ astanti obiiciens, non parvum iræ fomitem
nactus. Vini bibendi potestas illi remanserat, quò tamen ve-
ternosum (ut ita dicam) palatum fuscitare non valuit. Deni-
que cum hospiti videretur sat tædiis illius & nostræ libidini
& procaciæ datum esse, aceti fortioris gargarismate os ter-
quaterque diluere iussit, & statim ignavia palati dentiumque
stupor evanuit, ut ad manducandum se componere incipe-
ret. Præ admiratione autem gesticulabundus nihil in noxam
suam peccatum esse gavisus est. Quem eventum Monacho
non infœlicem, causam esse nolo ut alius quis eodem solani
infuso aut alio per jocum ac ludum abutatur; postquam Co-
mœdia subindè in Tragœdiam mutari posset, ubi Fortunæ
& Fatis sinistra moliri liberet.

CAPUT IV.

VOCatus ego anno 1620. cum Ornatissimo ac doctissimo D. *Iacobo Barrâ* Collegâ nostro ad viduam pauperculam; cujus Familia ob prolem plurimam Ecclesiæ Gallicanæ apud nos cordi fuit, quæ sustentando & in adversâ valetudine medicinam aliquot annorum spatio administrando ei opitulabatur. Filia ejus major natu ementiens varenum morbum continuis cruciatibus extorqueri annorum aliquot spatio se dicebat, & nisi vermiculis subinde excussis (uti ajebat) è cavitatibus corporis; narium scilicet pinnis, oculorum hircis, aurium concavis, podice, pudendo, palato, imò mammarum papillis & umbilico, alias nunquam se levamen percipere asseverabat. Verùm cum non desisteret nobis obtrudere omnium formarum vermiculos, penitus investigandi eorum naturam ac formam nobis ansam præbuit. Nam ope perspicilli exigui pyxidulâ eburneâ inclusi ex novâ & nuperrimâ fabricâ fallaciam deteximus, licet nobis præsentibus nunquam nisi diversas species, & formas depromeret, ex ore aut labiorum internâ parte, citra pustularum præsentiam. Itanos eludendo detinebant ut stipem familiæ alendæ parem mater & filia emendicaret, pharmacorum præfidiis spretis & abjectis. Huic fallaciæ a nobis detectæ accessit & hoc, quod prætulum retro ædes ubi maturius ab oriente solè lustraretur, à nobis clanculum ingressis sit observatū illam pronam jacere, & ex eo vermiculos tam reptiles, apteros, quam alis exiguis præditos in os ingerentem, ut deinde quasi è capsulâ exhiberet; velut è dolio quoque aquæ pluviatili excipiendæ dicato, eos colligere solebat, è quo non ἀνδρῶν verum diversorum minutulorum scolopendrôn & sepedum subterfugientium vell linceos oculos prolektabat proventum. Sed hac varietate sese prodebat, nobisque ulterius atque Eleemosinariis Ecclesiæ curæ esse desit.

Simili exemplo in Trans-Isulaniâ Hasseltæ urbis virgo, quæ Medicos & Diaconos in Ecclesia ibidem à tenera ætate imo octennio integro toties fefellit, donec impostura sua commiserationem & opem, quam perceperat, irritam fecit.

Apud eosdem Transisulanos Hemerobii seu potius majalis Vermis seu insecti Hospitium est frequens, sed hisce conquirendi studium majus tunc temporis erat, quam nunc, quasi defuisset varenus morbus, ceu nunquam extitisset. Ego re vera apud amicos ibi degens quamcumque attentionem in labore investigandi collocavi, & minimè comperi veterum & neotericorum sententias, accurratè morbum eundem, aut aliquo modo similem exprimere; sicut & in Vermis historia dispares sunt, quod in sequentibus liquidò constabit. Nec iccirco Insecto huic venabula tendere desii, sed si quid ad indolem ejus pertinere videretur, perscrutatus sum, ne sola imagine, aut cadaverculo satiari me paterer. Naturæ enim peculia indagare malo, ut publico usui à me fœcunda reddantur. Sed cum virgo hæc fraudis suspicione me impleret, etiam ipsa consentiente ab Hemerobii exhibitione (ut & ipsamet) abstinere malui, & morbi curandi rationem nullam præterquam inveteratæ luis hæreditariæ diætâ perficiendam reliqui. In hac vero morbum mentiente scriptioni metam figo, postquam ad *Galenî* tractatum de simulantibus morbos regressum capere deberem, si omnes falsò causarios recensere opus foret. Ita neque inquisitioni ulteriori aliquid concedo, satis fore judicans, si uno aut altero schæmate, pravitatis humanæ indolem exposuero. Neque enim patriæ nostræ labem impingere decet, mendaciorum propolas ad unum omnes enumerando. Etsi Læverniores suos quævis terra alere solet, ne nostro clymati peculiaris fecitas ascribatur. Sed in tanta mentientium turba sæculentæ plebeculæ aliquid condonandum videtur, quæ de viliori luto effigiem trahere solet. *Doctrinæ autem & studiorum mystas paginis suis mendaciorum*

daciorum vindemias inferere, id omnem honestatem delumbat. Non tamen in hoc auctoratus veni, ut alieno labori insultare, aut obliquè loquentium strophas obtorto collo rapere velim; inextricabilis enim labor est impudentiæ crucem figere; sed neque frugiferus admodum, cum plus in una veritatis assertione efficaciam sit, quam in decem mendaciorum narratione. Ne tamen insensatus planè hæc pertransiisse videar, censuram in doctissimo *Wiero* stringere non dubito. Quippe in tractatulo suo varenum morbum describente, tam exitiosum animalculum se exhibuisse semel modo fatetur; citra tamen ullius commodi accessum. Ut stupendum sit sine experientia lativagare rem ignotam ab eo obtrudi: postquam hac duce, Ratio & Methodus locum suum & ordinem invenire solent.

CAPUT V.

Cuique Regioni ferè sua sunt & mala & bona: Quemadmodum & nostræ Patriæ; Exemplo Cochleariæ ad scorbutum, & Insectorum quæ Ornatus ac Industrius Pharmacopœus *Ioannes Pottius* Amessfortius ad me misit, cum inscriptione *Wepwormen uyt de Provintie Utrecht*. Epistolæ tenor hic est.



Peracto salutandi officio mitto ad te cursoris, qui hæc tibi tradit manu, tres Vermes Majales, quos hætenus vivos reperire non licuit. Ubi occasio favebit vivi aliquando ad te mittentur. Inveniendi eorum facultas est, non circa fluvios
aut.

aut torrentes', sed in ericetis nostris, appetente mense majo,
 & circa Junii umbilicum. Usurpari præcipuè à rusticis so-
 lent adversus dolorem membrorum qui ab iis vocatur **varen**.
 Videtur esse arthritidis vaga. Modus utendi hic est; assumunt
 semper numerum imparem, prima vice unicum post ternos,
 & ad summum quinque: præter eam superstitionem etiam
 hoc inolevit, ut ne manu quidem aut digito tangere eos li-
 ceat. Effectus inde procedens est, primo maxima ventris
 perturbatio, & circa urinæ ductus, ita ut præ dolore occum-
 bere videantur; hinc per urinas omne eorum opus absolvi-
 tur, feri multum eliciendo sed maximo & excessivo morfu;
 Aliquando autem accidit, ut eo à doloribus suis vindicentur.
 Hactenus potiora his narrare tibi ignoro. D. *Schuttius* itidem
 ad te scribere statuit, sed in præsentiarum invalidus erat. 10.
 Apr. 1634. de verbo ad verbum è belgicâ in Latinam lin-
 guam transtuli. Interim D. *Schuttii* verba hæc sunt. Majo
 mense in ericetis nostris colligitur (animalculum supra me-
 moratum) sed intactum manu (hæc hominibus superstitio est)
 Manu si tangas vim amitti medicamentosam putant. Unum
 & alterum aut etiam plures in pulverem redigunt, quem ex
 cerevisia bibendum dant iis, qui vagâ laborant Arthritide,
De Varen/ vulgo appellant. Vomitus, aliumque terribiliter
 ciet, cum horrendis symptomatibus, ardore urinæ, & inter-
 dum lethali Ischuriâ. Credo ego omninò cantharidum esse
 speciem, si ex formâ & effectis licet conjecturam facere.
 „ *Hactenus* Epistola. Clariss. *Aldroandus* ait libro de insectis,
 „ Fol. 474. Illud quoque non ignorare oportet, cum de loco
 „ facta sit mentio; in Belgio & ultra ejus Provincias versus
 „ Septentrionalem plagam, ea cantharidum genera, quæ in
 „ frumento nascuntur, neutiquam reperiri, nec ea, quarum
 „ in Medicinis usus est hodierno tempore; sed tantum quæ
 „ Cantharides rotundæ & violæ sunt à nobis dictæ, hæc autem
 „ ibidē variâ, ac multiplici specie cernuntur, & paulo infra.

Urbis

Urbis Ultrajectinæ aliquot familiæ, atque vicinarum urbium in Provinciâ Trajectensi incolæ, ante annos circiter sexaginta arthritidi vagæ obnoxii fuere; eamque Varenum morbum, seu *springende Gichte* quasi articulorum dicas transultorium dolorem, indigitarunt; causamque ascribunt orgasmo succi venenosi, tenuisque penes adustam, pepasmi que expertem bilem flatulentam. Cl. & Nobiliss. *Ioannes Heurnius* in Academia Lugduno-Batava Medicinæ Professor Primarius, & quondam Præceptor meus in Epistola ad *Henricum à Bra* de novis & mirandis morbis, licet nullam resciverat ab infimo studiorum suorum ævo mentionem factam vareni morbi, studium interim Campensis Medici à Bra summoperè laudat; quod Endemium seu Inquinum morbum ita examinarit, & Patriæ comperta remedia prodat ad illud malum, verùm ne utiquam est autor ut exhibeatur Vermis hic, quem ignorabat ipse, cum *Foresto* & à Bra. Hujus autem Vermiculi ternos triplici idæa expressos tabella nostro consilio & sculptoris opera profert, ut ex hac insecti purpureo violacci variatione, & morbi dubii non minus diversa descriptione, errorum fomitem agnoscere possis. Doctiss. *Scuttius* in ea sententia videtur totus, hoc animalculum coleopteron cantharidis congenerem exitiali ut plurimum eventu nocere; quare ejus usum non approbat; nec alterius quam vagæ arthritidis, nobis aliquomodo cognitæ, affectus mentionem facit, varenum vermini generis morbum non agnoscens. Interim Amicus Ludimagister Hasseltensis ait, animalculum hoc in Transifulano agro agrestibus in usu familiare esse & arthritidis speciei cuidam non inconvenienter subinde applicari, usibus scilicet internis. Verum quod supra notatum, manu contractari non debet, ast lento per filum transitu in pyxidem demitti, ne tactu illud, quod Balsamum vocant, ex animalculi alvo effluentis succi, aliquâ portione destituatur. Idem dicit inveniri in Ericetis, ubi bigæ & quadrigæ viam detritam &

Liricâ denudatam reliquerunt. Hic pueri tam Traject. quam Transisulanæ Provinciæ lucelli gratia legere solent, Pharmacopæis in vicinis oppidulis dividentes, ut obulum unum aut sesqui alterum conquirant. Mirum est de temperamento earum, quæ in usu sunt, tam varias esse sententias, cum caustica & urendi facultate præditæ sint. *Leonicerus* calidas & siccas ait in primo gradu, cum paulò post calidissimas eas affirmet, aut ignorasse videtur gradus, aut perperam prius judicasse. Calidæ & siccæ in summo gradu statuendæ interim sunt.

In pago Putten apud Velarios Kilianus Dyrum civis, ovium custodibus legendarum violarum curam commisit mense majo præterito, & ingenti numero Amsterodamum venales Chirurgis & Pharmacopæis asportavit, fidem interponens intactas, illæfasque fictili exceptas, & extinctas citra vim externam, addens insuper erutas ex fossa herbacea rorida, quare grandiusculas & cæteris majores afferebat. Verum Chirurgis & pharmacopæis nostris in scarabæunculorum mercatura ineptis, & eorum usus ignaris, factâ re paucâ, rebustamen suis fermè omnibus asservatis, in patriam reversus. Hoc unum summoperè emptoribus commendans ut sopori inde oborto (qui 24 horarum ut plurimum est) occurratur concussionibus, alloquiisque cum ægro jugiter fermè habitis, alias expectationis miserandæ ut plurimum esse, quare ludendo clausèrim has historiolas.

Insectum dubium, dubii ortus, indolis, usus,
Non unum dubium, ast dubiorum summa malorum.
Iatrolepta simul dubius certum petat uncum.
Auctor qui indubiæ est mortis, toto exulet orbe.

CAPUT VI.

E Phemeri, seu Hemerobii insecti binis in locis mentionem facit *Aristoteles* lib. 5. cap. 19. & lib. 4^{to}, de Partibus cap. 6.

cap. 6. Uliſſes Aldroandus animalculum ignorat, quod unius diei vita fruatur; verùm *Aristoteli* totum tribuens, pedibus quatuor totidemque pennis animalculum figura non addita deſcribit; & *Plinii* ſubdit Hiſtoriam, qui ab *Aristotele* mutatus repetiit fermè eadem, quibus indolem *Hemerobii*, *Ephemer*i, ſeu diarii noſtri exprimere videtur. *Aelianus* lib. 5. de animalibus cap. 43. *Aristotelem* citans hujus mentionem abſque alarum & pedum numero facere aggreſſus eſt: vocatque *μονήμερον* quod idem ſonat. Quippe *Aristotelem* dicere inquit, *Beſtiolam* apud *Hipanin* fluvium unum diem viventem ſub lucem matutinam naſci, poſt autem ad ſolis occaſum extingui. *Iacobus Dalechampius* in *Plinii* locum hoc addit *Scho-liolon*. Tali tempore id *Culicum* genus in *Arari* naſcitur, eodemque die mortuum in aquis innatat, piſcibus avidiſſimè conſectantibus: *Lugdunenſes* Piſcatores vocant *de la Manne*, ſic ille. Sed cum *Ephemer*on, ſive *Hemerobion*, ſive *monemer*on, *Aristoteli* quadripenne ſit, è *culicum* genere, quod bipenne eſt, dici non poteſt. Inſecta interim quædam *culiciformia* quoad corpus, etiam quatuor alis prædita apud *Aldroandum* ſunt. *Bocati*us *Ephemer*on manè eſſe infantem inventutem tenere meridiè, veſperi ſenio conſici & mori addit. *I. C. Scaliger* & *Cardanus* *Ephemer*on deſcribunt, quorum verba hic ſubnecto, ſed ut *Cardani* priora ſint, cujus textus Fol. 655. hic eſt.

„ Notiſſima apud *Ciceronem* *Ephemer*i hiſtoria, quod animal quaternis pedibus, totidem alis naſcitur apud *Hipanin*, *Bosphori* fluvium. Vitam à manè ad veſperam, unde illi inditum nomen eſt, ducens. Mane puer, meridie juvenis, ſenex veſperi, occidente ſole commoritur: ut multo plus laboris ac temporis ad generationem, quam ad vitæ uſum natura impendiſſe videatur. Demirari itaque tantam conditricis ſolicitudinem licet, & in tam brevis vitæ animali, tot instrumenta tot facultates: videt: audit; volat; ambulat,

Ad quæ Scaliger Exer. 194. Sect. 5. Ephemeron describens ab *Aristotele* prius scriptam & a *Cicerone* repetitam historiam, animalculi faciem non apponens, qui ad Sarcam & Benacum frequentem vidit vesperi, manè nullum. Captum noctem tantum vixit. hæc autem Historiola est.

„ Quatuor oblongas gerit alas, pedes quot nescio. Caput
 „ quale Musca, oculos grandissimos. Promulcidem in se con-
 „ volutam. Ventriosum est. Cauda est longissima, sectiun-
 „ culis coaggestata, atque coaptata, in extremo bifida. Etiam
 „ in quibusdam trifurcata: ut in Gryllorum femellis: quorum
 „ mares uno tantum sulco bicornem habent. Color auri
 „ splendore sublustris in majoribus: in minoribus subfuscus.
 „ *Taurini* *Monjettam* vocant, quasi Monachellam. Adriatici
 „ ad Maranum, & Tergeste, Curoculum. Puto ad Iustino-
 „ polin Exarchatum multa nomina Græca attulisse. Plurima
 „ enim recensere possumus. Ab oculorum specie, tanquam
 „ Homericam Iunonem *Βοώπις* sic hoc *Κούρης* oculum. Luse-
 „ rim, si ita non sit. Majora enim molimur. In his præterea
 „ prodeambulationibus ociosi, & haud falsò *χολάζοντες*, à no-
 „ stratibus situolla, id est Sagitella nominatur. *Dortmanni* hi-
 „ storiolam adnectere statui, sed his prius in præambulum diges-
 „ tis. Res est per se suavis aliquo delectationis flore & illicio
 „ blandiens, Rerum à D. O. M. creatarum & ad Medicinam
 „ pertinentium nondum divulgatarum scripto posteritati reli-
 „ cto meminisse: Multa enim priscis non visa & illibata repe-
 „ riuntur, quarum & notitia & usus perquam necessaria sunt.
 „ Licet autem veterum quorundam adversaria rerum medica-
 „ rum investigatione nos in admirationem rapiant, subinde ta-
 „ men hallicinari eos (quod humanum est) contingit. Sapientiæ
 „ tamen & ingenii profundioris radios velut per nubem emis-
 „ sos refracto sublustrique lumine in eorum spatiis vibrare cõ-
 „ stabit. in ætate præsertim nostrâ quæ aliquando tenebricosis
 „ ignorantie umbris implicita cernitur. Quare absque veterum
 „ autori-

autoritate quicquam aggrediendum non censeo; non neglectis interim Neotericorum sententiis. quarum sibi *Dortmannus* bonam partem vindicat. In Epistola *H. à Bra*, Cantarello voce Italica dicitur, sed quam benè nescio; sonum enim non elidit. Afferit interim Vocabulum *Vareni* patriâ linguâ singulare quoddam genus lumbricorum denotare. Apud eundem *Vareni* morbi signa, differentias, Causas, Partes affectas cognoscere licebit, ejusque morbi curam accuratissimâ & a Clarissimis Medicis *Foresto* & *Heurnio* approbatam, vermis interim majalis usum reiicientibus. Aldroandus notat *Scaligerum* quod maluerit de numero pedum veritatem tacere, quam *Aristoteli* repugnare, non enim credendum cum cæterorum *Scaliger* meminerit optime pedum numeri fuisse oblitum. Hæc sunt quæ in autorum spatijs fusijs quam parcius, subtilius quam verius conscripta repperi quibus rem ignotam aut potius neglectam magna ex parte præconio suo notam facere conati sunt. Præconium enim non est nec dicitur de ignotâ re. Interim licet in brevis vitæ creaturâ leviter transegerint, nos tamen naturam rei vel minimæ non prætereundam, sed maximoperè spectandam judicavimus, præcipuè cum rerum Natura nusquam magis quam in minimis tota sit, referente *Plinio Lib. undecimo Natur. Histor. Capite secundo.*

Hemerobius Houfnaglii paucis tantum omissis à Scaligero depingitur, & huic capiti subjungitur ut pazella vacuitati occurratur.



Ioannis Dortmanni Ephemerus vel Hemerobius.



Aristoteles meminit insecti ad Hipanin Scythiæ flumen, cuius vita diaria est, quod naturale miraculum etiam Belgium habet ad Rheni ostia, in quibus mira hemerobiorum fecunditas luxuriat, quod ante annos aliquot ipse observavi in ramo ejus sive alueo qui Arnhemo ad eum usque locum qui prope trajectum *De vaert*/ hoc est fossa navigabilis nuncupatur, extenditur, etiamnum rheni nomine gaudens. Rursum Anno 1619. cum Zutphanix morarer ad comitia Geldrix nostri territorij senatus autoritate missus in Isulæ margine eos observasse me fateor. Mitto autem tibi imagines tres quarum prima est maris, qui cornuto capite visitur. Secunda femellæ est, quæ cornu in additamentum non accipit,

pit, sed priores pedes in corneam formam illi degenerant proinde pronam pinxi. Tertia infecti est, cum ludit super undas, in hanc quam præbemus formam se componens. Est ea magnitudine qua pingitur, e colore ex buxco, cum cauda trifurcata & oblonga. Volat modo capite supino, modo instar reliquorum infectorum, erecto. In volatu autem coit tremulis alis gestiens. Undas tribus caudæ processibus ut innitatur, amplexi solet. Quod mirabile visu est, ita scilicet spargi caudæ ramos, ut extantes corporis partes extra aquæ contactum conserventur.

Originem habet ex verme quodam terreno & pedibus instructo, qui postea mutatur in apodem bestiolam cum ex terrâ prodit. Candidissima investitur pelliculâ, qua dirupta volat; quod illi circa S. Oduphi festum solemne est. Volatus autem per triduum viget, sed ita ut qui manè prodivit, sub vesperam intermoriatur. Super aquas vero cauda innixi cum ludunt facile a piscibus capti absumuntur, quæ causa est ut piscatores hæc animalcula *aërs* vocant, quod Latini piscium cibum interpretantur.

Schol. [Puto ad Justinopolin Exarchatum] Quid sibi velit hæc vox Exarchatus, ex Epirhome vitæ imperatorum à Sex. Aurel. Victore conscriptâ intelligere licet. De minore enim Iustino sermocinans hoc digressu evagatur. Exarchatus sedes quondam fuit Ravennæ, qui Magistratus cœpit, anno mundi 4535 à Christo nato 571, ab hoc Iustino minore excogitatus, ut Imperatoris quodammodo vicarius in Italia foret, eaque fuit auctoritate, ut Pontifex Romæ creatus ab eo confirmaretur. Duravit annis hic Magistratus 164.

[Homericam Junonem *Βοώμην*] Junonis epitheton *Βοώμης* quod haberet oculos bovinos, id est rotundos & magnos & per hoc pulchros. Est & Piscis *Boops* qui cum parvus sit habet magnos oculos.

[*Νούρης* oculum] *Νούρη* pro *Νέρη* puella, nymphea Græcè.

CAPUT VII.

HActenus testimonia Cl. Virorum ex ipsâ orchestrâ adduci se passa sunt. Reliquum est ex vulgari etiam cavcâ assertores veritatis protrahantur; qui etsi nulla eruditionis fortè pompâ superbiunt, sinceræ tamen fidei litare solent, fraudem a dictis suis arccentes. Ignoscet verò Lector si obscuræ rei lucem longè petitam affundere studeo, postquam experimentis & suffragiis alienis opus habere me non diffiteor. Nunquam quippe infecti hujus administratione occupatus fui, qui in vulgari medicamentorum orbita artis efficaciam exerere soleo, relictis quæ in prærupta ducere, & periculi occasionem præstare solent. Et primo quidem *Petri Crachtii* epistolam ad affinem *Nauwingium* scriptam è Belgica lingua in Latinam transtuli. Charissime frater. Diversi gregis viros allocutus sum, qui alias Hemerobii (scilicet Vermis Majalis & **overraes**) rationes allegare nequeunt, quam in terræ penetralibus abscondi ad æstatis usque tempus, quâ occasione volare incipiunt. Cæterum Sulmonis piscandi gnarum interpellavi, qui asserit toto anni curriculo in cavernulis condi, tanquam apes in favis suis; & credere se affirmat, generandi penè eundem esse modum, qui Bombicum. Aduliores (nempe Hemerobios) antequam evolare parant, semen excernere atque inde novæ sobolis propaginem nasci. Quippe prius ad instar Ascaridum aut minutorum Vermium conspiciantur, atque iidem toto anno incrementum sumunt, parvis tandem membranulis involuti donec ad statam magnitudinem perlatae alarum remigia nanciscantur. Ipse enim oculis dimensus sum, tenellas eas membranas volatus agitatione abdicari. Volandi vero consuetudinem ut plurimum circa festum Divi *Ioannis* ordiuntur, maturius aut serius, pro ut coeli favet clementia. Quippe infrequenter aëris frigori se com-

se committunt. Postquam volando distringuntur, vix 10 aut 12 horarum beneficio ad vitæ usuram fruuntur, sed longioris fili spiritum trahentis ex quo effossi in genitali limo afferuntur. Fluviatiles pisces eam saginam appetunt, præter Lupum aquatilem & Percam, qui nunquam aut saltem raro eâ escâ capiuntur. Atque ea sunt quæ huc usque indagando a fsequi licuit. Si quid porro conscire nobis dabitur, acceleratâ expeditione tibi communicabimus. In Epistolæ hujus comitatu olla *overaes* instructa ad te venit. Ex piscatoribus deinde affecutus sum, optimum vitæ servandæ modum esse, si ramentis cespitum aut furfure condantur. Porro aliquot ad te transferri curabo, ubi volandi solemnia apud eos desiverunt. Centurio quidam Leo vocatus attendisse se ait, eos prope ad generationem apum accedere. Quippe ubi adulti volando se exercent, pulli bonæ magnitudinis dimensum nacti sunt, ita ut aliquô temporis præcursu semen excreverint, antequam ad volandi ritus se transferunt.

T. Fr. Petrus Cracht.

Alteram viri hujus diligentiam addo, sed cujus sententiam quæstionibus explorare duxi, ne longa commentandi spatia nascerentur, si in orationem continuam verba coagmentanda venirent. Neque enim omnibus vel eruditio favet, vel otium assentitur, postquam disertissimos quoque negotiorum moles a scribendo detertere solet. Singulis vero quæsitis responsa sua adaptavi, ut in diametro posita lectoris iudicium exacuant, & prompta rei discretio reddatur. Ipsa porro problemata benigno pollice premere decet, ne quæ in aliis publicam rem juvandi studia sunt, livoris afflatu hebescere incipiant.

*Questiones ab Autore propositæ Crachtio atque ejus
responsiones.*

I. An vulgare nomen ~~overaes~~ rectius appellari possit ~~deber-~~
~~aes~~?

Respondet. Fidei apud me propinquius est, nomen Vermis recta appellatione ~~deberaes~~ figurari, quasi hamum riparium dicas, quia in crepidine fluvii reperiri affolet.

II. Utrum prima ejus origo sint Vermes quidam d' ilute flavescentes longitudinem internodii in digito adæquantes, tactu, rigidi & motu citati, dum manu apprehenduntur, ut piscium hamus reddantur?

Resp. Natalitius Vermis hujus dies ex minutissimis Vermiculis originem sumit; verum tenellam compagem corporis nactus est, excepto capite, quo duritiâ notabile visitur, quare piscatoribus necessitas impendet uncum hami sui capiti infligere; cæteroqui minus tenaciter inhæreret. Motu quippe valens admodum est, colore cœsius, mox temporis lapsu, flavedinem adumbrans.

III. Utrum natalis Vermium ex compactili argillâ proveniat aut ex cavernulis, in quibus Verminum semen depositum est?

Resp. Vermes hî reperiundos se præbent in compactili argillâ in qua velut apes cavernulis segregatis muniti sunt. Vulgaris sententia est seminis ejectionem eos moliri, antequam volandi habitum nanciscantur, ex quo minutuli progeminare solent. Alii existimant ex ipsa argillæ substantiâ progenerari, postquam situ minus profundè quam magni conduntur. Vulgari autem opinione constat, ex semine eorum prognasci, quod ut plurimum circa superficiem terræ effundere solent; ut ab affluxu aquarum liberiores sint. Piscatores autem affirmant, quantò magis aqua detumuit, tantò abstrusius cavernulis suis delitescere. Fluxu autem increbrescente, in

te, in altum ad labra usque terræ sublimari. Minutiores in principio altius hospitari solent, & quantum magnitudini accedit, tantum cavernulas suas profundius concinnant.

IV. Utrum ad volatum apti, tanquam foetus pennigeri bombycum, copulentur maris & fœmellæ modo?

Resp. Hujus articuli rationes reddere nemo præsumit.

V. Utrum Vermis hic præcipuè in Aprili Majo & circa hos menses, tantummodo ligonibus & id genus instrumentis ripæ infixis erutus inveniat, an toto æstatis spatio is labor perduret, ut piscium sagina conquiratur?

Resp. Fama percrebuit toto anni spatio eos reperiri, quod à fide non aberrat; postquam in præsentiarum tam minutulorum copia est quam grandium. Exigui autem recuperabiles se præbent, post expeditum à magnis volatum. Piscatores tamen eos non prius ligone eruere tentant, quam Martii umbilicus aut Aprilis initium appetat. In quam sententiam referunt, ante tempus prædictum pisces inde delibare nolle. Quando autem volando metam dederunt etiam saginam hanc degenerasse. Alii asserere non dubitant, in Septembri & Octobri antiquam bonitatem induere, ut piscandi facultas restituatur.

VI. Utrum Vermis hic aut inde natum volatile animalculum à quibusdam Medicinæ loco usurpetur, & quo occasionis illicio?

Resp. An Vermes hi, aut animalculum inde profectum Medicinæ loco usurpetur, neque Medicus noster, neque Pharmacopœus astruere queunt.

VII. Magnitudo, & pedum multitudo, numerus, in Verme ipso, tum ipso volatili, tenor vitæ quousque extendatur, utrum volando tempus aptum termino unius diei finiatur: color volantis insecti: hæc sciendi cupidinem in me provocarunt?

Resp. Magnitudo volantis insecti auricularis digiti longitudinem repræsentat. Pedum vero numerus ante volatus

auspicia quantus sit, nescire me profiteor. Rem verò percunctanti nemo veritatem enodare ausus est. Volantis autem longævitatē 10 aut 12 horis definiri. Qui autem volando perdurant capturam effugientes, omnes penè aqua submerguntur antequam nox in propinquo est. Ita ut quatuor aut quinque tantum horis, officio alarum fungantur. Quippe die declivi solummodo apricari gestiunt. Volandi autem hæc cura ad triduum perseverat, ita tamen ut peculiare sint, atque succedanei, qui ex cavernulis suis prorepunt. Per volandi tenorem cæsius eorum color est, flavedini interspersus; Alæ longiusculæ & tenellæ. Horum Hemerobiorum tibi numerus aliquis post absolutum volatum mittetur.

VIII. Volandi vero ritus quâ normâ dirigatur, an cibatu fruatur, & versus continentem velociter, an lentè, huminè an sublimè feratur?

Resp. Volandi industriâ occupati saginâ nullâ aut cibatu fruuntur. Perpes autem illis volandi cursus, circa aquæ superficiem esse solet, & ponè littus; in continentem quoque se promovent, sed semper ad vicinitatem confluentis reduces, ut tandem ad unum omnes aquâ intereant, in quâ infinito penè numero ab avibus & piscibus devorari solent.

IX. Utrum vermiculus qui multipes esse videtur, magnam mutationem subeat, antequam volatilis naturam suscipit. Et transmutatio ex vermibus facie ad formam volatilis an eandem indolem habeat qualis Papilionibus utriusque generis innata est, qui ex erucis animari solent, & postquam terræ receptaculo conditi reperiuntur ad tempus usque solstitii latebris se tegunt, tanquam fasciis involutus infans.

Resp. Quod formæ mutationem concernit, id animalculi ipsius inspectione tibi ratescet, liquidius sanè quam scribendo tibi delinearem. Et sicut ante octiduum magnam ollam Vermium seu *oeberæes* farctu ad Nauwingium fratrem deferri jussi; ita ad te etiam bonum numerum mittere polliceor, ubi

ubi a volando desciverunt, quo tibi propriæ investigationi tutius invigilare licebit.


Quæstiones hæcæ meas responso suo excipere dignatus est *Petrus Crachtius* & me raro obsequio devinxit. hæcæ additis. Hæc in fasciculum contracta problematum tuorum desideriis inservire patieris; hæc quidem occasione, nam in futuro, si quid assequar, ejus ad te compendium mittere statui.

Ego vero etiam in similes leges me astringo, ut quæ vel ab hoc vel ab illo postliminii velut jure nactus fuero, in medium proferre spondeam. Spes autem animare me solet, alicujus operâ tandem rerum caliginem disparituram, Postquam non cessante experimento alię atque alię efficacię se prodere solent. Interim ingustulum præmissis ita frui tibi libeat, ut convivatores solent, qui pleniores missus expectando supernis tantum labris primos missus aut verius antecœnia delibare solent, ut gustu excitato, solidi obsonii appositu tandem fruantur, sed judicii quoque æquitate, circa præludia nostra defungi te volo; quæ à me in artis formam minimè redacta fateor. Quippe incertis conjecturis, & re dubia nihil solidè tractari potest. Sed neque methodum nostram ad cavillos vocari velim, quod nullas dichotomias Ramæorum more fecitor, aut à definitione rerum dicendi exordium sumo. Commentarium quippe liberrimi tractatus pango, in quo ingenii impetum sequi excusatius licet, quam ad anxias lēges, scribendi perpendiculum cogere; quo sepè operi majestas perit, velut *Plinius Nepos* ait. *Nimia cura deterit opus*. Prolixitas verò etiam aliorum ne tædio sit, obtestatum volo; postquam verbis alienis ad dimensum suum uti coactus fui, ne nasutiem meam detruncandi libidine propalarem. *Platone* enim censente *in alienâ republicâ non decet esse curiosum*. Nostri quoque textus verba simili veniâ donare te precor, Si fortè alibi longitudine, alibi brevitate peccare videbuntur, quæ in aliam

faciem suo ævo aptare spondeo; velut in sequenti capite debiti mei partem aliquam persolvissè videor.

CAPUT VIII.


I.



II.



III.



QUod in præcedentibus fusè & sparsum dixi, nunc in gratiam Lectoris per anacephalæosin Vermē Majalē, N^o I. Aureliam II. & Hemerobiū ipsum III. cōpendiosè & strictim
sum

sum exhibiturus. Omnia hujus generis insecta, post vermis aut Erucae formā, à motu cessant, & membranā tenui velut putamine obarescunt, ut loquitur *Plinius*; quā ruptā exit tanquam ex ovo quadripenne & sex pedum animal, post triplicem formæ generationem omnibus modis perfectum. Pleno enim corporis filo & vitali animā constat, ut nihil desideretur, quam quod delitescat certo temporis curriculo, puta, mensis circiter spatio, sicut bombyx, quæ tandem filis nendis absumpta & exsucca, e novā quasi putredine papilio evadit, erucarum quot quot sunt exemplo: quæ interea nec mutilæ nec imperfectæ dici debent, teste Aldroando: Qui ait vermem accrescere & paulatim discerni in formam & speciem destinati animalis. Erucae dum repunt cibum capiunt, mox non ubi membranā clausæ sunt; quæ per id tempus Aureliæ aut Chrysalides à colore, & *necydali* quasi sopiti, & ut Gaza interpretatur, invalidi visuntur, donec suo tempore ἀνιμάτως se prodant. Summopere necessarium duxi hæc præmittere, antequam majalis vermis & Hemerobij naturā dicere inauspicarer præcipuè, cū apiscis & eorum interpretibus neglecti videantur, aut saltem minus verè depicti. Erucarum quippe fluviatilium nare & cuniculos agere solitarum, nemo quod sciam meminit; cum tamen noster vermis instrumenta habeat accommoda & præcipuè sex pedes, quibus repere, scandere in declivè & acclivè latibulo suo conseptus possit. Vibrat enim se potenter motu quolibet, ut terram quoque terebrare duro capite & cornibus munito valeat; quibus ut antennis secundum Aldroandum oculi conservantur; pedibus primoribus capiti ipsi annexis, cæteris quatuor paulò majoribus vim facere & vias sibi aperire gnarus est. Cæterum alvum habet duodenis sectiunculis divisam, & unaquæque earum utrobique pinnis exiguis sursum vergentibus, quibus gratiose natare consuevit, dotatus est, color autem luridus est; cauda veluc in gubernaculum addita, quā natatum cursu directo instituere novit. Primum suum

incre-

incrementum à vermiculo ad instar Ascaridis perhibetur habere; velut piscatores fluviorum Mosæ. Wael, & Leck, in limo delitescere ajunt, donec circa octobrem mensem justam magnitudinem nactus piscatorum hamis insigi possit; vermiculus itaque hic factura est Erucae natatricis, licet nonnulli sint qui *μονόμως* oriri sustineant, è pinguiore & lentiore argillæ portione, velut limacū quoque ortus esse solet. Porro apud claris. Aldroandum in Paralipomenis Fol. 763. Xylophthori aquatici seu Ligniperdæ Icon habetur, cum Verme nostro majali, aut ~~oeberæ~~ aliquâ corpusculi æmulatione certans; uti & hoc commune habet, quod etiam in Chrysalidem & Papilionem tandem abeat. Aureliam autem ejusq. faciem describere nemo exactius possit, quam Sculptor noster, sicuti in Icone videre est. Corpusculum verò lento viscido & puris facie notato succo refertum est intus, foris autem ochræ colore insignitū, donec denuo animatum formatur in volatile, ut plurimum in consimilibus accidit ut longè majus animalculi corpusculum sit ipsa theculâ aut involucrio, unde erumpit nullâ factâ rorsione, sed dispiensione quâdam. Quod exemplo cujusdam fructus Indici amygdalino corio præditi aut ejus generis apud *Clusum* descripti, confirmo. Doctissimus autē D. *Jacobus Guil: Hoofst* ante annos aliquot redux è Germania, Clarissimi *Bauhini* musæum exoticorum & rariorū selectu ditaturus ob bene merita, in conquirendis & coëmendis à me opellam efflagitavit. Incidit forrè in manus meas coriaceus quidam fructus, qui cum extima in parte leviter hiare inciperet, ad inquisitionem nuclei me promptū reddidit. Involucro vixdum aperto, ecce scarabæus ater grandis, pondere circiter dimidiæ uncix exilit, non quidem vivus, sed tamen membris omnibus momento temporis ita expansis, ut intra suum corium nullo modo denuò recipi potuerit. Bauhino verò ansam præbuit eum divulgandi, cum recensione historiolę ad illum à me transmissæ; quod biennio ante

ante obitum illius, literis ad me datis se fecisse significavit. Sed revertamur ad propositum. Hemerobius senectâ & membranulâ vixdum excussâ, podici etiamnum subinde adhærente, se ad volatum accingit; cuius onere tardatur, ac citius piscium esca redditur, more illorum.


*Quæ nostras imitantur Aves, lucem ante diem optant
Vix lateris ovi pellibus, astra petant.*

Unde præcipite casu velut Icarus delabuntur.

At Hemerobius membranulâ eâ liberatus, jam velut puel-
lus in sublime non fertur, verum margins fluminum, unde natalitium hausit, præterlabitur, quoquoersus tantum levissimum volatum per aëra explicans. Ambulare verò nullis Doctorum creditur, etsi Cardano placuerit, sed quietem subinde poscens in ripâ subsistit, præ exilitate pedum depres-
sus, cum sit graviusculo & obeso corpore præditus; quare cibum non poscit more *bombyliorum*. Quatuor alis summis grandioribus, infimis minoribus volando nititur. Caput veluti Perlarum è papilionum genere, translucet membranaceâ tunicâ, superciliis carens; protuberantes oculos exerens; promuscide in se convolutâ; scutiforme dorsum habet; fuciplenum est animalculum; atque ideo piscium quorundam manna est & Encænia; *δεργοςειδης* cum subluteo fulgore, caudam bifidam aut trifurcatam gerit; Antennæ seu corniculæ oculis præfixæ eos ab injuria externâ muniunt. Pedes licet exiles, numero tamen senario annotantur. Cætera eicones docebunt.

Hemerobius vero ab ornatissimo Petro Crachtio ad me transmissus a præcedente variat. Corpusculo enim minus ventrioso cernitur. Ab alarum juncturis ad caudam usque sectiunculis æqualibus orbiculatim ductis distinctus est. Cauda verò bifurcata aut trifurcata digiti minoris longitudine excurrit; velut extremitatem alui in duos uncus forcipis modo secretam animadvertimus. Nitore verò aurei fulgore

antecellit; alarum color non æquè splendidus est; quarum infimæ minus breves sunt in hoc, quam in illo; pedes non hirti, sed quorum internodia cum lævore in fastigium terminantur, quod ipsum in tenues floccos aut filamenta dissectum annotatur. Caput quale muscæ, nigrum ut plurimum, antennæ seu potius antiæ ab implantationis sede sensim intervallum suum dilatant; Promuscis vix conspicua est. Ob eam tamen superficiei varietatem animalculum hoc non debet censi diversum ab Hemerobio, quem operâ Houfnaglii possideo.



Quippe externâ partium figura aliquo modo varius, internis genij viribus quaquaversus respondere invenietur, si cui experientia in fidem vocabitur. Cæterum Houfnaglius diligentissimus naturæ perscrutator hemerobij quoque contemplationem gnaviter tractavit. Quippe in ripa fluminis Mechliniam præterlabentis, Hemerobios catervatim volatus impetum absolvere, cum admiratione observavit. Atque hæc

hæc verbis quantum licuit accuratis digesta offeruntur ijs, quibus nativam animalculi faciem videre non contigit. Quibus autem Eiconem à me proposiram inspicere voluntas erit, nostra descriptione non parum juvabuntur, ut bonam animalculi notitiam adipiscantur. Sin autem ipso sive vivo, sive mortuo aliquando potentur, omnis ad cognitionem accu-
mpletam via patefacta erit.

Vermem itaque majalem nostrum licet nunquam usibus Medicis aptatum, ejusque sobolem Aureliam (aut Chrysalida-
cujus Plinius perfunctoriè meminit tenuis membranæ ad in-
star acinorum esse dicens, & Hemerobium Historiola scola-
stica magis quam Medica declaravi. Dubiam enim medici-
nam accuratè persequi piaculum esse judico, postquam ne-
que meis neque mihi ipse ratione satisfacio. Tumultu vero
medicaminum ne turbetur medicus autor sum. judicium
præcipuè intendat circa Cantharidem purpureo-violaceam
Trajectensium, (autoritate Aldroandi rotundam violam
appellandâ) & Wieri cornutum scarabæum quem Trajecten-
ses, velut Wierus ipse suum, vermem majalem nuncuparunt.
Hæc & similia ad judicium Lectoris medici & religiosi natu-
ralium indagatoris deferro. Sed diutius quam par est infru-
ctuosis operam dedi, ad fructuosa digrediendum; inter quæ
primum ordinem Apes sibi vendicant; quarum historiam Pa-
rens meus P. M. ante annos 36 dialogismo divulgavit, mihi
postmodum provinciam committens in continuam oratio-
nem Latinè traducendi.


Admonitio ad Lectorem.

Haftenus de hemerobio, quem ex omni virorum selectu
locupletiorè reddere laboravi. Quare ad autoritates alienas
provoco, si quid minus firmum prodivit. Si quid omis-
sum, librorū penuriæ imputandū, non negligentiae nostræ. Pauci e-


nim abjectæ rei enucleatores esse voluerunt, velut multis ad experimentum occasio defuit. Nonnullos vero autores natus, uno me caruisse doleo quo completior doctrina reddi potuisset. Quippe *Henrici Wieri* Med. Electoris Trevirensis, *Iohannis Wieri* Med. Ducis Clivenfis Filii, ad *Henricum Smetium* epistola ferè oculos nostros intravit, in quâ ad hemerobium & varennum morbum pertinentia plurima digeruntur. Neque tamen ea ad reliquorum acervos cogere licuit quod sub typo jam liber æstuans post festum aliquid inferi recusarit. Suo ævo fortassis hoc mutilum quoque à me farciatur, aut si occurfu fortis aut Fati à labore reprimar, Lector se ad *Smetij* miscell. Medica lib. 4. (in quibus epistola decima *Wieri* ad *Smetium*) recipere dignetur, nec non ad tractatum de vareno morbo, præcipuè ubi de signis agit. Si quid eum à Sententiâ nostrâ recedere invenies, non statim nobis culpa impingatur, postquam huic quoque viro labilis naturæ calamitas addita est, velut ne me quidem omnia cedro digna dicere tenella eruditio consentit. Illi vero, mihi que benè apprecare, quod publicam rem juvare studemus rei non pervulgatæ explicatione, in qua vel eruditissimis cespitandi largâ occasio esse possit. Vale.

PARALIPOM. SEU PRÆTERMISSUM.

Tabella hæc Medullam, atque integumentum, seu corticem intermedium exhibet.



Hæc autem Tabella Germani aut Gemmam in lapillum.



gemmeæ nitoris versam, eicone vivâ delineat, quibus Cocci Medici partibus lapillum è Cocco vulgari Indico, quem *D. Samuel Blommert* dono mihi dedit, adicere non poenituit; ut fides & veritas intra tutelam suam exempli allegatione consisterent, serò autem libri appendiculæ inserta ad paginam 38 referantur, & postliminij jure sine querelâ potentur. Cocci enim Medici partes, ubi ad examen veniunt, hæc quoque ad comitia citari meruerunt.

NICOLAUS CAUSSINUS,

Vitæ brevitatem per Ponti Ephemeria notat.

LIH. Parabolarum historicarum.

Apodosis. Nulla est vita non brevis, sed illorum brevissima ac solutissima ætas est, qui præteritorum obliviscuntur, præsentia negligunt, de futuro non timent.

Authores in duobus hisce opus- culis consulti & citati.

- | | |
|--|--|
| <p><i>Aristoteles.</i>
 <i>Antonius Nebricensis.</i>
 <i>A. Guainerius.</i>
 <i>Ælianus.</i>
 <i>Antidotarium</i> { <i>Venetorum.</i>
 { <i>Monspeliensium.</i>
 { <i>Mercati.</i>
 <i>Bocatius.</i>
 <i>Casparus Bartholinus.</i>
 <i>C. Baubinus.</i>
 <i>C. Barlaeus.</i>
 <i>C. Hofmannus.</i>
 <i>Claudius Salmasius.</i>
 <i>Carolus Clusius.</i>
 <i>C. Stephanus.</i>
 <i>Cardanus.</i>
 <i>Cicero.</i>
 <i>Christophorus à Costa.</i>
 <i>Dioscorides.</i>
 <i>Dalechampius.</i>
 <i>Festus.</i>
 <i>Franciscus Pyrrard.</i>
 <i>Galenus.</i>
 <i>Guiccardinus.</i>
 <i>Garcias ab Horto.</i>
 <i>Gesnerus.</i>
 <i>Georgius Agricola.</i>
 <i>Henricus à Bra.</i>
 <i>H. Smetius.</i>
 <i>H. Wierus.</i></p> | <p><i>Hollerius</i>
 <i>Ioannes Heurnius.</i>
 <i>I. Wierus.</i>
 <i>I. De Laet.</i>
 <i>I. Hugo Linscotanus.</i>
 <i>Invenalis.</i>
 <i>Leonicerus.</i>
 <i>Mercatus.</i>
 <i>Martinus Ignatius.</i>
 <i>Mathiolus.</i>
 <i>Nicolaus Fontanus.</i>
 <i>N. Caussin.</i>
 <i>Ovidius.</i>
 <i>Plato.</i>
 <i>Plinius Major.</i>
 <i>P. Nepos.</i>
 <i>Petrus Forestus.</i>
 <i>P. Laurembergius.</i>
 <i>Pontanus.</i>
 <i>Ruellius.</i>
 <i>Sextus Aurelius Victor.</i>
 <i>Suetonius.</i>
 <i>Scaliger Pater.</i>
 <i>Theodorus Gaza.</i>
 <i>Theophrastus Paracelsus.</i>
 <i>Theoph. Gr. Scriptor Botanicus.</i>
 <i>Varro.</i>
 <i>Vincentius.</i>
 <i>Vlisses Aldroandus.</i></p> |
|--|--|

Viro nominatissimo.

A V G E R I O C L U T I O

Patrono suo observando.

Omnia quæ gignunt Cælumque, Salumque, Solumque,
Docti profusis explicuere libris.

Tu brevibus chartis cuncta hæc si tradere CLUTII

Contendis: (facili quâ ratione facis)

Et Medicis medicas referare hoc ordine vires.

Quæis Botane semper partibus emicuit,

Desine: te deceat præsentî insistere cæpto,

Quo neglecta aperis, non quoque visa prius.

Erue Thesaurum, CLUSII æmule; luminis oras.

Abdita conspiciant, quæ latuere diu.

Olim constabit quam distent æra lupinis;

Toxica, selectis; dira, salutiferis.

L. M. Q.

Coronidem adposui Iohannes Born,
ære CLUTII non comico, at
Botanico obæratu.

L E C T O R I.

Voti nostri ad rem pertinentis caput est, librum ex Typographi tabernâ sincerum nullis vitiorum maculis fadatum prodire. Errata verò annotamus sed magna & decretoria, levia illa vestro iudicio committentes; quemadmodum interpunctorum rationes vestra quoque censura delegamus, sicuti fortè vel abundant immoderatè, vel mutilè deficiant. Sin & permutata in textum irrepperunt, selectu tuo ea reduci precor. Reliqua autem quæ mentis aut calami vitio rem vel orationem devenustant, æquitati vestræ trado ut sèd escere definant. Vale.

Errata sic corrige.

In præfatione ad lectorem lin. 17. A. 2. lege fastigium., A. versa lin. 17. lege equite. Ibidem lin. 23. lege aviditatem.

Capite 1 pag. 1 lin. 9 lege eas potius. Ibidem lin. 16 metamorph. pag. 2 desideratur inscriptio (de nuce Medica) usque ad pag. 19. Ibidem lin. 24. lege angustis. pag. 3 lin. 2 dele ut. pag. 4 lin. 9 lege torquentur. pag. 5 lin. 14 lege quo. Ibidem lege altera. lin. 21 lege esset usus. pag. 6 lin. 3 lege hujus. pag. 8 lin. 13. adde colores. Ibidem lin. 15 lege nulli. Ibidem lege potest. Ibidem lin. penultima lege dum aliæ &c. pag. 9. post licet pone (an ex limo prodeat postquam) & post radicata, (est, in in quo germinis accessus recipi nequit) pag. 10 lin. 24 lege diruptus. Ibid. lege proscenium. pag. 11 lin. penultima lege repræs. pag. 12 lin. 9 lege unum. pag. 15 lin. 4. lege Villosis. pag. 16 lin. 13 lege substantiæ. Ibid. lin. 25 lege incantamenta. pag. 22 lin. 13 in locum gustus pone Saporis. Ibidem lin. 24. lege pœnè. pag. 23 lin. 14 dele quid. Ibidem lin. 23. lege proscinditur. Ibidem lin. ultima lege extricabili. pag. 25 lin. 21. lege constar. Ibidem lin. 24 lege officium. pag. 28. ult. lin. annotata. Ibidem lin. 22 scyphi. pag. 31 lin. 5. post earum pone Insularum. pag. 33 lege Garçiæ. pag. 36. lin. 10. lege inserviant. Ibidem lin. 13. promptuarijs. pag. 39. lin. 12. post affectiones ponatur comma. pag. 48. lin. 3 pone Syr. ante limonum. pag. 50 lin. 17. lege Venter. Ibidem lin. 27. ante 31. claude parenthesis. pag. 58. lin. 3. lege molliore. pag. 59 lin. 1 accurat. Ibidem lin. 8 lege operantis. Pag. 66. in numero error. Ibidem desideratur inscriptio (de Hemerobio) pag. 68. post sunt pone plurimi. Ibidem post videantur pone eorum scripta. pag. 74 lin. 25 lege repræsent. Ibid. lin. 25 lege incurvato. Ibidem lin. ultima firmeretur parenth. (D. Wiero) pag. 78 lin. 2 lege humano. Ibid. lin. 18 inedia. pag. 80 lin. 30. lege laverniones. pag. 81 lin. 7 lege insensatus. pag. 82 lin. 4 lege utendi. pag. 83 lin. 25 lege verminini. Paginarum 84. 85. 88. 89. nueri restituantur. pag. 84 lin. 10. Velavios. pag. 91 lin. 3 lege trahentes. Ibidem lin. 6 lege assequi. pag. 92 lin. 8 lege dilute. pag. 94 lin. 14 lege fruatur. pag. 97 lin. 18. pone comma post præcipuè. Ibid. penultima, lin. lege velut.


F I N I S.

De Winnerebuis, noemt hy drie
Maarten. Soeft in plaats van tuwe,
dat het groote Staft Lyn, (hy heet
ook de Winnerebuis of
Longiवाद).


De afbeelding op page 90 (oigen
L. 28) heet ook van hy Winnerebuis.
Winnerebuis. Spekman; vtel; op pag.
96 soeft het Dier 2 Maarten.


De afbeeldingen op p. 95 en 81
hebben mede Winnerebuis waarden
voor Stellen.

14









70039

92.

